


23
24
25
26
27
28
29
30
31
32
33
34
35
36
37
38
39
40
41
42

金石萃編



古130
8542
部=18

賜進士出身 誥授光祿大夫刑部右侍郎加七敘王昶撰

宋三十

句容縣五瑞圖并題記

碑高五尺二寸廣三尺一分分作三截上繪圖中七行行七字下二十行行九字正書在句容縣

特秀之芝兩岐之麥同本之竹竝蒂之瓜蓮有一於此

足為上瑞况五者來備乎然則 邑大夫與其

同僚所以召和迎祥者亦必有道矣

紹定己丑寒食日漫塘叟劉宰

實慶丙戌邗城張君侃來宰斯邑越兩歲而五瑞集

焉士民歌誦盈耳蓋自有不能已者 漫塘聘君劉

先生言語妙天下平昔不輕許可其歸美於感召之

所自者信矣 山陰王令君亦有跋語暨諸賢序贊

連篇累牘未易悉紀 大夫初不自矜至有謝同僚

之詩曰騰喜聯官忘爾汝故令元化奪胚胎及惠邑


士之詩又曰山川清美天下稀五瑞同時蓋紀碑碑

上只言人物盛若言德政愧無之吁大夫其謙矣哉

是歲五月既望免解進士充縣學學長江千里謹書

句曲司成刊

按五瑞圖題記漫塘劉宰為句容邑宰張侃作也



宋史劉宰傳宰字平國金壇人紹熙元年舉進士

調江陵尉真州司法授泰興令父喪起為浙東倉

司幹官默觀特變頓不樂仕尋告歸監南嶽廟理

宗初即位乞致仕乃以直祕閣主管仙都觀端平

元年升直寶文閣未幾遷太常丞就道至吳門拜

疏歸進直顯謨閣主管玉局觀尋卒著有漫塘文

集三十六卷今錄入四庫全書提要云宰著作甚富淳祐初王遂哀其遺藁十僅得四五為編訂作序名曰前集理宗收入祕閣世遂無傳明

正德間大學士靳貴從內閣鈔出因授王泉發梓

釐為三十六卷集中漫 宋詩紀事云寧宗朝韓侂

胄枋國不復仕自號漫塘病叟卒謚文清此記題

紹定己丑寒食日己丑為紹定二年是時正主管

仙都觀也江千里稱之為漫塘聘君未詳所謂邗

城張侃史無傳宋詩紀事亦不見錄其遺句賴見

此碑江千里充縣學學長學之有長始見於此

陳盛父袖足巖題記

石橫廣八尺六寸高四尺十一行行七字正書

魯國陳盛父位希賈尼晦叔元輝姪朱子俊胡子儀韓

仁父盛父饒德寬兄之官古申是日謁口山遊真巖丹

桂遺香黃花發采壘盃相屬尚羊口晷臨分援筆以紀

歲月時紹定壬辰季秋既望

龍壽禪寺復田記
碑連額高五尺九寸廣三尺二寸六分二十一行行四十三字正書篆額
雲蓋龍壽禪寺復田記

從事郎饒州德興縣主簿裘由庚撰

前奉議郎知安豐軍六安縣事胡逸駕書

朝奉郎改老充江南西路安撫司幹辦公事劉克遜

篆額

教有廢興時有衰盛物有得喪而理無古今存亡之間
士君子平心揆事權衡於予奪之際者以其理也山林
枯槁之士視外物之去來得喪何有而有失則斯有復
者以其教也錄物之往復以占其時即時之隆替以觀
其教此吾西山龍壽禪寺復田記之所爲作也寺興於
唐天復中鍾傳據豫章日奏置以處光化禪師官給田
三千頃至 我朝祥符間白石道者智新居之徒衆
益盛易律而禪當其盛也唱道鳴教宗主其徒代有其
人時往事遷人心教泯鐘魚如故而瓶笠之游鮮至矣
雖在籍之田棄而不有亦漫不復省紹定壬辰 連帥
李公壽朋因法席適虛聞僧祖開道價即具威儀迎致
開早叅清簡庵得臨濟法隨後讀華嚴入大自在法口
至之日口口諸聞禪口口集開知口口可響也口歲大

淨聰 住持傳法沙門祖開立石

太學靈通廟牒

碑高八尺四寸三分廣四尺一寸五分作六截書每
截或二十一行或七行每行或四字或二十九不等
正行書在
杭州府學

尙書省牒

存心齋諭學生林居雅篤信齋長學生黃恭服膺齋
長盧方春齋諭林公槐親身齋長章汝鈞齋諭黃綱
習是齋長朱應元齋諭龔琦允蹈齋長王日新齋諭
陳一中存心齋長周或守約齋長陳季彊齋諭吳附
鳳養正齋長張玘齋諭顏復之特志齋長水丘衰齋
諭周景廟節性齋長陳鼎新齋諭蔡夢雷經德齋長
姜文龍齋諭林拾誠意齋長高嘉齋諭戴鑫奉履齋
長陳揚譽齋諭潘震孫循理齋齋長胡夢高齋諭蔡
廣時中齋長胡嗣家齋諭李時秀篤信齋齋諭林旂
果行齋長陳將齋諭陳士登務本齋長邵忱齋諭問
丘成貫道齋齋長章士元齋諭黃時若觀化齋長徐
信卿齋諭臧元孫立禮齋長王若訥齋諭葉寔劄子
居雅等竊見神祠之立 國典所繫自太學初興廟
貌隨建禮禱祈禱靈異未易殫述如今歲五月初倉
猝啟暴九月初潛明火警險有感孚如響斯答惟是

歛食口口給慨然口嘆有言寺故有田濱樵口日裏湖
爲居民侵冒者八百六十餘畝聞命閱籍果不誣謁諸
邑大夫 胡侯祝侯仁勇士 委官按視諭不妄盡理
而歸諸寺開欲誌侯之德不忘踵門而謁至再子辭不
獲則告之曰子之教以壞色爲衣以行句爲食田於何
有後之人始華屋廣居豐衣美食田連阡陌無藝矣然
其歸欲其徒一意精進無衣食以累其心則一也有國
者病其無藝之盡吾民也爲之經制不得貨鬻如世業
比則田之有者不可使無失者不可不復亦口其想然
耳君子之爲政一揆諸理起而正之於民無怨於僧矣
德子將安所誌乎爲子之徒奉子之教撞鐘伐鼓敷座
展鉢於一餐一供思所自來以山谷道人食時五觀自
律以無盡居士掬溪煮糲自警不徒使大儒旁觀有二
代禮樂盡在是之歎則廢可興衰可盛侯之功不唐捐
矣吾既以爲開勉然見姑蔑之旗者必取呼餘皇之舟
者必復侯宰邑以最聞將去爲郢州別駕北望中原志
清河洛得時與位挈輿地而歸 本朝使 迺祖忠
簡公義不臣虜之志一伸於六七十載之後則功烈偉
矣吾重以爲侯勉紹定六年七月日記
頭首 道宣 應堅 祖安 知事 宗起 宗智

曩立神祠私以護學靈通爲稱未該

賜號近者生員陳懿孫形之夢兆以謂不當私異名

稱合經

朝廷陳乞神之有知能爲斯言揆之理義殊合典制

矧今際遇

聖君賢相優崇學校若蒙寵榮特昇

恩秩命以徽號使神人兩安爲慮實溥伏俟

指揮

揀奉

勅宜特賜靈通廟爲額封正顯侯揀至准

勅 政揀

端平貳年十一月 日揀

同知樞密院事兼權叅知政事鄭 押

叅知政事 未上

右丞相 押

特進左丞相 押

勅太學靈通廟神台我先王各因其方以祠后土示有
主也矧司我首善之地而不褒表之歟
口興建學爾以聰明正直妥靈其間凡敦篋而入解褐
而去莫不駮奔走在廟用物宏多厥靈炳著不但呵星

妖叱鬼怪而蒸我髦士發揮斯文以爲邦家光斯亦有陰助焉矣錫之徹侯都以徽號尙庶幾敬祭重祠之意可特封正顯侯奉

勅如右牒到奉行

端平三年正月九日

特進左丞相清之

右丞相行簡

忝知政事與之未上

同知樞密院事兼權忝知政事性之

給事中咨夔

兼權中書舍人

正月十四日午時都事郭口口口受

倉部郎中口口崔端純差除

特進左丞相清之

右丞相行簡

忝知政事與之未上

同知樞密院事兼權忝知政事性之

吏部尙書關

工部尙書兼權口口

吏部侍郎關

告正顯侯奉

勅如右符到奉行

主事徐元麟

權員外郎 令史高之才 書令史周裕 主管院

相 端平三年正月十四日下

按南宋大學乾道臨安志云紹興元年於凌家橋東以慧安寺故基重建有六齋曰升俊經德敦厚彌新實文富文此所指乃臨安府學非太學也宋史選舉志紹興十三年兵事稍寧始建太學續資治通鑑紹興十二年四月甲申起居舍人楊愿請以臨安府學增修爲太學從之是以府學爲太學也續鑑又載十三年正月癸卯詔以錢塘縣西岳飛宅爲國子監太學舊太學七十七齋今爲齋十二日視身服膺守約習是允蹈存心持志養正誠意率履循理時中拮据淳臨安志京城圖凌家橋在豐豫門內即今湧湧金池河之東此是初初府學之舊基錢塘縣治在錢塘門內之南岳飛宅稍在其東北紀家橋之東其後即建國子監太學武學也然則太學非即府學舊基矣續鑑云在縣西與圖不同其址

嘉熙題名

石高五尺四寸廣二尺三寸三分三行行七字正書

嘉熙己亥歲口口口口泓口希口携家過此與譚侍行理宗道統贊

碑十六石與高五尺七寸廣三尺惟第三石四行餘俱五行每行或十一字七字八字不等正書在杭州府

御製并書

朕獲承 祖 宗右文之緒祇適 燕

謀日奉 慈極萬幾餘閒博求載籍推述道統之傳自伏羲迄于孟子凡達而在上其道行窮而在下其

教明採其大指各爲之贊雖未能探蹟精微姑以寓尊其所聞之意云爾

紹定三年所製淳祐改元孟春祇謁 先聖就賜

國子監宣示諸生

伏義 繼天立極爲百王先法度肇建道德純前八卦成文三墳不傳無言而化至治自然

堯 大哉帝堯盛德巍巍垂衣而治光被華夷聖神文武四岳是咨揖遜之典萬世仰之

堯

堯

堯

堯

堯

堯

堯

堯

今爲浙江碑載二十齋曰存心篤信服膺視身習按察使署約養正持志節性經德誠意率履循理是允蹈守約養正持志節性經德誠意率履循理時中果行務本貫道觀化立禮校之續鑑增多篤信節性經德果行務本貫道觀化立禮八齋餘十二齋名同續鑑此二十齋僅見此碑諸書皆不詳不知所謂七十七齋者又皆何名據云舊太學似指汴都然史無攷碑載存心篤信二齋有齋諭學生齋長學生其餘但稱齋長齋諭不云學生不知是官是生宋史選舉職官二志皆不詳其制碑載勅文廟是太學后土神祠其靈異之蹟與夫額賜靈通侯封正顯稽之史志皆不載則此碑足備武林掌故匪淺渺矣牒以端平二年十二月降三年正月九日行正月十四日下勅後系銜云同知樞密院事兼權參知政事鄭者鄭性之也參知政事崔者崔與之也時與之由知廣州召除故注云未上右丞相不著姓乃喬行簡也特進左丞相不著姓乃鄭清之也皆據宰輔表知之此後又列銜名六行四宰輔外增給事中咨夔者洪咨夔也兼權中書舍人泐其名此後又列銜名四宰輔外增倉部郎中崔端禮等八人不能悉攷矣

舜

於皇聖德至孝盡倫所以為大樂善取人惟精惟一帝心之純垂拱無為堯道是循

禹

克勤于邦烝民乃粒靈敷在躬厥中允執惡酒好言九功由立不伐不矜振古莫及

湯

順天應人本乎仁義以質繼忠匪曰求異盤銘一德彖林六事人紀肇修垂千萬世

關

關

武王

受天眷命繼志前人遐邇悅服偃武修文惟賢是寶法度彰明建用皇極爰敘彝倫

周公

美哉公且翼輔成周施兼四事才藝俱優制禮作樂惠澤敷流有大勳勞宗社延休

孔子

聖哉尼父秉德在躬應聘列國道大莫容六藝既作文

教事崇今古日月萬代所宗

顏子

學冠孔門德行科首聞一知十若虛實有樂道筆瓢不易所守口趨聖師睦若其後

曾

守約博施反躬三省孝為德先祿仕不忍聖道正傳意會神領一唯忠恕門人深嘗

子思

閒居請問世業克昌可離非道孜孜力行發揮中庸體用有常入德樞要治道權衡

孟子

生稟淑質教被三遷博通儒術氣養浩然深造自得亞聖之賢高揖孔氏獨得其傳

右理宗道統十三贊前有庚寅御書印後有辛丑御書之寶印今在杭州府學即南宋之國子監玉海所請淳祐聖賢十三贊也

潛研堂金石文跋尾

按此碑杭州府志題曰歷代帝王聖賢贊據碑贊凡十三帝王惟伏羲堯舜禹湯文武聖賢惟周孔顏曾思孟則不得以歷代彰之理宗御製序謂推迹道統之傳自伏羲迄于孟子是專為道統作贊

黨之碑偽學之禁豈不大有徑庭也哉身當季運弗獲大效後世有以理學復古帝王之治者考論匡直輔翼之功實自帝始焉蓋以黨碑偽學相較論正謂此碑之於帝王治道大有關係也碑惟闕

三行是文王贊餘俱完好前有庚寅御書印後有辛丑御書之寶印庚寅是紹定三年辛丑是淳祐元年然則此贊是辛丑重書上石矣碑在杭州府學今之府學即南宋臨安府學非國子監也

國子監北

太常大樂編鐘欵識

鐘高九寸腹徑六寸二分二行行五字正書

淳祐新鑄太常大樂編鐘

右淳祐編鐘一器於景異間楷書淳祐新鑄太常大樂編鐘二行凡十字重十三斤十二兩以漢尺度之高九寸舞廣六寸舞修六寸七分銑徑七寸鼓徑六寸三分枚三十六自角及銑竟體作雲雷紋極細緻其形不圓而下垂特微有裂痕音響不甚清越耳

王尚

按欵識但言淳祐新鑄而不詳何年理宗本紀及續通鑑亦不載淳祐年鑄大樂編鐘之事惟宋史

記

也宋史道學傳序曰道學之名古無是也三代盛時天子以是道為政教大臣百官有司以是道為職業文王周公既沒孔子有德無位與其徒定禮樂明憲章刪詩修春秋讚易象討論墳典期使三五聖人之道昭明於無窮孔子沒曾子獨得其傳傳之子思以及孟子孟子沒而無傳此理宗之傳所以自伏羲以迄孟子專明道統不及他人也

理宗紀載淳祐元年正月甲辰詔曰朕惟孔子之道自孟軻後不得其傳至我朝周惇頤續通鑑雖詳但稱周頤張載程顥程頤真見實踐深探聖域千載絕學始有指歸中興以來又得朱熹精思明辨表裏混融使大學論孟中庸之書本末洞徹孔子之道益以大明于世朕每觀五臣論著浹沃良多今視學有日其令學官列諸從祀以示崇獎

王安石制法從祀亦在此

時戊申幸太學謁孔子遂御崇化堂命祭酒曹膺講禮記大學篇監學官各進秩一等諸生推恩賜帛有差製道統十三贊就賜國子監宣示諸生碑所載與史合又理宗本紀贊曰宋嘉定以來正邪貿亂國是靡定自帝繼統首黜王安石孔廟從祀升濂洛九儒表章朱熹四書丕變士習視前朝奸

奉

勅如右牒到奉行

景定二年二月 日

太保右丞相益國公口道

知樞密院事兼叅知政事口

簽書樞密院事兼權叅知政事龍榮

時軺兼權給事中口孫

中書舍人口

二月口口午時知事

左司郎中

太保右丞相益國公

知樞密院事兼叅知政事

簽書樞密院事兼權叅知政事

權吏部尙書

吏部侍郎

告忠文王奉

勅如右符到奉行

主事傅起巖

郎中 令史陸宗機

書令史劉必昌

中書舍人

二月口口午時知事童受

左司郎中 付吏部

太保右丞相益國公

知樞密院事兼叅知政事

簽書樞密院事兼權叅知政事

權吏部尙書

吏部侍郎

告烈文侯

告昌文侯

告煥文侯

告顯文侯

告崇文侯

告尙文侯

奉

勅如右符到奉行

主事傅起巖

郎中令史陸宗機

書令史劉必昌

主管院口口

樂志云理宗享國四十餘年凡禮樂之事式遵舊

章未嘗有所改作紹定三年行中宮冊禮並用紹

熙元年之典及奉上壽明仁福慈睿皇太后冊寶

始新製樂曲行事當時中興六七十載之間士多

曠樂典之久墜類欲蒐講古制以補遺軼於是姜

夔乃進大樂議于朝夔言紹興大樂多用大晟所

造有編鐘鋪鐘景鐘有特磬玉磬編磬三鐘三磬

未必相應云云然無改鑄編鐘之文史無夔傳惟

宋詩紀事稱夔于慶元中曾上書乞正太常雅樂

得免解訖不第而卒則其議大樂亦在慶元年此

鐘鑄於淳祐年或是舊鐘敝損偶有新鑄非因新

定樂器而鑄也諸家記載無聞識以備攷

大學忠顯廟勅牒

碑殘缺僅存高六尺四寸廣四尺一寸六截書每截九行至二十一一行行四字至九字不等行書在杭州府學

缺人倫忠於 必有 缺之 缺昭 缺有功不 缺謀帥之風

缺凜若春秋復 缺此維與宅以赫 缺迥其生之自來檻

缺顛冠帶不左 缺干羽在 缺極於隆名宜廟食增崇於

命紀英烈言言可畏而仰以迄于今辟雍湯湯永觀厥

成有相之道尙福茲土式勸爲臣可特封忠文王

主管院口口 景定二年二月 日下

忠顯廟佐神

張憲可特封烈文侯

徐慶可特封昌文侯

董先可特封煥文侯

牛阜可特封顯文侯

李實可特封崇文侯

口貴可特封尙文侯

勅忠顯廟佐神張憲等文武之道一而貫之以一曰忠

而已其有忠於所事死生以之此有國者所務白也爾

爲偏將實佐戎旃視姦逆銜鼎而如飴凜義烈英風之

未沫觀其所主可使懦夫立匪唯有功於干城亦有助

於名教封侯廟食維以勸忠可依前件奉

勅如右牒到奉行 景定二年二月 日

太保右丞相益國公口道

知樞密院事兼叅知政事口

簽書樞密院事兼權叅知政事龍榮

時軺兼權給事中口孫

按此碑前段勅文殘泐文有辟雍湯湯永觀厥成有相之道云云後有忠顯廟佐神一行知其為太學忠顯廟碑也稽之杭州府志金石門載五碑一曰封太學靈通廟為正顯侯符勅牒文其一石端平三年刻一曰封張憲等為侯勅文暨寧宗國子監詔旨俱理宗御書俱引錄一曰岳王廟尚書省牒端平三年正月牒一曰淳祐實祐加封淳祐六年五月牒一道實祐四年八月牒一道碑額篆書一曰景定勅封廟額景定元年八月碑額篆書武林石五碑皆不詳建立所在寰宇訪碑錄載五碑一曰太學靈通廟端平三年正月一曰加封太學土地文忠侯勅牒淳祐六年五月下列刻實祐四年勅牒一曰加封太學土地文忠英濟侯勅牒實祐四年九月與淳祐六年牒同刻一石仁和在一曰太學靈通廟勅賜忠顯額牒景定元年八月一曰勅封忠文王及佐神張憲等牒殘碑景定二年二月俱在二書所載太學靈通廟牒端平三年正月者已見前矣其府志所載封張憲等為侯勅文即訪碑錄所載勅封忠文王及佐神張憲等

牒殘碑皆即謂此碑也但府志於張憲勅文下又云暨寧宗國子監詔旨俱理宗御書訪碑錄所不及而今拓本亦無此碑或所引錢塘志有誤也又所載景定元年八月碑府志但云景定勅封廟額訪碑錄則云太學靈通廟勅賜忠顯額則是先有賜額碑在勅封忠文王碑前一年而今亦未見然据此語是忠顯額即與靈通廟合矣府志祠廟門不載忠顯廟惟有忠佑廟云在按察司署門外左偏宋紹興三十一年建太學是十三年此語誤以岳武穆王故宅為太學土地祠以祀王建太學在紹興十三年其時未必即奉岳武穆為土地祠以意度之初王建學時以靈通廟為土地祠其後乃祀岳王也王卒時有女尙幼痛父宛抱銀瓶赴井死元至正中附手祠俗呼銀瓶孀子廟然則銀瓶之祀祀始于元至正時其在宋時止祀岳王也太學土地祠既有靈通廟正顯侯端平三又有文忠英濟侯淳祐六并此忠文王合之是太學土地有三矣此碑勅云尙福茲土式勸為臣可特封忠文王確是為土地之證然府志稱廟額為忠佑此碑為忠顯彼此不同訪碑錄又載德祐元年正月有太學忠祐廟勅封告據碑其忠祐實有其廟非即忠顯之訛疑不

能明也府志忠佑廟只載附祀王女而不及張憲等六人注引方象瑛謁岳忠武家廟其時太學已廢故稱忠佑廟記云中為王廟張憲等六人配語與碑合此碑後列一勅云忠顯廟佐神張憲烈文侯徐慶昌文侯董先煥文侯牛皋顯文侯李寶崇文侯王貴碑泐其姓據鄭元祐尙文侯此六人皆武穆部將精忠廟記作王貴則正祀之忠文王為武穆無疑但宋史岳飛傳孝宗時建廟于鄂號忠烈淳熙六年謚武穆嘉定四年追封鄂王寶慶元年改謚忠武未嘗有忠文王之號張憲等六人皆用文字為封拜用之太學故皆用文字而史於飛傳及張憲等傳皆不載府志所載端平三年正月岳王廟尙書省牒不知廟在何處然與太學靈通廟同時頒降疑所謂岳王廟即忠顯廟也六侯事蹟史惟張憲牛皋有傳憲傳云憲飛愛將也飛破曹成憲與徐慶王貴相降其黨二萬飛遣憲復隨州進兵鄧州遇賊兵數萬迎戰與王萬董先各出騎突擊遂復鄧州紹興十年金人渝盟入侵憲戰穎昌戰陳州皆大捷憲將徐慶李山復捷于臨潁會秦檜主和命飛班師憲亦還未幾檜與張俊謀殺飛密誘飛部曲以能告飛事龍以優賞卒無人應乃誘王貴告飛劫以

私事貴雖而從又有王俊者以家貧負負意所張俊謀以憲貴後皆飛將使其徒自相攻發張俊自為狀付王俊妄言憲謀還飛兵令告王貴使貴執憲張俊親行鞠煉使憲自誣謂得雲書命憲營還兵計憲被掠無全膚竟不伏張俊手自具獄成告檜械憲至行在下大理寺矯詔召飛父子至萬俟卨誣飛使子鵬孫革致書憲責令虛申警報以動朝廷雲與憲書規還飛軍憲坐死紹興三十二年追復龍神衛四廟都指揮使閩州觀察使贈寧遠軍承宣使牛皋傳云皋字伯遠營山人隸岳飛軍金人入寇破襄陽六郡敵將王嵩在隨張憲攻之月餘不能拔飛遣軍行裏三日糧未盡城拔斬嵩悉推功與憲偽齊驅甲士五千薄廬州飛遣徐慶與皋赴援敵人逼城皋遙謂曰牛皋在此爾輩何為見犯眾鄂然不戰而潰飛分其功以昇慶從平揚么么計窮投水皋赴水縛么金人渝盟軍戰汴許間劫最歷轉河南副總管紹興十七年上巳日都統制田師中大會諸將皋遇毒亟歸明日卒或言秦檜使師中毒皋云此憲皋二人之始末也董先史附見張玘傳云成州刺史董先為制置司

前軍統制玘佐之紹興元年金將高瓊率眾取商州董先禦之玘乘銳奔擊明年春偕先繇藍田渡渭規取長安時劉豫據京師先軍乏食偽降豫不挈家玘事其夫人如舊豫使人迎其妻先密書報玘勿遣且述必還意三年春先自偽齊歸玘還兵柄退就位此先與張玘之始末也其餘諸人並附岳飛傳云建炎四年兀朮攻常州宜興令迎飛移屯焉盜郭吉聞飛來遁入湖飛遣王貴傳慶追破之紹興二年賊黨姚達饒吉通建昌飛遣王萬徐慶討擒之二年賊曹成以眾十餘萬守蓬頭嶺飛破其眾成奔連州飛遣張憲自賀連徐慶自邵道王貴自郴桂招降者二萬與飛會連州進兵追成成走宣撫司降三年春虔吉盜連兵寇瑛帝乃專命飛平之飛受其降授徐慶等方略捕諸郡餘賊皆破降之餘寇高聚張成犯袁州飛遣王貴平之秋帝授飛江南西路沿江制置使又改神武後軍都統制李山吳全錫李橫牛鼻皆隸焉四年除飛荆南鄂岳州制置使飛渡江抵鄂州偽將京超乘城拒飛飛鼓眾而登超投崖死復鄂州遣張憲徐慶復隨州飛趣襄陽李成迎戰飛舉鞭指王貴

曰爾以長槍步卒擊其騎兵指牛鼻曰爾以騎兵擊其步卒成夜遁復襄陽進兵鄧州成與金將劉合李董列若拒飛飛遣王貴張憲掩擊賊眾大潰五年飛如鼎州揚公方浮舟湖中飛亟遣兵擊之舉巨木撞其舟盡壞公投水牛鼻擒斬之六年命飛宣撫河東節制河北路首遣王貴等攻魏州下之偽齊屯兵窺唐州飛遣王貴董先等攻破之十年金人攻拱扈劉錡告急命飛馳援飛遣張憲姚政赴之又遣王貴牛鼻董先揚再興孟邦傑李寶等分布經略西京汝鄭穎昌陳曹光蔡諸郡凡此皆六人歷次助飛戰功之大略也六人中惟王貴私事貴懼而從宛不如五人之忠于飛也史有李寶傳玩其文別一河北人自金拔身從海道來歸者未嘗隸飛麾下歸朝立功高宗書忠勇李寶四字表其旗幟平贈檢校少保恐非從祀之李寶也牛鼻封顯文侯據鄭元祐重建精忠廟在西湖北山岳墓左記亦載此六人牛鼻作輔文侯府志家墓門又載西湖東山街有烈文侯張憲墓樓霞嶺北有輔文侯牛鼻墓定香橋有贈少保忠勇李寶墓觀其系銜不云崇文侯似係河北歸朝之李寶非崇文侯李寶也又府志祠廟

門引錢塘縣志載昌文侯祠在府學為本學土地神為徐文慶文字衍宋岳武穆王部將有戰功孝宗朝褒崇及其部將遂賜為昌文侯此是理宗志牒誤作孝宗充太學士神此語更誤後改為郡學仍奉以祠又有資福廟在江干祀宋烈文侯張憲景定二年追封今稱郡城都土地廟又有張烈文侯祠在東山街口墓所唐皋撰祠記云侯蜀之閬州人武穆愛將或曰其婿也墓與祠在樓霞嶺西去武穆不遠百步許地又有忠烈二侯祠在衆安橋南聚木巷祀宋封繼忠侯岳雲烈文侯張憲武穆死于獄二侯就戮此地里人鄰其寃立祠祀之凡六人之有祠墓可考者如此並附錄備碑于勒文年月後列銜名四段其同者曰太保右丞相益國公口道略上字乃賈似道也曰知樞密院事兼叅知政事勅其名一字乃沈炎也曰簽書樞密院事兼權叅知政事龍榮乃皮龍榮也並据幸輔表餘官多寡不等不悉攷

右景定鍾一器亦於枚景間楷書景定甲子新鑄一行凡六字重九斤其高廣修徑及枚數雲雷之紋皆與淳祐鍾同形製音響亦如之王尚按甲子為景定五年此鍾形製雖與淳祐鍾同而其重則較前減十之四鐘之用不一此鐘無大樂編鐘等字不知其何所用也
朱子書易繫辭碑八石每高六尺八寸八分廣一尺八寸七石各二行行八字行書末一石七行行廿五六字不等篆書在常德府學
經文不錄
朱熹書蔡元史刻
蔡陽先生墨跡原刻在楚常憲余既重修彭衙廟季鑄先師小影暨大司寇像於唐因摹此刻于明倫堂北徒托金石以傳不朽入廟瞻像登堂睹墨師模儼然儀形式法是在吾同志口時
大明萬曆貳十一年夏六月吉立知白水縣口西蜀劉夢陽口識邑人經魁林篆書
考是書在宋乾道間書孔子易繫辭說卦三節凡八碑在明倫堂東壁依堂壁逆行至國朝正統三年戊午歷年二百五十舊刻漫滅知府周鼎重刻正順

景定鍾欵
形製高廣悉與淳祐大樂編鐘同止一行六字正書
景定甲子新鑄

行教授廬陵 慶有狀王功

右朱文公書易有太極一段蔡元定刻在常德府學

明正德乙亥吉水鄧璞為嘉定縣儒學教諭復摹勒

于吾邑之尊經閣下今移置明倫堂西南向刻手不

精遜原本遠甚海隅士大夫罕見文公書得重刻本

猶珍而祕之子在都門琉璃廠書市得此本益猶常

德元刻筆法險勁精采四射殊可喜也潛研堂金石文跋尾

困齋銘

石橫廣三尺三寸五分高三尺五分十七行行十八字隸書在湖南零陵

大谷山劉芮

方耕道通判武岡直而好義臨事不避難力平溪洞

積年之寇一境安靜施及旁郡亡何忌嫉者不欲顯自

其功附勢者又能文致其罪望獄踰年賴天恩

深厚姑謫零陵耕道感激備省思有以報稱於是胡邦

衡名其室曰困齋張欽夫記之耕道又以銘見屬芮何

敢辭銘曰

澤无水困有言不信柔能揜剛樂天弗競豈無人為拯

此困病拔本塞源遂志致命我觀聖人惟深惟幾三而

陳之窮測萬微或以樂死或以憂生或明而晦或晦而

明春水發源漫漫浮天霜風冽冽州枯木折六爻升降

祐逼通北行時硯當不及攜遂致淪沒永樂間復出

於土其後三百餘年不知何時硯亦北來今完好如

初向為天津周明經月東焯所藏月東工詩文善大

小篆居城東逆河東岸雍正初偶游城西海潮庵見

僧榻下一硯積土甚厚拂拭之知為謝公物亟以米

易歸日摩挲於案夜即抱以寢因以下硯名其居余

與月東善時過其家考古書畫金石必出硯示余乾

隆丁卯秋月東染末疾既臥床余數過視仍抱硯見

一夕謂余曰君每觀此撫之不忍去諸手是珍之也

我死當歸君已已余由農曹之官粵西與月東不復

相見庚午夏月東抱硯且死語其孤曰是硯許查子

恂叔矣今恂叔官瘴鄉道雖遠言不可食某孤封題

寄粵以書述治命余潸然不自知其涕之交頤也是

硯自閩之燕之粵往復萬幾千里歷數百載而無少

剝損謂非神物護持耶查禮

按宋史傳稱謝枋得字君直實祐中舉進士乙科

除撫州司戶參軍即棄去明年復出試教官兼經

科除教授建寧府未上吳潛宣撫江東西辟差幹

辦公事坐事謫居興國軍咸淳三年放歸德祐元

年知信州二年呂師夔定江東地枋得以兵逆之

吾義則正二體變化吾心則定澤下而谷剛得其中水

上而列惟塞必通嗚呼至哉德辯益明窮通寓怨誰謂

困中有此至善

橋亭卜卦硯銘

硯縱廣七寸橫寬四寸五分上橫題橋亭卜卦硯五

字篆書銘二行分在右邊半書背四行隸文海銘四

字一行在右下角宋謝待即硯大字

一行在左並正書

此石吾友也不食而堅語有之人心如石不如石堅誰

似當年採薇不食守義賢也

程文海銘

宋謝待郎硯

大明永樂丙申七月洪水去橋亭易為 先生祠拍

地得之 閩後學趙元口口

硯欽材石質堅駁蒼潤蓋宋謝文節公物也按史稱

公弋陽人實祐中成進士以江東提刑江西招諭使

知信州元師東下公以兵逆戰於團湖平張孝忠中

流矢死信州不守公變姓名入建寧唐石山轉茶坂

日麻衣躡屨東鄉哭已而賣卜建陽市上一統志載

建陽縣南門外有朝天橋宋紹興中建路南溪曬水

十三道覆以屋七十三間又云謝疊山祠在縣南朝

天橋合之趙元所識則橋亭信有徵已特公被魏天

敗奔信州師夔下安仁進攻信州不守枋得入建

寧唐石山寓逆旅中已而賣卜建陽市中而來卜

者惟取米屨而已元至元二十三年集賢學士程

文海薦宋臣二十二人以枋得為首辭不起二十

五年福建行省參政魏天祐欲薦枋得為功枋得

見天祐傲岸不為禮天祐怒強之而北枋得即日

食菜果二十六年四月至京師問謝太后攢所及

瀛國公所在再拜慟哭口而病遷憫忠寺見壁間

曹娥碑泣曰小女子猶爾吾豈不汝若哉置夢炎

使醫持藥雜米飲進之枋得棄於地終不食而死

李道源撰神道碑至元廿六年八月子定之奉柩

還廣信明年九月葬其鄉之玉亭龔原門人誅而

題之曰文節先生謝公墓又据行實載公四月初

一日至燕京初五日死于驛不云在憫忠寺此疊

山歷官殉節之大略也橋亭福建通志在建陽縣

南朝天橋舊名濯錦明永樂十四年圯于水十七

年縣丞趙璧重建橋上有謝疊山祠祀宋謝枋得

枋得嘗賣卜于此橋上邑人祀之此橋亭卜卦硯


之可考者也硯銘識云程文海銘宋謝待郎硯大


明永樂丙申七月洪水去橋亭易為先生祠拍地

得之閩後學趙元丙申為永樂十四年與通志合此銘為閩人趙元所鑄而云程文海銘宋謝侍郎視疊山官止於知信州未嘗為侍郎其號疊山者謫居興國軍時謫所有西山層疊因有千載西山疊疊青之句遂以自號云疊山文集後附明山東道監察御史李奎奎褒崇忠節奏詞稱宋忠臣謝枋得弋陽人弋陽自歷代以來擅道學忠節之名者獨枋得一人而已枋得妻李氏永樂初已蒙朝廷登載烈女傳足以垂耀不朽奈枋得祠宇未立封謚未加後人無所稱仰如蒙准言乞禮部定謚褒贈仍行原籍有司創立祠宇歲時致祭云云而不詳是時期廷准行與否又集後附行實不著撰人時代姓名有云至元甲申黃華平大赦枋得乃出得還寓于茶坂設卜肆于建陽驛橋榜曰依齋易卦小兒賤卒亦知其為謝侍郎也侍郎之稱蓋始見于行實朱彝尊日下舊聞引韓襄毅公集載韓雍請謚宋臣謝枋得疏竊見宋禮部侍郎謝枋得乞勅禮部翰林院議加贈謚云云是韓雍具疏以前先有禮部侍郎之官究不知加于何時又引景泰實錄載景泰七年九月以巡撫江西右僉都御

史韓雍之請事下禮部於是少保大學士陳循等議按謚法遵德博問曰文謹身制度曰節請謚曰文節帝如所議行是文節之謚由於景泰禮臣之議並不因門人誅題之文皆所未詳也程文海字鉅夫避武宗廟諱以字行故元史傳名鉅夫傳稱鉅夫入元授宣武將軍管軍千戶世祖召見置之翰林為應奉翰林文字進修撰至元二十年加集賢學士二十三年首陳興建國學乞遣使江南搜訪遺逸三十年出為閩海道肅政廉訪使是疊山之被文海薦在二十三年却聘書流傳不朽雖鄉塾童孺皆能誦而習之其被強入都不食而死在二十五年硯銘皆述疊山不食之事似乎疊山入都時未嘗攜此硯行卒後流傳人間而鉅夫官閩海因以銘之據陳太常兆嵩詩注稱文海曾任閩海廉訪使適其時始獲此硯乃為銘而仍歸之亭吏則此硯沈埋建陽橋下由亭吏失守所致越百二十餘年之後因建橋而掘土得之又越三百年輾轉入於京師為死平查氏所得查諱禮字恂叔號鐵橋宛平縣人得此硯時官粵西太守其後陞任蜀中終湖南巡撫宦轍萬里恒以自隨海內文

人多作詩其時亦存詩紀其事畢秋帆尚書袁詩詞為止下二卷并摹硯形銘記刻以傳世名卜硯集今恂叔子湖南觀察淳尤護惜之視得其榻本重疊山忠節故他硯銘皆不錄而獨存此并識之





金石萃編卷一百五十三

賜進士出身 誥授光祿大夫刑部右侍郎加七級王昶謨

遼

涿州雲居寺四大部經記

碑高四尺一寸廣二尺五寸共二十五行行五十二字至六十五字不等正書在房山縣

涿州白帶山雲居寺東峯續鐫成四大部經記

殿試進士趙遵仁撰

鄉貢進上王詮書

蓋聞嚴相好具慈悲師天人出生死者 諸佛之願力也開羣迷入聖道薰種性達因緣者諸法之功德也佛之願力既如彼法之功德又若此 佛法之道大矣哉然則三身應現資化以談其真三學對明惟經以標其右為聖凡之宗要濟像末之根本有緣斯格無福靡臻是以周兆不祥化身以之西域漢警宵夢像教由是東來遂得貝籍靈文時臻於近代就唐譯梵歲出於諸家釋教流通自茲甯盛若乃一軸一藏半偈半言或摸以香檀或書之細卷尙能獨見苦而滌宿業締上緣而成妙果利益廣大思議其難矧有勒石傳文鑿山開室錄寶軸之妙說藏金口之微言水火不可漂燒風雨不可漬壞以備凌滅傳之無窮寔所謂施最上法盡未來

遼

際者也燕都之有五郡民最饒者涿郡首焉涿郡之有七寺境最勝者雲居占焉寺自隋朝所建号自唐代所賜山在郡之西北五十里寺在山之陽掌寺之東望有峯最高故曰東峯峯頂上有石室七焉經什是室先自我朝太平七年會故樞密直學士韓公諱紹芳知牧是州因從政之暇命從者遊是山詣是寺陟是峯暨觀遊間乃見石室內經碑且多依然藏竹遂召當寺耆秀詢以初迹代去時移細無知者既而於石室間取出經碑驗名對數得正法念經一部全七十卷計碑二百一十條大涅槃經一部全四十卷計碑一百二十條大花嚴經一部全八十卷計碑二百四十條大般若經五百二十卷計碑一千五百六十條又於左右別得古記云幽州沙門釋淨琬精有學識於隋大業中發心造石經一藏以俗法滅遂於幽州西南白帶山上鑿為石室以石勒經藏諸室內滿即用石塞戶以鐵錮之其後雖成其志未滿其願以唐貞觀十三年奄化歸真門人導公繼焉導公沒有儀公繼焉儀公沒有暹公繼焉暹公沒有法公繼焉自琬至法凡五代焉不絕其志乃知自唐已降不聞繼造 佛之言教解見其廢耶公一省其事喟然有復興之嘆以具上事奏於 天朝我 聖宗皇

一

帝銳志武功留心釋典暨聞來奏深使哀喪乃委故璠
仰大師法諱可元提點鶴修勸詔刊謬補缺續新釋文
墜而復興楚匠廢而復作琬師之志因此繼焉追及我
興宗皇帝之紹位也孝敬恒專真空夙悟非飲食致
豐於廟薦賤珠玉推重其法實常念經碑數廣匠役程
遙精擅施則歲久難為費常住則力才焉辦重熙七年
於是出御府錢委官吏付之歲折輕利俾供書經鐫碑
之價仍委郡牧相承提點自茲無分費常住無告精檀
施以時繫年不暇鐫勒自太平七年至清寧三年中間
續鐫造到大般若經八十卷計碑二百四十條以全其
部也又鐫寫到大寶積經一部全一百二十卷計碑二
百六十條以成四大部數也都摺合經碑二千七百三
十條若夫攝九類四生歸真寂無餘者莫尊於大涅槃
大乘頓教方廣真筌一句之內包法界一毛之中安刹
土者莫出於大花嚴彼有歸無佞相逐性作衆經之軌
躡為諸法之元宗者莫歸於大般若求佛智見入佛境
界斷縛之愛心去執着之妄想者莫如於大寶積如
是經典鐫之以石藏之以山四部畢備壯哉亦釋門
中天祿石渠也噫竹軌毀而 佛聲寢靈山壞而法不
作後數百年熾然興者豈非時有遇而教有緣乎清寧

三年五月十二日大寶積初成郡守籛公諱推平天子
股肱法門孺孺下車之後以六條布政副 聖上之
倚毗退公之餘惟三寶留誠稟 如來之付囑欣其
遭遇寔謂寅緣乃請召余謂曰四大部經今續鐫畢見
聞之下幸會倣難願製好辭以為刊記余乃表未龔若
堦居憂又以先父前剖是郡亦於經事私積願誠周任
未遷遽嗟奄逝敢以順先父之願遵良牧之請罔愧辱
蕪直以為記大契丹清寧四年三月一日記
安國軍節度邢洺磁等州觀察處置等使崇祿大夫
檢校太師左金吾衛上將軍使持節邢州諸軍事邢
州刺史知涿州軍州事兼管內巡檢安撫屯田勸農
等使兼御史大夫上柱國蘭陵郡開國公食邑三千
二百戶食實封叁佰貳拾戶篤惟平
濼水郡夫人耶律氏
西頭供奉官銀青崇祿大夫檢校國子祭酒無監察
御史雲騎尉男佶
司徒娘子耶律氏
女小娘子三寶奴 孫女興哥
房山縣西南四十里有山曰白帶山生懸題草又曰
懸題山藏石經者千年矣故曰石經山亦曰小西天

云北齊南岳慧思大師慮東土藏教有毀滅時發願
刻石藏闕封岩壑中坐下靜琬法師承師付囑自隋
大業迄唐貞觀大涅槃經成其夜山吼主香樹三十
餘本六月水浮大木干株至山下構雲居寺馬唐明
皇第八妹金仙公主修之洪武二十六年又修之正
統九年又修之山上雷音洞高丈餘四壁刻經四柱
刻像前石有扉維以開閉几案瓶罍皆石臺有欄橫
與堂亘堂左洞二右洞三堂下洞二皆經唐及元代
有續刻經目列石幢人傳洞火龍所穿也山下左右
東峪寺西峪寺西峪寺後香樹林香樹生處也夢唐
菴唐夢堂師居處也林後鏡空塔也山多石碑二隋
碑一仁壽元年王臣陳碑一仁壽元年王御碑五唐
碑一開元十年梁高望碑一開元十五年王大悅碑
一元和四年劉濟碑一景雲二年寧思道碑一太極
元年王利貞碑二遼碑一趙尊仁碑即此碑也一天
慶八年沙門志才碑二元碑一至正元年賈志道碑
一至正二年釋法真碑南京景
懸題山椒楮垣聳立曰小西天山下即西峪雲居寺
有塔二在寺北者曰北塔在寺南者曰南塔北塔下
四角有唐時小石塔四旁刻銘頌西北角者為景雲

二年寧思道書撰人名嵌入墻中不可考西南角者
為太極二年王利貞文無書人名東北角者為開元
十年梁高望書無撰人名東南角者為開元十五年
王大悅撰無書人名燕都游覽志云王大悅撰并書
誤也至小西天即石經洞洞寬廣如殿中供石佛四
壁皆碑石疊砌即隋靜琬法師所刻佛經也字畫端
好有歐褚楷法無一筆殊缺左壁兩層共碑三十六
枚右壁三層亦三十六枚後壁三層共四十一枚前
門左右壁及門頂共三十三枚總共一百四十六枚
刻妙法蓮華等經後壁昏黑燭照始能辨其外又有
八小洞皆石窻錮閉鑄鐵灌樞自懸欄闌之碑石或
卧或立時見一二大洞之右第一洞刻佛說恒水流
樹第經第二洞刻陀羅尼集等經大洞之左第一洞
刻今生歡喜名無垢等經第二洞刻金剛般若波羅
密等經其下有石井石井之左第一洞刻普菩薩瓔珞
等經第二洞刻摩訶般若波羅蜜等經石井之右為
伽藍殿殿右第一洞刻文殊師利普超三昧等經第
二洞刻千手千眼觀世音菩薩廣大圓滿無礙大悲
心陀羅尼等經大洞之左又有心經碑一金剛般若
波羅蜜經碑二伽藍殿旁又有金剛般若波羅蜜經

卧碑一餘碑林下不勝紀惟遼初續鑄四大部經一記于刻石事頗詳今誌其畧于此記云東峰頂上有石室七四大部經摠合經碑二千七百二十條云云首云涿州白帶山雲居寺東峰續鑄四大部經記大契丹清寧四年殿試進士趙遵仁撰考東都事略梁王隆緒立年十二自稱天輔皇帝尊母燕燕為承天皇太后改大遼為大契丹國又云治平二年洪基改元曰咸寧二年改國號大遼按隆緒即聖宗洪基即道宗是聖宗初立之年至道宗咸寧元年皆稱大契丹國也但聖宗初立之次年即改元統和而東都事略則云立八年始改統和道宗即位即改清寧清寧之十一年改元咸雍並無咸寧之號東都事略于道宗初年失載清寧此又以咸雍為咸寧誤矣遼史于太宗紀大同元年稱建國大遼于聖宗紀不載稱大契丹于道宗紀不載復稱大遼頗為疎漏此碑稱大契丹清寧四年益見東都事略之有據余舊有汪退谷所書唐人題雲居山寺詩三章首為范陽縣丞吉逾作詩云到此花宮裏觀身火宅中有為皆是幻何事不成空晚籟鳴寒谷秋山響暮鐘欲歸林下路新月上前峰次為軒轅偉作詩云不着登山屐捫蘿也

上躋石梁分鳥道苔逕過雲霓梵宇千花裏秋聲萬籟齊周遊興未盡鐘磬度前溪次為吉駒餘作逾從子也詩云石室最高峰攀躋到此中白雲連晚翠清磬度秋風未悟無生理寧知有想空且歸山下寺還欲問支公汪跋云此三詩今在房山縣石經山全唐詩求收特為錄之子既闕石經洞諸碑三詩竟未之見石井二又大石井一俯視深遠僧云鑿井時以斗米易斗石始成有唐大中六年碑略記鑿井事碑陽即元和四年涿鹿山石經堂記幽州盧龍節度支度營田觀察處置等使開府儀同三司檢校司徒兼侍中彭城郡王上柱國劉濟撰又尋觀音洞約三里許再上仰曝經臺唐碑一年月已模糊尋別徑下山游香樹菴菴在雲居寺左有金泰和二年廣公禪師塔記還寺至南塔下小石塔一刻大遼涿州涿鹿山雲居寺續秘藏石經記題沙門志才撰後有石經目錄天慶八年戊戌五月建志才文已載入日下舊聞惟目錄未載二十一日曉行寺左右蔬圃中于右得元至正二年釋法禎碑帝京景物畧作法正誤于左得遼統和乙巳王正碑正邑人鄭熙書并篆額碑左又有大唐涿鹿山雲居寺新鐘記碑刻落殆盡撰人

年月無考二山紀遊集上

按白帶山漢書地理志清河郡有憇縣顏師古注憇古莎字雲居寺在白帶山西峪石經在小西天石洞中四大部者一曰涅槃部一曰華嚴部一曰般若部一曰寶積部其說查恂叔紀遊集已言之詳矣碑記云太平七年故樞密直學士韓公諱紹芳知牧是州暇遊是山見石室經碑且多皆沙門靜琬於隋大業中所造奏於天朝出御府錢歲析輕利俾供書經鐫碑之價自太平七年至清寧三年續鑄造成四大部數清寧三年五月十二日大寶積初成郡守蕭公惟平召余製辭刊記按遼史傳韓延徽幽州安次人孫紹勳紹芳紹芳重熙間叅知政事加兼侍中出為廣德軍節度使卒遼史地理志乾州廣德軍上節度本漢無慮縣地聖宗統和三年置以奉景宗乾陵傳載紹芳之為廣德節度在重熙以後而不載其太平七年知牧是州郡守蕭惟平史無傳蕭作蕭借字結銜稱崇祿大夫史百官志不詳官階崇祿之階無效未載其男佶之婦為司徒娘子亦未詳撰者殿試進士趙遵仁其父前割是郡亦不知其名史無選舉志

惟於禮志嘉儀下載進士接見儀進士賜等甲勅儀進士賜章服儀三條而不詳殿試之制遼本紀聖宗諱隆緒母蕭氏小字燕燕乾寧四年九月癸丑即位統和元年六月甲午上皇太后尊號曰承天皇太后群臣上皇帝尊號曰天輔皇帝與東都事畧合
賜臺山清水院藏經記
表本高廣行字皆不計正書在京師大覺寺
賜臺山清水院創造藏經記
燕京天王寺文英大德賜紫沙門志延撰
鄉貢進士李克忠書
賜臺山者薊襄之名峯清水院者幽都之勝槩山之名傳語前古院之興止於近代將構勝緣旋逢信士今優婆塞南陽鄧公從貴善根生得淨行日嚴咸雍四年三月拾錢三十萬葺諸僧舍又五十萬募同志印大藏經凡五百七十九帙創內外藏而龕措之葺事既周求為之記聊叙勝因俾信來裔
咸雍四年歲次戊申三月癸酉朔四日丙子記
燕京右街檢校太保大卿沙門覺苑
通天門外供御石匠曹辯鐫

按清水院在京城西七十里距 圓明園二十餘里宛平縣所屬山半有泉下注如垂紳至山麓則有龍潭以潞之山側有鷓鴣谷見明王嘉謨前邸集今無效矣清水院之額始于遼而沿于金帝京景物畧載金章宗有八院此其一也後易名靈泉明宣宗宣德三年建寺更額大覺今仍之寺中穹碑易見者惟明碑兩面刻宣宗英宗御製文此碑在寺內龍王堂遊蹟所不到故傳揚絕少乾隆戊戌九月二十七日起從寒燕落葉堆中搜得之摩挲雜誦回環數四因歎北方石刻可証遼金史者甚夥惜無好事者搜抉出之也碑額書奉為太后皇帝萬壽大王千秋皇帝即道宗太后則道宗母仁懿皇后蕭氏也遼史傳蕭氏小字撻里與宗后道宗即位尊為皇太后清寧二年上尊號曰慈懿仁和文惠孝敬廣愛宗天皇后大王者遼百官志初名夷離堇太宗會同二年改稱大王有南北二院皆分掌部族軍民之政謂之知大王事道宗紀咸雍二年三月以東北路詳穩耶律韓福奴為北院大王三年十二月以東北路詳穩高八為南院大王以臆度之燕京當為南院所屬所稱大王

或即高八也碑云暘臺山者薊壤之名峯清水院者幽都之勝槩薊壤即薊縣唐建中二年析薊縣置幽都縣遼開泰元年改幽都為宛平碑蓋從今稱也遼地理志玉河縣本泉山地劉仁恭於大安山創宮觀師煉丹羽化之術于方士王若訥因割薊縣分置以供給之在京西四十里遼之薊縣改名析津今為大興遼之玉河析宛平地置而云割西今之順天府遼為南京析津府遼言京西正與今同則清水院似在玉河縣地今山左右尚有南安窠北安窠之名或即遼志所謂大安山之南北也鄧從貴為南安窠村人所居近清水院也檢畿輔通志建置沿革不載玉河山川內不載暘臺山朱氏曰下舊聞不載志延藏經記皆失之疎畧因詳識之碑末沙門覺苑結銜稱檢校太保大卿六卿之稱金百官志無攷

行滿寺尼憲照建陀羅尼幢并記
幢高六尺六寸八面其第一第三第五第七四面廣九寸七分或九寸八分餘四面廣六寸八分或六寸九分餘或後四面行皆刻人名不第外共計大字二十九行行三十一字正書在京師唐開元三朝灌頂國師和尙□□□□□□□□開府儀

同□□□□□食邑三千戶食實封三百戶□□□

佛說佛頂尊勝陀羅尼咒文不錄

觀自在菩薩如意輪陀羅尼咒文不錄

法念相真言文不錄

大吉祥大典一切順陀羅尼咒文不錄

受戒弟子優婆塞范陽王□□製文

噫尊莫尊于 師長重若重于 君親義本在三思

無與二况 華昨承 法雨潤未離身俱想 戒

雷聲猶在耳痛舊山而忽隱 毫相驚新塔而已外

甄依差無化火之能恨不異雲而從今但壇衰座

下投淚庵前求 道瘞之明則梁本其壞思 法

思之報則昊天罔極其不可已當如之何通建妙撞上

利密印託難思之句義變無盡之光明穢增 聖道

之緣兼塞妄情之戀願於北地開 天眼以照臨不

捨下根運 神力而加被用請信手直至道場期此

消塵少報萬一

維大康元年歲次乙卯七月辛酉朔二十四日甲申

庚時建

門八傳三戒口法大德講經論賜紫沙門裕口

講經律論沙門裕景 講經律論沙門裕英

紫沙門裕口 業論沙門裕口 裕淨 裕正 裕

裕口 裕世 裕顯 裕轉 裕振 裕權

裕口 裕徵

□□□□□□□□□□上座口行大德沙門

□□

建幢施主行滿寺講經律論尼惠照 悟寂院傳大

教尼志覺 趙文保 妻張氏 男士林 士章

士英 出家男口口男口式孫男稅金奴孫女師

口口 娘口女 口口口氏 口口王氏 何惟口

妻張氏 男何年 新婦口氏 孫蓮兒

涿州博陵郡石匠邵文景成造

按此幢前刻佛頂尊勝陀羅尼咒次刻如意輪陀

羅尼咒次刻大吉祥大典一切順陀羅尼咒後列

范陽王口口記泐其名又列沙門等名內裕淨裕

正裕世裕顯裕轉裕振裕裕徵名與下幢同此

幢大德講論賜紫沙門泐其名當是裕仁裕正下

泐二人名當是裕祥裕諦並据下幢證之記內甄

依當即瞻依借用字求道瘞泛明當是求道瘞之

大德講經論賜紫沙門裕口

明別體字

京西戒壇寺陀羅尼幢并記

幢高六尺二寸五分八而第一第三第五面廣八寸九分各五行第二第六面廣六寸九分第四面廣六寸七分各五行以上共二十七行皆三十七字其七面廣九寸四分第八面廣六寸六分此二面一八行一六行刻沙門及邑人姓名字數每行五十八至九十五不等正書記行書在京師

唐開元三朝灌頂法師和尚三藏沙門 奉詔譯

聖千手千眼觀自在菩薩摩訶薩廣大圓滿無礙大悲

心密言錄

佛說寶篋印真言錄

於戲道尊德貴自古而然生榮死哀口口能致懺感

人之深者則報禮之重焉伏白 我故壇主大師能

事既周化緣忽盡四生孺慕號咷如喪於所天七眾

心摧辨踊疑無於厚地雖賢棺備禮口口送終尙增

難捨之哀莫抑無窮之戀遂當遺塔前建勝幢仰憑

佛印之大威上蒼 慈雲之巨蔭庶茲塵影俱變

光明嚴因地而速見法身滿果海而長爲佛事今德

滋等共思追遠所集至微豈能必報深恩聊用表其

誠意

維大康三季歲次丁巳三月辛亥朔十四日甲子坤

時建

邑人劉口 邑人平口 邑人陳口 邑人王口

邑人孫口 邑人張鞏 邑人張珪 邑人賈口

邑人孫文式

邑人王口口 邑人李口 邑人周口 邑人賈口

口 邑人齊口 邑人張口口 邑人口口口 邑

人趙口口 邑人揚口 邑人李口口 邑人祁口

口 邑人劉口口 邑人魏口口 邑人吳延口

邑人劉守素 邑人劉化 邑人高文智 邑人劉

俊 邑人郭善

邑人王 邑人郭口 邑人石口 邑人李口

邑人劉口 邑人張文口 邑人張文口 邑人張

口口 邑人李口 邑人李口 邑人孫惟辛 邑

人張口口 邑人張口口 邑人張口口 邑人李

諫 邑人劉口 邑人李從一 邑人王守口 邑

人段德

邑人劉口口 邑人趙口 邑人王口 邑人陳口

邑人朱口 邑人劉口 邑人杜口 邑人田口口

邑人李口 邑人郭口 邑人馬口 邑人傅文

口 邑人賀從令 邑人孟日辛 邑人王亨 邑

人曹德方 邑人胡德義 邑人郭德 邑人李文

奉爲 故壇主崇祿大夫守司空傳菩薩戒大師特

建法幢記 門人傳戒大師講經律論賜紫沙門裕

經 三學寺經法師詮圓大德講經律論沙門裕貴

口口大德講經律論賜紫沙門裕林 淨戒大德

講經律論沙門裕文 通淨大德講經律論賜紫沙

門裕仁 講經律論沙門裕和 業論沙門裕淨

裕正 裕祥 裕諦 裕世 裕顯 裕轉 裕振

裕權 裕口 裕敬

寺主口口大德講經律論賜紫沙門裕依 當寺圓

通大德賜紫沙門裕住

崇國寺大堯率邑 邑人前管內左街僧錄淨慧大

師賜紫沙門裕方 邑人前東京管內僧錄詮論大

師賜紫沙門裕企 邑人提點張口恒 邑長康德

從 邑證石王 邑錄邢文正

邑人陳口正 邑人康下 邑人口從口 邑人口

景 邑人楊士口 邑人口口 邑人口貴 邑人

口從諒 邑人王惟口口 口勾當邑人口口

邑人高詮

邑人判官陳口口 邑人口口 邑人楊口 邑人

范口 邑人口口口 邑人馬口 邑人李口口

秀 邑人王口 邑人王口 邑人李口 邑人王元

邑人齊口 邑人齊口 邑人梁口 邑人張口

邑人王口口 邑人孫口 邑人董口口 邑人李

口 邑人大口寧 邑人李口口 邑人齊口口

邑人口昇 邑人郝善 邑人口惟進 邑人李德

方 邑人口口 邑人口口 邑人口口 邑人田口

邑人王口口 邑人陳口 邑人趙口口 邑人劉

口 邑人口維正 邑人陳口口 邑人劉文口

邑人魏慶 邑人王口口 邑人曹口口 邑人齊

口口 邑人李從正 邑人李用 邑人楊從正

戒深口子人張德正婦口

邑人故邑長王口口 邑人故舉事高口口 邑人

高口口 邑人業鄉貢進士口口 邑人成守口

邑人口口 邑人邊德均 邑人馮口 邑人韓口

邑人張口 邑人劉進 邑人陳口 邑人康口

書幢文人三司書表康口

按此幢前刻大悲心密言次刻寶篋印真言

本多後記不詳撰者何人記稱幢為故壇主大師
 而作壇主結銜但曰崇祿大夫守司空傳菩薩戒
 大師而不詳其名號後列門人寺主等十九人內
 裕淨裕正裕世裕顯裕轉裕振裕權裕裕名與隨
 羅尼幢同又列邑人道俗一百四十二人書幢人
 康口一人幢建於大康三年大康為道宗紀元下
 署甲子坤時建坤時疑即申時或當時書體多借
 用字此蓋借坤為申也然隨羅尼幢署甲申庚時
 建則用幹不用支此幢之建與前祗隔三年似同
 一例不應作申殊不可臆斷

憫忠寺石函題名

石函共四面橫廣二尺九寸高二尺五寸統計七
 十四行字數二十至三十一不等正書在大興縣
 大遼燕京大憫忠寺紫褐師德大眾等

天水嚴甫書

故燕京管內懺悔師鈔主崇祿大夫守司徒慈智大師
 賜紫沙門覺晟

故懺悔主燕京管內左右街都僧錄崇祿大夫守司徒
 聰辯大師賜紫沙門善製

口燕京管內左右街僧錄提點宏法竹林揔覺大師賜
 紫沙門惟道

口口燕京管內左街僧錄判官寶集講主覺智大師賜
 紫沙門文傑

華嚴講主通法大德賜紫沙門蘊口

講神變口辯慧大德賜紫沙門蘊潛

講經論文範大德賜紫沙門義徽

講經論演奧大德賜紫沙門義霽

講經論慈智大德賜紫沙門惟軫

前校勘法師證教大德賜紫沙門蘊寂

三學論主辯正大德義景

寺主兼寶塔主沙門溥滋

尚座沙門惟常

都維那沙門智印

閣主沙門文螢

閣主沙門道義

殿主沙門智棟

藏主法藏大德文該

太子殿主沙門省純

東塔主沙門善祥

西塔主沙門通澗

廣深	惟顛	歸仁	口口	栢及	崇果	允前	思南
志操	淨慧	大德	悟景	義樞	法才	思行	道口
仁峭	善超	習行	大德	惟整	崇忍	文暇	文式
崇均	智敬	口口	口口	法典	文存	從福	口口
瓊滋	道遷	志深	文瞻	覺忍	口口	大德	文惠
惟瞻	嚴護	大德	文峭	善通	道遠	義琛	智矩
溥津	口口	思悟	法實	義辛	覺恒	志岫	口口
文迪	文定	善崇	寧進	口惠	思澄	思整	口口
志倫	文照	文倫	法詮	惟換	從因	文思	口口
口表	瓊般	崇秘	智遠	行奇	道辛	文偲	口口
文揔	文寂	惟曉	口指	善堪	惟謙	文暉	口口
文曠	師遵	法昧	令宿	揔提	大德	元操	梵書
口口	蘊銳	鮮祐	德俊	戒懿	義表	洪遵	口口
圓典	仁英	文菁	口祥	悟口	文安	瓊積	口口
方敬	思歧	蘊肅	道祥	蘊奇	蘊碧	凝元	口口
智遍	文勢	文迴	紹極	師戒	善壇	法舟	口口
賢初	法千	口因	智菁	善規	法信	善巧	口口
義潛	崇諦	行寂	方智	方諫	口口	口口	口口
口口	口口	道覺	義疎	文偉	師哲	思愆	口口

瓊白	口口	文侑	惠惟	法照	義聰	方允	口口
令祥	運舟	行蘊	方溫	口口	文遜	義下	口口
運初	文鮮	遵裕	文聘	義散	圓述	義稽	口口
口琮	文儂	道泉	悟了	道消	道殊	了非	口口
道暹	融侶	圓瓊	口口	法口	義存	悟元	口口
圓珣	裕達	智燈	文昱	方迴	文諦	口口	口口
思非	圓徹	義存	溥濁	道奇	從訓	圓易	口口
戒企	文循	師口	諦延	行確	思齊	文亶	口口
方運	義澄	道永	方省	弁塵	口口	鮮曦	口口
令宵	義敷	圓揆	文端	蘊迪	師偉	思宏	口口
道逾	口瓊	諦遠	智淵	方付	義貞	云敷	口口
了名	師延	戒琮	圓宗	口融	智微	遵行	口口
令珪	義泉	道炳	圓琛	覺或	善安	士謹	口口
口口	遵儀	了忠	省謙	惠瑕	思惠	蘊穆	口口
圓湛	義宣	圓性	口口	方桂	圓心	口熅	口口
悟直	文演	義澄	融徹	裕著	融性	口口	口口
文儼	志殊	圓蓋	言遜	義達	智照	大德	蘊字
義性	義賢	口口	道如	圓全	裕勳	圓燈	口口
圓成	圓幽	鮮景	恒殊	文廣	口口	圓深	口口
瓊易	圓翌	義深	崇彥	覺性	瓊彥	師訓	口口

金石錄卷一百五十三

五

小金餅一崇國寺樞大師施

銀觀音菩薩一尊當寺通法大師施并諸餘口物有

碣子

銀塔一坐當寺竦座主施

玉錢一韓家小娘子施

銀淨瓶一內有舍利九粒 銀錢一 火鏡兒一

火珠一 珠子藥袋一已上物于齡院尼寺主守因

施

金結裘一 勃海珠子兩個 珊瑚一 玻璃一

水晶垂頭一 花銀錢二 玉羊兒一 玉狗兒一

玉夾板墜子一副 玉墜子一 玉弼口一 銅

狗兒一 銀釵子一 玉匣兒一 銀餅一 龍腦

兩斤 舍利五百粒在藥玉餅內 鑰石淨餅一

鑰石匙筋一 小金剛子數珠一串上有珠子一十

五個玉錢一金楞玉滴子一對尼雲開施

口合一內有舍利一百餘粒仙露寺尼端正施

當寺蘊謙施養餅一內舍利伍粒

制置同知夫人施銀筒子一內舍利三十粒

開殿砌匠作頭蔡惟亨 世千 太原王惟約刻

思沖 口口 裕通 師證 令矩 師賢 悟儔

宗正 鮮凝 圓智 悟圓 口口 口口 方戒

行灌 行本 省微 師映 瓊潤 融鮮

口口 智如 融昶 圓英 口口 口口 智頴

融智 行蓮 鮮詠 口口 融鮮 圓吉 蘊如

詮口 口口 詮磨 行果 圓求 口口

圓修 義俊 善旻 惠雲 義口 智幽 義元

蘊謙 行彛 口口 志裕 義隆 行亮 裕良

即均 志固 義沖 融口 方榮 口口 圓相

運慈 道沖 遵止 志誠 覺沖 義窺 道口

瓊行

口口口口勤口共二百四十人內六十人講流

誦法華經一百三十人

故蓋閣都作頭右承制銀青崇祿大夫兼監察御史

武騎尉康日永

蓋殿寶塔都作頭右承制銀青崇祿大夫兼監察御

史武騎尉姪敬

前閣主法資

舍利一十二粒銀鵲餅內圓性

新添佛事諸物等

惘忠寺內戒壇前有遠幢一乃為寺尼薦福刻者幢

後置有石函一函四周刻字首行標題大遼燕京大

惘忠寺紫褐師德大眾等次書覺晟等四人以下聯

書諸僧名凡三百七十八人又書康日永等三人天水

嚴甫書太原王惟約刻最後刻布施諸物石函不記

年號相傳為緘舍利用者其舍利等則不可考矣欽

定日下 舊聞考

按石函題名不紀年號題稱大遼燕京大惘忠寺

前有賜紫沙門善製與下碑舍利函記之功德主

同名下碑為大安十年則此碑當與同時矣題稱

紫衣為紫褐初見此碑其僧職有曰懺悔師鈔主

有曰懺悔主亦他碑所未見後列職官二人曰蓋

閣都作頭曰蓋殿寶塔都作頭似係修寺時權宜

設置之官也石函多紀施舍利之事其藏器有銀

鶴餅小金餅銀淨瓶藥玉瓶鑰石淨餅銀筒子其

增飾諸器者有玉錢銀錢花銀錢火鏡火珠勃海

珠珊瑚玻璃金結裘水晶垂頭玉羊王狗玉墜子

玉弼銅狗銀釵玉匣龍膽鑰石匙筋此外有銀觀

音菩薩一尊銀塔一座小金剛子數珠一串金楞

玉滴子一對表似與球通用垂頭似與墜頭通用

狗字見韻會本作狗字鑰石見玉篇鑰石似金格

古要論云自然銅之精也据此所紀想見當時物

力饒裕故所施之美麗如此

惘忠寺舍利函記

石高廣俱二尺五寸六分行行

十七字正書在京師惘忠寺

燕京大惘忠寺觀音菩薩地宮舍利函記

門人義中書

恭聞應物為現利樂無窮者大聖觀音有感克從功德

巨測者靈蹤舍利金言所載寶牒攸存善製肇亂巨社

會萬人金玉之資欲滿宿心望百尺水月之像將圓寶

相先實地官化檀那近百家獲舍利餘一萬粒封以

金匱貯以石函圓淨璨然寔為神異所冀光徹無間之

獄福洽有頂之天良因不虛巨利斯在上願

我國家二儀齊於聖壽兩耀等於文明三寶長隆四方

永肅八難除一十四種之怖畏四生見三十二應之威

神獲圓通之法門願大作於佛事

大安十年歲次甲戌閏四月辛未朔二十二日壬辰

甲時 功德主燕京管內左右街都僧錄崇祿大夫檢校太

師行鴻臚卿聰辯大師賜紫沙門善製

帝京景物略云寺中一碑下半斷裂可讀者其上段
字有燕京大憫忠寺觀音地宮舍利函記金大安十
年沙門善製拔是碑文字悉完未嘗斷裂末云大安
十年歲次甲戌閏四月辛未朔二十二日壬辰申時
功德主燕京管內左右街都僧錄崇錄大夫檢校太
師行鴻臚卿聰辯大師賜紫沙門善製門人義中書
日下
舊聞

碑所稱大安十年乃遼道宗年號帝京景物畧目爲
金時物蓋金衛紹王亦改元大安因致誤耳考金衛
紹王稱大安者祇三年此云十年可知其非金大安
矣其撰文之僧名又見前所載遼時石函上蓋同時
物也 欽定日
下舊聞考

涿州雲居寺續藏石經塔記

幢約高五尺八面面廣八寸七分至九分不等前四
面皆五行行卅四字後三面皆七行行四十字其第
行屬後正書在房山縣

大遼涿州涿鹿山雲居寺續藏石經塔記

懋題沙門志才撰

古之碑者用木爲之乃葬祭饗聘之際所植一大木而
字以石者取其堅而久也後人銘功其上不忍去之自
秦漢已降生而有功德政事者亦碑之欲圖不朽易之

石類印板背面俱用轉經兩紙至大安十年錢已費盡
功且權止碑四千八十斤經四十四帙題名目錄具列
如左未知後代更繼之又有門人講經沙門善銳念
先師遺風不能續扇經碑未藏或有殘壞遂與定
師其議募功至天慶七年於寺內西南隅穿地爲穴
道宗皇帝所辦石經大碑一百八十斤通理大師
所辦石經小碑四千八十斤皆藏塞地穴之內上築臺
砌甃建石塔一坐刻文標記知經所在皆蘇州重慶寺
法華院石壁經請白樂天撰碑有水火不能燒漂風日
不能搖消等文乃國手大才今命余作記口合抱懸閣
筆奈是善緣勉而直書

通理大師所辦石經小碑四千八十斤經四十四帙
大佛頂如來密因修證了義諸菩薩萬行首楞嚴經十
卷詩帙 菩薩地持經十卷賢帙 菩薩善戒經九卷
淨業障經一卷剋帙 優婆塞戒經七卷梵網經三卷
受十口戒經一卷念帙 菩薩瓔珞本業經二卷佛藏
經四卷菩薩善戒經一卷作帙 菩薩內戒經一卷
優口塞五戒威儀經一卷大乘三聚懺悔經一卷菩薩
五法懺悔文一卷菩薩藏經一卷三曼陀毘羅菩薩
經一卷菩薩受齋經一卷舍利弗悔過經一卷文殊悔

以石雖失其本從來所尚不可廢焉噫秦梵書後聖人
經典多刻貞石亦類碑而已矣且 浮圖經教來自
西國梵文貝葉此譯華言盡書竹帛或邪見而毀滅或
瀑水而漂溺或兵火而焚焚或時久而蝨爛孰更印度
求請與由是致壞理隱行凶果害群生蠢蠢盡陷苦途
實可悲夫 有隋沙門靜琬深慮此事厲志發願於
大業季中至涿鹿山以大藏經刻於貞珉藏諸山寶大
願不終而掩化門人導公儀公暹公法公師資相踵五
代造經亦未滿師願至 大遼西公法師奏
闡聖宗皇帝賜普度壇利錢續而又造次
興宗皇帝賜錢又造相國楊公遵勗梁公穎奏
開道宗皇帝賜錢造經四十七帙通前上石共計一百
八十七帙已厝東峯七石室內見今大藏仍未及半有
故上人通理大師緇林秀出名實俱高教風一扇
草偃八宏其餘德業具載寶峯本寺遺行碑中師因游
茲山寓宿其寺慨石經未圓有續造之念典無緣慈爲
不請友至大安九季正月一日遂於茲寺開放戒壇任
庶道俗入山受戒區以數知海會之眾孰敢評之師之
化緣寔亦次之方盡暮春始得終罷所獲施錢乃萬餘
雖付門人見右街僧錄通慧圓照大師善定校刻石

過經一卷法律三昧經一卷十善業道經一卷聖一
大智度論一百卷十帙德建名立形端表正空谷 十
地經論十二卷傳帙 弥勒菩薩所問經論五卷大乘
寶積經論四卷寶鬘菩薩四法經論一卷聲帙 佛地
經論七卷金剛般 若論二卷虛帙 金剛般若波羅
密經破取著不壞假名論二卷文殊師利菩薩問菩提
經論二卷堂帙 勝思惟梵天所問經論四卷涅槃論
一卷涅槃經本有今無偈論一卷遺教經論一卷三具
定經論一卷無量壽經論一卷轉法輪經論一卷習帙
瑜伽師地論一百卷十帙 聽禪因惡積福緣善慶
尺一顯揚聖教論二十卷辭非帙 瑜伽師地論釋一
卷顯揚聖教論頌一卷王法正理論一卷大乘阿毗達
磨集論七卷寶帙 大乘阿毗達磨雜集論十六卷中
論四卷寸陰帙 般若燈論釋十五卷十二門論一卷
十八空論一卷百論二卷廣百論本一卷是鏡帙 大
乘廣百釋論十卷資帙 成唯識論十卷盡帙 大丈
夫論二卷入大乘論二卷大乘掌珍論二卷大乘五蘊
論一卷大乘廣五蘊論一卷大乘起信論一卷寶行王
正論一卷命帙 摩訶衍論十卷單帙 大乘本生心
地觀經八卷壁帙 大乘理趣六波羅蜜經十卷杜帙

道宗皇帝所辦石經大碑一百八十斤 十住斷結經碑五斤 花手經碑二十五斤 佛名經碑二十斤 大威德陀羅尼經碑二十八斤 摩訶摩耶經碑一斤 菩薩瓔珞經碑一十一斤 大法炬陀羅尼經碑三十斤 五千五百佛名經碑一十三斤 不空羂日神變真言經碑七斤 賢劫經碑一十八斤 入法界體經碑一斤 須真太子經碑一斤 佛說德護長者經碑二斤 超日明三昧經碑五斤 佛說浴像功德經碑一斤 未曾有因緣經碑二斤 不思議功德諸佛所護念經碑三斤 佛說成具光明定意經碑一斤 佛說妙法決定業障經碑一斤 佛說寶網經碑一斤 過去莊嚴劫千佛名經碑一斤 未來星宿劫千佛名經碑一斤 見在賢劫千佛名經碑二斤 天慶八年戊戌朔五月戊午十七日戊戌甲寅時建燕臺沙門惟和書

夫見古之墓壙得銘石者其石溫潤其字分期今經碑穿地穴秘藏者取久固不毀者也 沙門志德鐫當寺首座沙門志珂 寺主講論沙門志愨 尚座講經沙門善相 都和講經沙門志興 按此石經塔記即帝京景物畧所載天慶八年沙

門志才碑是也記稱雲居寺石經遼時聖宗興宗皆賜錢續造至是則道宗又賜錢造之而猶未圓至大安九年十年兩次鐫經凡碑四千八十斤經四十四帙後列歷次辦經目錄每十卷為一帙皆標千字文為號與今大藏同例碑建於天慶八年戊戌朔五月戊午十七日戊戌甲寅時天慶為天祚紀元距遼之亡僅七年耳戊戌缺筆作戌六朝書體如此天慶八年為戊戌歲此云戊戌朔意不可曉五月戊午不加朔字乃月建也下云十七日戊戌甲寅時戊戌是日推其朔乃壬午不用朔而用建又一例也

慈悲菴大德幢記
幢高五尺三寸八面各廣六寸二分四行每行字數五十七八九不等正書在京師黑密殿


故慈智大德佛頂尊勝大悲隨羅尼幢
唐開元三朝灌頂國師和尚特進試鴻臚卿開府儀同三司肅國公食邑三千戶實封三百戶贈司空謚大辯正大廣智大興善寺三藏沙門不空奉 詔譯講律論比丘德麟書

咒錄
大遼燕京大憫忠寺故慈智大德幢記

師惟廉俗姓魏氏滌陰田陽人也少歲禮懶忠寺守淨上人落髮誦白蓮經過恩得度師志在雜花行依四分其他典論有口力通後因遊方止于上都別創精藍掛錫而住大安九年會門人覺智大師詔赴 闕庭因遠 鞋聽乃特賜紫衣慈智之號壽昌四年三月九日因疾奄化于隄口講院至五年四月十三日葬于京東先師坐側師行也以精進心口不退輪以勇健力竭無畏鼓講說群經口口口讀雜花香一百遍儀軌所攝惠用所誘貴高增慢因不欽伏其威重如是心行禪身持律起居動息皆有常節雖牙寒隆暑風雨黑夜禮佛誦經手不釋卷四十餘年九十二時未嘗闕一其精進如是師既疾庶四大將壞無戀着念無狀離想門弟子饋藥數四師報之云色身終壞烏用是為言訖怡然就化其了悟如是臨終之口暴風忽起晝如暗夜對面莫觀泊師遷逝倏然乃止門人仰師之德感師之恩塵靈骨於其下樹密幢於其上欲存不朽以示將來時壽昌五年歲次己卯四月十三日乙時記

門人管內左街僧錄判官覺智大師賜紫沙門文傑 門人參元沙門文偉 法孫五人圓心 圓全 圓成 圓昱 圓欽

按此幢前刻大悲陀羅尼咒比丘德麟書後刻幢記不著撰者何人蓋為其師惟廉作也記云惟廉滌陰田陽人遼史地理志滌陰縣屬南京析津府本漢泉山之霍村鎮田陽地名無攷記作於道宗壽隆五年己卯歲碑云壽昌者即壽隆也碑署年月下云四月十三日乙時不用支而用幹與戒壇寺陀羅尼幢同皆當時書碑之一例



金石萃編卷一百五十四

賜進士出身 誥授光祿大夫刑部右侍郎加七級王昶撰

金一

慈悲菴石幢

幢高一尺八寸四面各廣五寸二面四行行十二字
書在京師
黑窰廠

觀音菩薩甘露隨羅尼文不錄

智炬如來心破地獄隨羅尼文不錄

淨法界隨羅尼文不錄

諦甘

天會九年□□□

慈悲菴在黑窰廠菴西偏即陶然亭也慈悲菴康熙

二年重修侍讀北平田種玉碑謂勅於元治於明則

招提勝境由來舊矣菴北院內有遼壽昌五年陀羅

尼幢又庭前有金天會九年四月石幢四面各鏤佛

像其三隅文刻咒文皆用西域梵書而標以漢字惟

一隅漫漶僅辨年月欽定日下舊聞考

皇弟都統經略郎君行記

碑高一丈八尺廣八尺三寸記在碑之中女直書五行
行譯正書六行行二十三字額題大金皇弟都統經
略郎君行記十二
字篆書在乾州

父山禁禁奕奇爾鉢爾贊奕奕林斡奕奕口賊

奕奕奕奕奕奕奕奕奕奕奕奕奕奕奕奕奕奕奕

奕奕奕奕奕奕奕奕奕奕奕奕奕奕奕奕奕奕奕

奕奕奕奕奕奕奕奕奕奕奕奕奕奕奕奕奕奕奕

奕奕奕奕奕奕奕奕奕奕奕奕奕奕奕奕奕奕奕

奕奕奕奕奕奕奕奕奕奕奕奕奕奕奕奕奕奕奕

大金皇弟都統經略郎君嚮巨疆場無事獵于梁山之

陽至唐乾陵殿廡頽然一無所睹爰命有司鳩工修飾

今復調陵下繪像一新迴廊四起不勝欣然與醴陽太

守酣飲而歸時天會十二年歲次甲寅仲冬十有四日

尙書職方郎中黃應期

省州刺史王圭从行奉 命題

右譯前言

郎君稱皇弟無姓名天會十二年記當爲太宗之弟

按金史世祖子十一人自康宗太祖太宗而外尙八

人未知誰是碑一字不能辨蓋女直字如是王元美

所錄明王慎德四夷咸賓八字正與此同法而此凡

一百五字后有譯書漢字字刻乾陵無字碑上石墨

此刻乾陵無字碑上攷天會九年金以陝西地賜齊

則其時地猶屬劉豫帝齊惟撻懶宋史作撻辣以左監軍鎮撫之撻懶穆宗子也為太宗之弟文稱皇弟而不著名合之史嘗即撻懶無疑關中金石記

右記文稱皇弟都統經畧郎君而不署名金石家或以宗輔當之然宗輔乃太祖之子太宗之姪碑刻於太宗時不當稱皇弟也或以撻懶當之攷金史紀傳其時撻懶又不在陝西子謂此郎君蓋撒離喝也撒

高喝本金之宗室又為世祖養子則與太宗為昆弟行宜有皇弟之稱李心傳建炎以來繫年要錄云紹興元年即金天會九年十月宗弼為吳玠所敗自河東還燕

山左副元帥宗維即粘罕也金史作宗翰禹宗弼在軍中更以副統撒離喝與喝同為陝西經畧使此云都統經畧正與繫年錄合蓋由副統遷都統也繫年錄又云婁宿

引兵來犯吳玠擊敗之撒離喝懼而泣金人因目為啼哭郎君是撒離喝本有郎君之稱矣金史本傳不載除都統經畧使殊為闕漏當依繫年錄及石刻補

之撒離喝今譯改為薩甲干云潛研堂金史攷尾按此碑前為女直書後有譯文女直書別無傳者僅見此碑因摹錄之据譯文云獵于梁山之下至

唐乾陵乾陵乃唐高宗陵也長安志在奉天縣西

碑不連額高一丈二尺廣四尺丈二十四行行六十二字正書篆額在沂州府城普照寺中口口口尙撰

集唐柳公權書
伊川口口碑篆額

琅邪之佛祠在郡治者凡六區其五為毗尼其一為禪那今昔照是也當子口之西南有口臺巋然出於城隅臺之西復有廢池流潦口焉着舊相傳臺曰曬書池曰

澤筆其地蓋東晉右將軍王羲之逸少故宅也昔晉祚中缺元帝渡河臨沂諸王去亂南遷乃捨宅為梵寺世

祀縣遊真偽莫考往歲嘗得斷碑於土中字雖漫滅尙髣髴可讀按招提復興之代實自後魏至有唐孝明皇帝即位之九年始賜額曰開元宋崇寧初輔臣建言請

詔天下每郡擇口口寺一更為禪林遇皇上誕弥之月為祈延景命之地制從之郡以開元應選自是改稱天寧萬壽禪寺逮廢齊居攝專用苛政理國知衆不附尤

狹中多忌凡浮屠老子之居曩日所歲奉以祈福者一切口革遂易天寧之棚榜以普照開元遺址因古臺為基下偏閣闌棟宇偏口口口法中所當有者皆廢缺未備不稱寶坊之制歲在丁亥妙濟禪師覺海始來住持入院之四年乃議改作衆懼難成姑欲因陋經始之初

北五里梁山鄉丈八青仁控子三村界周八十里有于闐國所進無字碑此記即刻于無字碑上奉天縣者唐書地理志文明元年析醴泉始平好時

武功邠州之永壽五縣置以奉乾陵梁山即乾陵所在在乾州北十里奉天縣北五里奉天縣至元

元年省入州後即為州治乾州志稱梁山高三百七十四丈周九里廣二里正南兩峯並峙直北一

峯最高與九嶷五峯太白終南造拱為一州大觀孟子太王去邠踰梁山史記秦始皇三十五年幸

梁山官皆即此梁山與禹貢治梁及岐毛詩奕奕梁山自別彼梁山在雍州即今同州府韓城縣蓋

前人已辨之矣皇弟不署名潛研跋考定為撒離喝其語甚覈金史太宗紀天會十二年二月丁酉

撒離喝敗宋吳玠軍于固鎮碑即以是年仲冬獵梁山謁乾陵而記其事正相合矣然酒研謂撒離

曷有啼哭郎君之稱可据以證碑之稱郎君宋史吳璘傳金又有鶻眼郎君以三千騎衝吳璘為璘

所敗事在宋紹興十年為金熙宗天眷三年要之郎君乃金人貴臣之稱謂不獨撒離曷為然

沂州府普照寺碑

異論口起拱手旁觀待其自敗師志先定屹如山立終不可搖時奉國上將軍渤海高公和式適守是邦與

師昔於過去劫在無量佛所曾植宿因至是機緣會遇針芥相投公命首墮雉堞以達蔽怛又架石為梁跨望

月湖南臨廣路於拾頤間已盡闕湫隘為空曠之境矣復召百工授以成規自當陽聖位次及方丈下逮僅隸

所偃息皆標立區所期盡新之益出資力往給經費且示苦忍降伏偷惰畚鍤斤斧所嚮輒以身先於是郡人感其誠莫不風靡遠方檀施亦破慳捨墮助作大緣幢

幢往來相踵於路以故費用饒益魔失其便寒暑未幾悉滿初頤師又於大雄殿之北創立廣夏聚土所傳調御所說五千四十八卷之經為大轉輪藏發機於地棲匾於輪鏤此岸旃檀諸香口須弥山及阿耨池八方龍鬼出於光際各持金華視護法相諸天寶宮弥覆其上

建龍華會七晝夜以落其成幢蓋鍾磬填溢衢市縉素
數萬人逕迎咸會親是勝相皆讚歎隨喜請採石斷碑
紀述希有傳信無窮求文於中陶仲汝尚以記其事汝
尚曰先佛世尊口口口樹口口餘歲至東漢二葉教流
震且訖於梁氏始宏闢有為出口空術盡成名相我達
摩初祖自天竺西來救其末流俾涅槃妙心巍巍堂堂
猶星日月益光耀口像法自此天下之言禪者皆以明
道說理為宗不泥教律惟師口口西蜀兼萬金之產來
為沙門親近知識求無上道奈承咨決已得法要固當
高提祖印直指人心乃建塔廟嚴像設同二乘小果希
人天福報此禪流後學所以竊議致疑於師也然汝尚
嘗聞師之言曰實除理地不受一塵佛事門中不捨一
法吾以如幻三昧遊戲世間雖化大千盡為佛刹其中
實供取勝第一種種具足吾之妙口未始有作也昔真
際之住東院不聽大檀越動一口以廣其居是誠古佛
用心然不可為叢林法吾懼末世比丘喜虛誕者競為
大以欺佛遂有假如來衣竊信施食視法字之成壞若
行路之過逆旅曾不介意或問其故輒謬曰古之人固
如是也以至上雨旁風覆壓是處乃擊鉢囊逡巡告去
有如諸方建化率由此數則實莊嚴道場往往翰為茂

草如來遺法其能久住世乎敢畏多言汝尚唯乃序
寺之廢興緣起俾刻石以告來者時皇統四年十月二
十日記
奉國上將軍行沂州防禦使事兼管內安撫使統押
沂海路萬戶兵馬高召和式
沂州普照禪寺住持傳法賜紫口濟大師覺海立石
中陶口口口刊
撰文者為仲汝文粗能其家言第三寺故石軍王羲
之捨宅者妄右軍渡江時未十歲當是淮南公捨耳
舟州山人
四部編
柳書露筋骨易於摹刻故雖自碑刻鈎勒來亦不甚
失金狄但知立碑集書者固中原人耳
唐文皇曠世雄才削平海內以其餘力恣意臨池其
臣又有率更永興輩其成之故能集書聖教師法于
秋自此而后集書未有及之者普照碑建自金源當
兵戈草昧之後有仲汝尚文頗盡致而集公權書方
整道勁緊密處殊勝公權自書不啻與聖教代興碑
署仲汝義刻疑集書即出其手不有君子其何能國
金之謂矣碑云寺是王右軍故宅未辨真偽而王元
美直以為淮南公捨是又增一妄也
石墨
鑄華

文云子城之西南有臺巋然出城開臺之西復有廢

池耆舊相傳臺曰曬書池曰澤筆其地蓋晉右將軍

王羲之逸少故宅予攷東觀餘論稱逸少以晉穆帝

升平五年卒而昔人又稱右軍三十三書蘭亭序右

軍年五十有九以永和九年三十三推之當卒于

孝武太元四年二說不同按晉書謝安傳嘗與王羲

之登城悠然遐想有高世之志羲之謂曰夏禹勤王

手足胼胝文王旰食日不服給今四郊多壘宜思自

效而虛談廢務浮文妨要恐非當今所宜安之得政

在寧康太元之際則太元初逸少尚存以為卒于升

平五年者誤矣永嘉之亂琅邪陷于劉石其時逸少

尚未生也安得有故宅在琅邪且有澤筆之池乎碑

文集柳誠懸書檀字右旁缺筆避金熙宗御諱也

文脈尾

武虛谷云右碑斷裂書撰人名氏僅有中尚二字可

辨案之文內所載知為中陶仲汝尚也于氏作齊乘

去金未遠其載此碑猶全後題銜奉國上將軍行沂

州防禦使事兼管內安撫使統押沂海路萬戶兵馬

高召和式即與覺海復葺此寺者也金史廢帝紀正
隆四年十二月乙卯以樞密副使張暉為尚書右丞

歸德尹致仕高召和式起為樞密副使又高彪傳

彪本名召和失辰州渤海人為武寧軍節度使頗黷

貨嘗坐賊海陵以其數舊杖而釋之改沂州防禦使

以碑證之忻當作沂傳刻誤也其階奉國上將軍及

兼官傳皆遺之

長清靈巖寺寶公開堂疏

碑高六尺四寸五分廣三尺八寸五分十八行

行二十六八字連額首正書在長清縣靈巖寺

徵事即濟南府錄事夏綽書山門監事僧宗安立石

濟南府

今請靈巖禪寺

寶公長老開堂演法為

國榮修祝延

聖壽者

竊以丈室駐錫便知祖道之興諸天雨花喜遇禪林之

伯別微訛之公案舉軌上之因緣不有能仁難安勝境

伏惟

寶公堂頭和尙早具銀金之爐轉妙傳出世之津梁枯
木寒灰宴坐於千峯影裏騰蛟起鳳進步於百尺竿頭
茲緣緇素之依歸有請
省廷而尤可唱少林之曲調踞靈巖之道場信堂堂龍

象之姿赴肅肅人天之會白雲堆裏不妨舊經行碧
眼胡邊無惜斬新拈出永洪

睿筭廣震潮音謹疏

皇統九年八月 日疏

承事耶濟南府推官權判官李德恭

府判官關

宣威將軍濟南府少尹完顏汝良虎

安遠大將軍同知濟南府事南陽縣開國伯食邑七

百戶韓為股

特進行濟南府尹上柱國鞏國公完顏篤化叔

李彥刊字

右碑額題開堂疏三字橫列徑四寸疏文後年月下

有印方一寸八分文曰濟南府印後列銜五人內府

判官關餘人皆未載府志

山左金石志

按長清縣別有寶公禪師塔銘文見山左金石志

彼碑下截損闕不知寶公之名上一字為何也但

稱師姓武氏相州人靈巖虛席府尹韓公為股

運使康公淵保申行省云云即此疏所云有請省

廷而允可也韓為股塔銘稱府尹此碑作同知尹

事蓋塔銘刻於大定十四年在此碑之後由同知

開堂之後郡中□□□可其志者或勸師以女眾為言

師曰雲房無鎖鑰口莫惹塵埃口是妙口口僧少造

其室者惟師自處寂無纖翳不半戴閻闔父老雲集座

下師口口口口脩葺堂殿表裏一新殊未常化人以

施財為念惟是郡民之誠持口口口口而口口門人

一名曰覺道至天德二年忽感疾於當年二月十三日

口口口口口口皆侍左右師曰大丈夫當去住分明及

午刻師遂整衣命筆口口一口云清風自清風明月自

明月白雲消散後老僧無可說付以覺道結跏而化享

年六十有六僧蠟四十有四當月十五日覺道舉師喪

葬于華原縣流口鄉特實村宋家莊而起塔焉工告畢

覺道者若為余曰先師自提祖印六座道場今既歿忍

以平昔之善與草木俱腐欲書之堅石以示後學一以

口和尚之羨一以表覺道之誠可乎余既哀其誠又惜

其善何碎以讓因書其實而繫之以銘云

嗚呼浦公 摸範禪叢 雲門雪竇 正眼皆同 久

提祖印 開鑿盲聾 今其在 明月清風

承事耶充耀州軍事判官王口立石

泰學善友劉深 元真 劉本口 李口口 彥徐
口王本顯 張本口 口本唐 辛草 樊本淨

而升授正尹矣

浦公禪師塔記

石連額高二尺三寸廣二尺六分二寸十一行行
三十餘字額題故浦公禪師塔銘並正書在耀州

前口口十方妙德禪院浦公禪師塔記

登仕耶口口陽府口口口撰

登仕耶耀州司候溫口書

師諱善浦京兆城東人也俗姓馮氏五代宰相可道六

世孫母祿氏夜口口口光貫智覺而有妊祿氏心許

出家師既生天資醇厚始絕乳弗喜口口口口京

兆卧龍禪院并僧惠初為師克勤持誦至二十二歲試

經削口口口口口口僧者本欲越愛河登彼岸豈反

脩飾人事趨竟齋供如蠶自縛口口口口十餘年

間雲門雪峯一皆參歷及再歸依香嚴謹禪師口口

口口口口口口口口孟嘗門下新添劍客首座進日鏡

錫未用利鈍焉知公曰伯口口口口口是知音者若善

浦口開正眼了見根口但口欲傳非子不可翌日口口

口法時宋宣和元年董待制知府事請師口脩聖壽自

是之後或住天口或居口口受經兵火歷更數郡禪刹

至皇統三年知耀州李寧遠以妙德珂口告口口其

人一日幕屬以師舉之公欣然具禮就京兆還居妙德

張本因 勇本檜 安本曇 史本暉 口口 王

本口 口本口 雷本口 楊本發 党本口 秦

典 劉本省 陳本復 口本近 同本言 李本

應 黃本口 王本口 口本口 姜本兆 張氏

劉舉 謝勝 劉本浩 惠本性 本見

施墳地弟子曹本仁 曹口口 王口 公孫本

有 口觀李自然 李本脩 秦本震 馬立 王

本玉 會首郭本迪等 小師 僧

承事耶充耀州軍事判官口口

按碑題妙德禪院稽之陳西通志寺觀卷已無考

文稱師諱善浦俗姓馮氏五代宰相可道六世孫

母祿氏可道即馮道之字碑叙其先世不稱名而

稱字又一例也 薛五代史道有六子平吉某祿

姓出于紂子祿公之後然從無一人入史傳者則

其姓亦希矣碑以僧蠟為僧臘恐是筆誤

京兆府重修府學記

碑高六尺七寸六分廣二尺九寸五分三
十行行七十字正書篆額在西安府學
三代之治莫隆於周萬萬王多吉士維君子使媚于天
子後世追仰風猷常嘆其不及者何耶非世態淳於前
而澆於後也非人物興於古而衰於今也蓋以庠序學

校之設成於當時者備涵濡長養之方盡於其道也入
故教化有所格器質有所就而賢人衆多能爲邦家立
太平之基矣豈以澆淳興衰有前後古今之異哉晚周
東駕王室衰微 吾夫子忠聖入之道熄刪詩書
定禮樂讚易道述春秋皇皇然轍環天下歷聘諸國以
微言大義垂世立教授三千之徒於洙泗之間祖述堯
舜憲章文武斯帝王之道坦明於時俾民受其賜於萬
世之後嗚呼其念天下後世之重如此至於嘆鳳鳥之
不至泣麟出之非時豈獨爲一身而已哉暨乎夢奠兩
楹異端並起繼以秦焚漢濫得燬燼之餘者不絕如綫
當是時也微 吾夫子之道其誰與歸斯所以明
君哲后有意帝王之治者莫不詔郡縣立學春秋享
先聖先師于廟焉京兆舊學在府城之坤維地非
充襄前未崇寧二年命郡縣建學以賓興賢能府師樞
密直學士真公 策奉命詣學謂諸生曰魯修泮宮有思
樂泮水薄采其芹之頌是知泮水以育人材也今府城
之東南隅水易就下地且文明欲改卜其處可乎諸生
怡然曰諾乃範湖州規製經營建立廟學之成總五百
楹宏模廓度冠偉一時水潤木陰清冷懋鬱儒衣冠而
入者日不啻千人弦誦之聲洞激霄漢厥後學古入官

貢名于桂籍登書于天府者未斷一二數也自羅兵草
殘毀幾盡貞元乙亥歲河間 韓公 希甫 亞尹京兆
視事之三日謁奠于 文宣王酌獻禮畢見諸生
於學喟然嘆曰我 國家經文緯武進用賢能每
三歲設科以經史取士鄉升之府府升之 朝而
皇帝臨軒賦業見賢焉然後用之誠夸越復古
之制也謹按 尙書省批送禮部前文應有
直聖廟去處即便修整今此廟兒傾圮堦宇頽弊何以
仰副 明天子作成之意遂即議於 府尹完
顏公 胡女 遵奉 朝廷之命鳩工計役拾墮瓦於
廢基搆堅材于壞屋新寢祠而重儼像翬脩廊而繪列
賢師儒講誦之有堂生負居處之有廬以至齋祭之室
庖湑之所各有其序補直罅漏剔穢治蕪期年而成
韓公又出已俸重修祭器俎豆之屬大率皆備乃延
諸生入學肄業仍與 漕使李公 同知張公 副
運周公 暨諸幕屬共議申勅 朝廷養士著令
具饌焉繼而 府推張公 仲堪 下車提領教綱力贊
其務而又 府判畢公 楙 入幕之初首督斯舉能事
於是畢矣學正求昌國帥其徒請記於輿泉以鄙陋少
文屢辭屢屬牢不可讓且告之曰在昔宗周作都豐鎬

人材萃出一於學故詩人謂文王曰於樂辟靡謂武

飛騎尉劉端

王曰鎬京辟靡以至世之不顯厥猶翼翼思皇多士生

提振修學昭信校尉行京兆府錄事飛騎尉王景暉

此王國王國克生維周之楨濟濟多士文王以寧且京

提振修學奉政大夫專一規措京兆府耀州三白渠

兆處宗周之域被文武之化薰陶漸漬數千百載之後

公事曉騎尉王堪

風聲氣俗宜乎不改今 諸公克承朝廷美意主張

學爲府尹完顏胡女修建文云舊學在府城之坤維

吾道重建廟學豈非翼翼然思皇多士復生我

地前宋崇寧二年命郡縣建府師樞密直學士虞策

國家如文王時耶勒銘金石不足以歸美于 上

改築于此據之則宋金時學非復唐國子監舊址也

諸生當勉學夫子之道處則孝於其親友於兄弟出則

關中金

忠於其 君施于有政抱道懷德姓名在版爲當

按碑云京兆舊學在府城之坤維前宋崇寧二年

世之顯儒遠不忝宗周習俗之美仰不負 吾皇

府帥虞策詣學即今府城東南隅改卜其處陝西

樂育之誠俯不媿 諸公主張之德使諸公異時聞諸

通志西安府學但云在府治東南即宋金學校舊

生行業於 廟堂之上奚復有慊於心歟太金正

址不言宋金以前舊址所在關中金石記乃云據

隆二年十一月十有五日京兆前進士李與謹記

文則宋金時學非復唐國子監舊址也攷宋敏求

河南潘師雄書丹開封錢義方顯頌學正來昌國等立

北當皇城南面之安上門街東從北第一務本坊

石 齋諭韓觀 齋長姚襄 司書宋端卿

半以西國子監監東開街若兩坊街北抵皇城南

直學任侯 學諭曹誼

盡一坊之地又曰當日之城南面朱雀門有南北

監修學忠顯校尉充京兆府軍器庫副使兼知作院

大街曰朱雀門街東西廣百步萬年長安二縣以

武騎尉李宏

此街爲界萬年領街東五十四坊及東市則是朱

監修學奉信校尉可充京兆府軍器庫使兼知作院

雀街因朱雀門爲名門在京城之正南萬年縣所

領在東街而街東又分五街國子監在第二街以京城大勢揣之監正在東南隅不知碑所謂府城坤維之舊學是何時之學坤維是在西南與唐國子監地不合府尹完顏胡女金史無胡女有活女為其室之子傳稱天眷三年為元帥右都監累歷京兆尹修學在貞元乙亥歲距天眷三年得十六年或是時即活女作尹或金國語傳寫之誤也未列銜有監修學二人提控官又有提振修學二人史百官志凡修舉之事有提控官而無提振此提振或即提控之義王堪規措京兆府耀州三白渠公事志載規措官正七品其屬有點檢渠堰官員可知當時特重渠事故設官專一規措也

金石萃編卷一百五十四終

金石萃編卷一百五十五

賜進士出身 誥授光祿大夫刑部右侍郎加七級王昶諱

金二

乾州恩政堂記

碑連額高七尺八寸五分廣三尺七寸二寸十三行行四十九字正書篆額在乾州

大中大夫行乾州刺史兼知軍事輕車都尉榮陽郡

開國伯食邑七百戶賜紫金魚袋鄭彥文述并書

徵事即充乾州軍事判官崔良躬篆額

乾本漢池陽縣至唐改奉天後置為州梁乾化中升威勝軍後唐同光年乃復今名距京飛不越數舍其地平敞四達自昔關中有事亦用武之地也近年以來宿師多壘應辦浩大瘡痍未平風物凋弊而不振名為難治大定戊子歲余刺北陶庚寅被 命移守來此丁雨

賜不時傷我稽事在牧民者當得安養拯恤之方載循空疎營鈍怵惕慮惟恐蹶失致以罪去昔集賢校理太原王公為池州日治其後堂命曰思政謂其出政於南嚮之堂思之於此也會子固作記美王公不敢忘政其於治民之意勤矣余愛其言之有理与余意合私竊慕之而未克遂志適此公署廳事之次有屋一區雖劇

宏壯然以廢置之久上下頽圯隅角墊缺風雨摧剝鳥

鼠攸宅不可居處乃檄計司得報命工重加完繕補葺罅漏塗壁丹雘乃復充堂衍宇之舊觀爽朗軒豁以便遊息為退食之所亦以思政榜之蓋欲踵武太原王公雅志高躡焉嘗聞子大叔問政於子產子產曰政如農功日夜思之思其始成其終行無越思其過鮮矣余敢忽之哉值乾路當衝要輜車駟騎電掣星馳迎餞旁午加之諸邑租庸征賦公務執掌民瘼吏鈐紙尾幾不勝聽斷析決遺若匪三復審諦寧不有誤者哉每公餘吏散正襟危坐于其中淥淪神觀疏剔荒蕪私自訟曰尔於事 君之忠有未盡乎行己之道有未得乎學校有未修乎課寡有未恤乎獄訟有未平乎農桑有未勸乎謹當誦前言而不敢違庶幾幸免曠斥少圖補報 國恩以寬尸素之愧焉堂之側亦有茂林翠竹可以招邀風月領略芳華或隱几以休詩書或酌酒以娛賓客雖在談笑觴豆徜徉巾屨中念所以為政之本未始造次而忘也嗟余東髮登仕代置州縣之職雖一再鳴而起校吏事於朱墨簿書中奉行 天子教條惟恐不克仰副 委付之意周遊而河暨

陝服不啻萬餘里奔走鞫繫垂五十年其羈僑亦久矣疲頓亦甚矣今年踰七十儻於職守失思慮而致譴黜

寧不負平昔之志哉昔東坡先生守膠西治新寢於黃堂之北名曰蓋公堂且自作記蓋慕其人也余與坡公賢恩固不同而做太原王公思政名堂余豈不得慕其人而襲其遺範哉於是乎書置之左右庶朝夕臨觀以自警其不逮云大定辛卯歲冬十二月初一日

昭武大將軍同知乾州軍州事上輕車都尉隴西郡開國伯食邑七百戶李仲仁上石

文有云乾本漢池陽縣至唐改奉天後置為州梁乾化中升威勝軍後唐同光年復今名以唐志合之改縣為州乃乾寧二年也太平寰宇記云李茂貞建後軍王出鎮為威勝軍文又云距京兆不越數舍寰宇記東至長安一百八十里

關中金石記

按陝西通志乾州知州署在城內西偏即唐德宗行在故址後改為州治金大定戊子刺史鄭彥文修二堂顏曰思政堂即謂此碑也文云乾本漢池陽縣至唐改奉天後置為州考池陽縣在周為焦穫地秦為涇陽邑漢惠帝四年即其地置池陽縣屬內史後屬左馮翊後漢因之迨符秦時於池陽東南析置涇陽縣宇文周時廢池陽不復置歷代至今但有涇陽縣其縣今屬西安府並非乾州地

別無名額已納訖合着錢參伯買文乞立莊嚴禪寺名額勘會是實須合給賜者

牒奉

勅可特賜莊嚴禪寺牒至崔

勅改牒

大定四年五月

日令史向昇押主事安假權郭

押

奉直大夫行太常博士權負外郎劉

中憲大夫行員外郎李

宣威將軍郎中印律押

侍郎

中奉大夫禮部尚書兼翰林學士承旨知制誥修國

史王

本村賈福 賈永興 鄭再興 徐志 南順 孫

展 張安 吳再立 張俊 韓廣 進義校尉韓

卞 朱琦 韓浦 韓永興

蕭張村王昺 王仁美 劉志

許村進義校尉王儀 進義校尉孫喜 柳昇 丁

進

小王村進義校尉姚順 牛直 牛彥

乾州始於唐睿宗文明元年析醴泉始平好時武功幽州之永壽置奉天縣以奉乾陵至昭宗乾寧二年以縣置乾州其地與池陽東西相距截然兩處碑云本漢池陽縣者誤也鄭彥文大定庚寅移守來此庚寅是大定十年碑立于辛卯則十一年矣金史百官志州刺史正五品同知正七品判官從八品文階從四品上曰大中大大夫正五品上曰中議大夫中曰中憲大夫下曰忠順大夫正七品上曰承德郎下曰承直郎從八品上曰徵事郎下曰從任郎武階正四品上曰昭武大將軍碑於刺史鄭彥文以正五品官而用正四品上之大中大夫階同知李仲仁以正七品文官不用文階而用正四品上之昭武大將軍武階史志無明文可攷其制莫詳

莊嚴禪寺牒

石高廣俱三尺二寸大小字共十四行每行字數不等丁曆刻僧衆及各村人名行書在高陵縣

尚書禮部牒莊嚴禪寺

尚書禮部牒

尚書戶部差委京兆府發賣所據京兆府高陵縣慶安鄉幡子村院主僧法淳善江宗坊狀告見任本院自來

坊下村進義校尉劉潤 進義校尉曹榮 進義校尉劉清

僧永琦 智顯 智雲 僧永堅 智響 僧智存

智隱 僧智賢 法均 法詮

講瑞應經僧文綬 講唯識論僧文慶 講准識論

僧智英 講經僧法振 僧口口

大定十六年歲次丙申二月丁丑朔二十一日丁酉

住持僧法淳上石

講經律論傳夫乘戒沙門善江

按大定初年寺觀納錢請賜名額之事金史無攷今所得於陝西者凡十四碑文稱尚書禮部牒是

牒由禮部發也又稱尚書戶部差委某州發賣所

是戶部設官差委外州發賣牒文也金史百官志

戶部既無發賣所之官禮部亦不載牒文格式及

發賣錢數但詳僧尼道女冠限度試經之數與夫

中選給據之法而已據同官縣靈泉觀記云大定

初王師南征軍須匱乏許進納以賜官觀名額若

然則是大定初權宜設置之事非常制也十四碑

中在長安者五碑在涇陽者七碑在同官者一碑

在高陵者一碑似其制獨行於陝西殆即辦軍須

金史卷一百一十五 金二

之所也其牒起於大定二年迄四年是時世宗初即位用兵契丹因暫行此制想四年以後即停也牒文之式不一大定二年祇稱陝西各路轉運司三年以後則有尙書戶部差委京兆府發賣所又有差委耀州發賣所是發賣所始於三年而各州皆有也其錢數大定二年但云已納訖合着錢數三年以後則著明錢壹伯貫至四年四月清涼禪院牒錢壹伯伍拾貫五月莊嚴院牒錢叁伯貫逾時未久牒價懸殊不能知其故也諸碑皆稱發賣所獨福勝院牒稱發給所小有不同有額名同者如洪福院有二牒一在京兆府一在涇陽縣同爲洪福宇前爲禪院後爲院清涼院有二牒一在長安縣一在涇陽縣同爲清涼宇前爲院後爲禪院也或當時院與禪院畧有辨歟凡請牒必由狀告與唐宋之制不同詳識于此亦可備一時掌故牒雖多種俱于大典無關今錄此一牒以志大概其餘牒內官既無名可考亦無文字可傳姑從刪削

凝真大師成道記

碑連額高五尺五寸廣二尺七寸分三層上層繪成道圖中層記二十九行行二十字下層田土地基三十六行行二十餘字不等正書額題驪山靈泉觀凝真大師成道記篆書在臨潼縣

故靈泉觀主凝真大師成道記

李輔書

大師諱子嚮姓劉氏開封人也生有奇相人知不凡年甫數歲居然厭俗自投牒於太清宮受業爲道士既守真戒奉行教法功德不可思議旁通醫術能處砭劑全活者不可勝數歷歲滋久升聞於朝前宋 仁宗召赴闕廷師之入見也年已幾耄髮髮皆黑面有壯容進趨如儀登對有法帝曰雖哉詔賜號曰 凝真大師換紫衣 勅授靈泉觀主賜秦帝陵旁并諸庄地土計一百五十頃及山林湯泉水磨臨潼縣地基房廊盡充靈泉觀常住道業 師既蒞事一新規畫敷載之後租入有餘謂尙座李藏用曰此觀實唐之華清宮也今圯廢如此幸有積貯可以繕脩於是創殿閣立堂齋鑿新湯築花圃成之不日壯麗可觀迨至和元年正月二十日師忽沐浴更衣而出擊鐘集道衆遺言曰公等自愛我今歸去言畢遂兩手結印端坐而化是時方春林巒秀茂鸞鶴飛翔空中翫舞有樂音衆皆瞻仰望 師隱隱而昇矣後經一月有客自西蜀來者云我於今年正月二十日逢一道士騎青騾者自稱曰我是靈泉觀主劉子嚮煩你傳語在觀道衆聞斯語欽仰讚歎曰師達

者也自師西昇迄今百有餘祀其後代門人馬景陽陳守靜劉守冲携師之行狀踵門而求記於子至于再至于三子嘉其勤而諾曰試即其行狀直書以叙云爾大定丙申四月初五日渭南王鎬記

劉仲永 惠口一 王守恭 姚若谷 曹仲昌

却仲弼 楊守中 劉守冲 王慶道 寇仲實

陳仲寧 龐仲先

監觀道士馬景陽 觀主道士陳守靜等重立石

武略將軍行京兆府臨潼縣主簿兼縣尉飛騎尉李温敬

宣威將軍行京兆府臨潼縣令上騎都尉蘭陵縣開國伯食邑五百戶蕭麻鞋 南圭刊

靈泉觀山林水磨田土地基

一山林一所東至天澗水西七盤谷南至分口口口口

口口口

一東宮城裏外并繚牆東口角口毬場上下耕種地土口口三十一頃五十畝

一毬場官道北東西畝地二十八畝東西至口南至道北民田

一望仙橋河南菓園地東至河西至觀下車院牆北河

南口

一西宮城裏外并磴子谷村口磴窠五聖觀上下口城北菓口地共八段計八頃三十三畝

一丹霞泉西南山坡耕種田口計四頃五十畝

一口口山坡地土計二十頃二畝東至天河西道南水溝

一南衙村官口下地土口段計四十五頃口畝東至口西北溝

一窰村谷底并東西口塘口口地土計四頃口口畝

一口邊村東西畝地土計一頃二畝東西南並至道北

口

一西輔村南北畝地土計八十畝東西至民田南口口

一秦始皇陵廟周圍地土計四十二頃四至並外陵牆

一觀門東南巽角地基計二十八間東至石坡道西至官道南至觀客院北至官街

一簿尉衙東客院東南門裏石坡頭地基計五十八間

西至簿尉衙東南北並至觀

一觀門西南巽角地基三十一間東至官道西官南觀北官街

一倉門南面西裏角地基二十二間半東倉牆西街東南觀倉口巷口西南民田北倉門道

一倉門北面西裏角地基一百二十五間口尺東至倉城牆南至口門道西至街道北至望仙河民田

一北十字街南東壁上面西向街地基一十二間內九間長一百五十尺東至民田西至官街南至衙牆北至民田

一新巷南街西面東地基一十二間東至街西新巷南民田北新巷道

一水巷街東南裏角地基八間東至官地西至街南至街北至口

一水巷街東面西地基二十五間東至官地西街南觀北民田

一水巷街西南裏角地基三十三間東至水巷西至民田南至街北至觀相接係菜園地北至城

一水巷街西面東地基二十五間半東至官街西南觀北民田

一城西街南面北并上西門街西地基四十一間東口西至舊城牆南至城北至下西門口口口口西口口口地基東至街及街東面西地基東至民田西至

街古城牆南北至觀下城

碑陰題名

三行行七字八字不等草書

少華高元龍趙勉功同登朝元氣象豁然因題於壁

少華党元之率鄉人僑子堅楊質夫登朝元於壁間見

元龍草聖惜其慢滅遂書于後元符庚辰中秋日質夫

題

靈泉觀主姚有祥 上座蘇有志 直歲馬思口重

陽日立石

安延年刊

按陝西通志靈泉觀即華清宮晉天福中改賜道

士故以觀名華清宮在臨潼縣南唐咸亨二年始

名溫泉宮天寶六載更曰華清碑前觀觀主凝真

成道記乃宋仁宗時事師歿於至和元年此記作

於大定十六年丙申距師西昇一百二十三年矣

記後載山林水磨田土地基四至畝數凡二十四

條有東宮城西宮城之名即謂華清宮城也有秦

始皇陵廟在臨潼縣東一十五里可見其觀地自

南而東亦云廣矣年月後列銜縣令曰宣威將軍

主簿曰武翼將軍金史百官志亦縣令正七品文

階上曰承德郎下曰承直郎諸縣令從七品文階

上曰承務郎下曰儒林郎主簿皆正九品文階上日登任郎下曰將仕郎武階正七品上曰承信校尉下曰昭信校尉從七品上曰忠武校尉下曰忠顯校尉正九品上曰保義校尉下曰進義校尉至宣威將軍乃正五品中階武畧將軍乃從六品下階此碑系銜縣令不用文階而用正五品中之武階主簿不用文階而用從六品下之武階皆未詳其制金碑中多類此者後不具論

三清觀鐵盆記

盆不知大幾許茲就銘而計周圍環一丈四尺七寸寬四寸九分單行凡一百九十九字正書

維大金大定十七年歲次丁酉八月戊辰朔十五日壬

午三清觀道士趙師通 小師趙准壽 鄉貢進士鄭

時舉獻銘曰

金當鎔秀柔而貞兮探摸堯氏踐踞虎形不湧不躍大器混成不日鍾乎徒希其聲不日鼎乎姑旌其名茲惟仰象告於神明動天之德也醮祭惟馨奚取夫罇相之

禮部令史題名記

石二一橫廣二尺八寸一橫廣一尺高各一尺八寸四分共計三十八行行十七字至二十二字不等正書在京師

法源寺

助緣人等 姓名不錄

助緣道士 姓名不錄

本觀道士 姓名不錄

助緣人等 姓名不錄

保義校尉猛安千戶王明

昭信校尉猛安千戶劉昌

昭信校尉知事景淵

忠武校尉府推官任企

少中大夫府判官郭元康

昭毅大將軍統軍判官耶律

昭毅大將軍府少尹兵馬副都總管

定遠大將軍同知府尹兵馬都總管

陝西路統軍都監

尹本路兵馬都總管夾谷清臣

龍虎衛上將軍陝西路統軍使兼京兆規措銅冶鑄錢所麻

宣差中大夫尙書吏部員外郎規措銅冶鑄錢所張

宣差朝散大夫尙書戶部郎中

轉運司都目官扈彥

孔目官 姓名不錄

皇帝萬歲

千秋

臨潼縣九陽鐘銘縣令柴震所作淺陋無足觀周遭

刻官吏及助緣人姓名殆遍其最貴者曰宣差朝散

大夫尙書戶部郎中規措銅冶鑄錢所張曰宣差中

大夫尙書吏部員外郎規措銅冶鑄錢所麻曰龍虎

衛上將軍陝西路統軍使兼京兆尹本路兵馬都總

管夾谷清臣曰陝西路統軍都監曰定遠大將軍同

知府尹兵馬都總管李口曰昭毅大將軍府少尹兵

馬副都總管段成功曰昭毅大將軍統軍判官耶律

一里哥其餘不能悉數矣攷金史食貨志大定十二

年正月以銅少命尙書省遣使諸路規措銅貨能指

坑冶得實者賞十八年代州立監鑄錢命震武軍節

度使李天吉知保德軍事高季孫往監之而所鑄斑

駁黑澀不可用詔削天吉季孫官落職更命工部郎

中張大節吏部員外郎麻珪監鑄卽此鐘所列張麻

二人也史稱大節工部郎中此刻云吏部者蓋由工

部轉吏部耳 潛研堂金石文跋尾

按鐘在靈泉觀重鑄於大定二十一年前銘後記

押司官 姓名不錄

司吏 姓名不錄

機陽縣金火匠程用男程彥

進義校尉商酒同監郭元貞

修武校尉商酒都監孫備

宣武將軍行縣尉李木魯口不

文林郎前主簿

委監鑄官耶律德

承信校尉行京兆府臨潼縣令使府差

昭毅大將軍支度判官孫口

奉訓大夫鹽鐵判官李必說

宣武將軍都勾判官劉仲仁

奉直大夫陝西東路轉運副使陳訥

明威將軍陝西東路轉運使高蘇

京兆府孔目官 姓名不錄

司吏 姓名不錄

本縣司吏 姓名不錄

高陵縣 姓名不錄

本縣助緣人 姓名不錄

臣佐

姓名以後助緣人等四十八人助緣道士九人本

觀道士十五人又助緣人等七十八人姓名俱不

錄此後監鑄各官銜名十四人又火匠以上暨轉

運使銜名十二人其中孔目官五人押司官四人

司吏十九人京兆府孔目官五人司吏三十人本

縣司吏二十二八高陵縣五人又本縣助緣九人

姓名俱不錄

博州重修廟學記

碑高八尺五分廣四尺二寸二十九行行字數不等

行書額題新修廟學之記六字篆書在東昌府學

博州重修廟學記

石硤王去非記

庭筠書

東平党懷英篆額

夫有國家者欲成長久之業建不拔之基莫大乎厚風

俗厚風俗之道莫大乎興學校蓋學校者教化所由出

也孟子曰夏曰校殷曰序周曰庠皆所以明人倫也此

之謂矣昔孔子欲行是道而不得其時乃修六經以詒

後人孔子既沒之後雖復揚墨于戰國火于秦佛老子

至今不能易者何耶蓋自暴秦之後二千有餘歲其間
 願治之君有能尊夫子而行其道者効著于當年澤流
 于後裔故也略以近古治化最隆者明之漢唐之興莫
 不敦尚經術開設學校為先務而繼體承流者復能守
 而不失間得人如文翁常袞由是漢唐之風忠信廉耻
 庶幾三代及其季也先吏治而後德教政令因而失叙
 水旱緣以為災是時雖有外陵內侮之虞而國祚猶能
 綿綿不絕至于三四百年之久者豈非先王澤之澤
 情止乎禮義之効與即是以觀則崇學校以宣教化有
 國者不可緩也 本朝興太學于京師設祭酒司
 業博士之員以作新人材又興天下府學州縣許以公
 府泉修治 文宣王廟舊有瞻學田產經兵火沒縣
 官者亦復給于學此 國家崇儒重道之意也州
 縣能體 是意而奉行之不無其人而能如
 王公所居必興學見諸生以為政先出於中心之誠者
 幾何人哉公由 太子司經來倅博州兼提舉廟學
 事既下車謁 宣聖廟是時惟大成殿始新而未完
 餘屋皆敝塑像置平地上 公因諸生侍坐而問
 其故有對者曰始徐大夫興崇廟學置瞻學之資逮兵
 火廟學為灰爐天眷間趙大夫為學官以此地創建幾

於苟完今弊若此適太守完顏國公欲修崇之既口新
 大成殿俄去郡厥功是用弗集公聞而歎曰今不嗣續
 其功殆非體 上意而昭吾道也於是確乎以興
 作為己任必欲凡所謂廟學者無一不具焉乃請於州
 賴 太守金吾劉公賢明樂善欣從其請於是正其
 地而垣之廣袤伍畝有奇鳩材募工自大成殿始塗墍
 潤色役不踰時而制作粲然 宣聖之貌則取乎闕
 尊嚴之升堂之像自袞而下繪壁之像自驚而下皆循
 其禮制而飾之其贊則有唐名臣之文講堂雖仍舊增
 標以廣其制使寬而有容儀門復改作增土以高其基
 使翼然其正從祀畫像之廡經籍祭器之庫隸業之館
 庖厨之室高下相對凡四十楹皆創建而一新之壯麗
 宏敞合禮應圖以至階序之布列垣墉之環繞水竇之
 渚浴花木之栽植一一如式計其費無慮五百萬皆瞻
 學之贏也原 公之意以為苟不如是徒有修學之
 名耳自非知教化之原惟在於學者其誰能之昔漢之
 文翁為蜀郡守乃選明敏有材者親自飾厲每行縣益
 從學官諸生明經飾行者與俱吏民榮之由是大化蜀
 地學比齊魯于時人材有至郡守刺史者唐之常袞由

宰相出福建觀察使治臨於粵至為設鄉校民有能誦
 書作文辭者與為客主鈞禮觀游燕饗與焉俗一變歲
 貢士與內州等于時歐陽詹獨秀出學既成舉進士登
 第與韓退之輩同中選謂之龍虎榜今 王公東漢
 彥方之首裔家聲赫奕文采風流則與文翁常袞不相
 上下若乃勸學則加於二人一等矣若二人止能待士
 以禮 王公又能課諸生以文獎其勸以勵其游尚
 其能而勉其未至其肯承口講指畫為文者皆有法度
 可觀推此則過於二人為不妄博關號為上州從來服
 儒冠道先王語登科者舉不乏人今又化 王公之
 德將見豪傑之士應時所選比肩繼踵而出豈如蜀粵
 止稱文常所得人材而已哉去非耄矣無能為也郡庠
 諸君屬之作記去非既嘉 王公之興學又感諸君
 之知待不敢以鄙拙辭去非曰自徐公之守是邦當宋
 元豐戊午距 聖朝大定辛丑蓋百有餘年矣歷
 官者不為不多能推至誠崇興廟學者不可一二數是
 知漢唐之治數百年史稱文翁常袞興學校移風俗其
 美為二人所專為不妄噫 王公方宣 天子
 崇儒重道之德意學者方嚮 王公之化風俗將益
 厚矣博人何其幸哉公名遵古字元仲好學守道天下


目為遼東夫子其為政也緣飾以儒雅故所口稱治云
 學止晉紳 信武將軍口口州口候騎都尉高陽
 縣開國男食邑三百戶 得中
 金吾衛上將軍充博州防禦使上護軍彭城郡開國
 侯食邑一千戶食實封壹佰戶 義 立石
 碑陰
 碑陰記文十四行行三十三五字不等
 行書額題廟學碑陰之記六字縮文
 熊岳王遵古記
 博州廟學厥惟舊矣宋元豐間徐公爽以已俸置房廊
 施於學以瞻學者厥後值宋季兵火廟學被蕩學之故
 基因擾攘間保聚為縣署所占今聊城縣解是也
 聖朝天眷間學正邢彪始謀指射舊都監解基以議
 興建學錄尚載輔之適趙公慤來為教授公与已錄戮
 力規畫以瞻學之資郡人之施建版堂三間兩廡十六
 間儀門三間門樓一間又塑宣聖顏孟三像既成即中
 甄公格宅有舊十哲像施於學又繪七十二賢像於兩
 廡亦可謂之苟完矣後十餘年防判趙紹祖与學正成
 奉世創蓋講堂三間至大定甲午歲防判馮子翼為釋
 奠行禮之隘以作新大殿請於州方委正錄晉紳路應
 辰以瞻學錢市材木築基址會太守完顏國公允節來

守是邦知諸生當此重任力不能勝乃假以力功未及成移守於清此數君子有權輿庠序者有分祿養賢者有富貴而好禮者宜專其美為不朽之傳而廣道諸儒歸功於僕蓋欲使後來者用心益勤將有大於是者遵古惟墮成是懼故孜孜然卒其事安敢有其功哉若夫教化流行風俗移易人識廉隅國興仁讓然後語其成功不負數君子之志僕亦以此仰望於後來者焉
大定辛丑季夏晦男庭筠書門人李穀篆額

齊西王世永模刊

東昌府學有三絕碑金大定間重修文廟王去非撰記党懷英篆額王庭筠書丹時號三絕山堂肆考
金王庭筠號黃華老人善寫梅書法沉頓雄快與南宋諸老各行南北元初囑于山諸人不及也六研齋筆記
王庭筠在金與趙秉文党懷英輩同負書名而庭筠酷似南宮此書是也攷是時庭筠父遵古實成廟學事王去非記之而今庭筠書之故尤為得意篆額者即懷英也石墨鐫華
王去非三人俱有傳庭筠之父遵古時為博州倅以興學自任而去非作記時年八十有一毫而能文亦可稱也遵古字元仲好學守道當時稱遼東夫子官


者金時之所謂河東與唐宋以晉陽為河東者自別歟庭筠卒後章宗以御製詩賜其家其引云王遵古朕之故人也乃子庭筠又以才選直禁林是王氏父子受知於章宗如此撰文之王去非無攷篆額者党懷英傳稱其為馮翊人而此碑自署東平未詳



至翰林直學士而庭筠傳中祇一見其名未免略矣廟學碑陰記遵古撰亦庭筠書而筆勢尤縱逸以古文篆題其額者遵古之門人李穀亦不減党承旨筆法也未行自題熊岳王遵古熊岳縣屬東京路之蓋州故有遼東夫子之稱金史庭筠傳以為河東人誤潛研堂金石文跋尾
按此碑正面王去非撰文稽之東昌府志已載入學校卷中碑陰王遵古撰記府志不載東昌府宋金時皆謂之博州聊城縣倚郭當時祇有一學州縣合之故元豐間徐爽所建廟學其後淪為聊城是也碑云始徐大夫興學廟學即謂徐爽不詳其里居未樂舊府志稱其元豐中知博州捐資修學校有惠政碑又稱趙大夫為學官趙大夫者名懿時為教授碑又稱太守党顏國公者名允節又太守金吾劉公者名義即碑末列銜者也碑陰王遵古撰記遵古字元仲其子庭筠兩面碑文皆庭筠所書庭筠時為恩州判官金史文藝傳云庭筠字子端河東人中州集稱庭筠為熊岳人碑遵古自署亦作熊岳文亦稱遵古天下目為遼東夫子或

金石萃編卷一百五十五終

金石錄卷一百五十五 金 二



金石萃編卷一百五十六

賜進士出身 誥授光祿大夫刑部右侍郎加七級王昶謨

金三

重修中嶽廟碑

碑高一丈三尺九寸五分廣六尺四寸十三行行七十字正書篆額在登封縣

大金重修中嶽廟碑

中憲大夫充翰林待 制同知 制誥上騎都尉江

夏縣開國子食邑五百戶賜紫金魚袋臣黃久約奉

敕撰

奉政大夫充翰林修撰同知 制誥兼 國史院編

修官驍騎尉賜緋魚袋臣郝史書

承直郎應奉翰林文字同知 制誥兼 國史院編

修官雲騎尉賜緋魚袋臣党懷英篆額

大定二十二年十月庚申以重修嵩山 中嶽廟成

未有紀述 制詔臣久約書其事于石臣學術荒蕪

實懼不克奉 詔然忝屬翰林以文字為職雖甚愚

陋其何敢辭於是承 命戰兢而書之臣聞五嶽在

宇宙間絳胎剖判之初鍾造化神秀之氣鎮壓厚地

奠安一方噴薄風雷蒸騰雲雨材用絳是乎出寶藏絳

是乎殖形勢巍然非它名山鉅鎮所可方擬若夫挺峻

極之狀著高大之稱據天地之中央得五行之正位差

峩峩業俯瞰河洛號眾山之英者惟嵩為然爰自書契

以來事跡靈口非一祝融降而啓夏申甫生而興周浮

丘公混俗以僑居王子晉得道而僊去自餘高真遊覽

元聖棲遲圖讎所傳不可殫舉維 神尸之聰明正

直克相 上帝保佑生民是宜歷代帝王靡不崇奉

凡巡狩四方往往款謁其下而封爵之隆所以褒大之

每有加而無替也舊有廟在東南嶺上年祀綿邈莫知

其經始之由魏大安中嘗徙于神蓋山唐開元間始改

口於此遭宋靖康兵革之難海內倣擾饑饉存殫郡邑

凋殘寇盜充斥齊國建立創痍未瘳用兵不休賦役煩

重故伊維淮甸之間戶口蕭條為甚廟之基構僅存而

繕修不時上漏旁穿風雨霽剝翫歲惕日殆不能支歲

時祭奠牲酒寂寥鼓鐘不設 神弗顧享可勝嘆哉

皇朝混一區夏方隅辰寧解燒除苛政教清肅涵

養休息復見太平自爾公私獻功稍就完葺然積久弊

陋未足以稱 神之居且當 國家開拓之初地

大物眾經營締構不失先後緩急之宜顧興仆起弊之

功力或未暇如有待者洪惟 主上纂明昌之緒題

熙洽之期蒐獵遺文禮樂備舉嚴奉 宗廟肇禋郊

丘懷柔百神無文咸秩至於崇飾海內前代祠廟恒敬不忘况嶽瀆之在祀典有功烈于斯民者宜如何哉先是十四年秋九月 敕遣口人諭 指宰相諸款廟久闕修治宜加增飾其選使馳傳遍詣檢視以聞明年使者復命即以諸應費材用工匠與夫百物之數具圖上之粵十月壬午乃有重修之 命且 詔有司凡一夫之役一物之用悉從官給無得煩民仍寬與之期戒勿倉卒涉于不敬以稱所以事 神為民祈福之意維 中嶽口河南府登封縣之境內尚書省廼以其事下於府二以是下之縣地官則以其費用屬本道轉運司出公帑之口合廟中前後供施餘利驗其數以時給之冬官則以其夫匠均賦河南及旁近諸郡發其騶馭役夫之羨卒闕或不足則募諸遊手之民隨時之高下而優予其直以付本縣令臣張子夏監護役事又命同知河南尹事臣宋嗣明總治之諱日鳩工衆作畢舉廟制規摹小大廣狹位置像設悉仍其舊無事改作視其棟楹椽桷之撓折朽敗者則徹易之垣墉階尺之缺罅摧圯者則更築之鬆形點聖藻繪之湯滅不鮮者則加飾之煥然一新窮壯極麗吏無遺力人不告勞恣為屋二百三十有八間其西齋廳以待每歲季夏

之營之母資民財母勤民力一出於公訓其成式干柱眈眈萬口差差金鋪璇題輝映陞落成之初四遠咸集峰巒增明雲煙改色邊豆在席笙鼓在庭 神之格後厥報維何篤生賢人左右 王室如甫如申天子萬年永宅口有巍巍堂堂如山之壽下臣獻頌以相工歌刻之豐碑萬世不磨

此碑正書方整遒勁書者名郝史不立傳亦無書名觀其結構王庭筠輩似不及也覺懷英號為能書乃任篆額不任書知郝書在當時亦自知名碑立于大定中與博州碑同時世宗勵精政事頗稱太平故以其暇得修祀事耳 石壘 鐫華 此碑與宋盧多遜王曾陳知微碑體制豐崇相侔今列立於崇聖門外左右各二人呼四狀元碑內銜名俱翰林官兼騎尉文臣兼領武職附紀以備官制之考 嵩 碑述大定重修中嶽廟始於十六年四月丁未絕手於十八年六月戊子二十二年十月庚申制詔臣久約書其事于石按黃久約字彌大東平須城人也金史有傳稱其篤明敢言性友兄弟為文典瞻云碑作郝

遣使祭祀之次舍不與焉始事於十六年四月丁未絕手於十八年六月戊子費錢以貫計之為一萬四千九百六十有四用力以工計之為四萬八千三百六十有二落成之日丁壯垂白執持香花遠口畢湊皆大知會不謀同辭咸謂物之廢興成敗自有數存乎其間殆有非人力所能致而致者夫以五十年日循委靡之弊一旦變為殊絕偉麗之觀匪夫遭時隆平 聖天子在位文明勤儉無為而成何以臻此嗚呼休哉昔漢武帝元封口嘗登山從官吏卒咸聞呼萬歲者三流傳後世至今稱美矧 吾君壽考與山齊等永永無極其陰相之功又豈特區區徒見于祝願之間而已耶臣既序其本末以展歸美之報敢拜手稽首作為頌詩繫之于後頌曰

瞻彼崧高維嶽之雄穹窿隱嶻屹然地中奕奕 神宮權輿東陬繇魏以來再徒寬衍上棟下宇揭虔妥靈規模顯敞氣象崢嶸遭時否屯兵火饑饉天方厭難人不堪命酒掃有闕隳頽弗支上兩旁風過者嗟咨大金受命恢闡疆宇煥休撫摩躋民口土 皇帝御極發兵措刑山川鬼神亦莫不寧維時 神宮久未遑郵皇帝曰嗚我心之惻迺諭近輔迺詔羣司去舊取新經

史書尚可識而庚子銷夏記云書者止云目郝不著其名石又完好非泐也蓋未諦視之覺懷英金史有傳稱其工篆籀當時為第一童鈺河南府志云中嶽廟按唐韋行儉廟記云魏徙廟于嶽之東南即黃久約所謂舊有廟在東南嶺上者也行儉謂元魏徙廟而黃以為莫知其經始記文偶疏耳至黃謂魏大安徙于神蓋山韋則不及合觀二記則元魏兩徙廟也初徙于東南嶺上又徙于神蓋山所謂東嶺者今廟東南玉案峯也所謂神蓋山者今廟東黃蓋峯也又峻極中峯上傳為元魏中嶽廟遺址是又會建廟山上矣董廷字二樹山陰人所修方志與核可觀近今著述之善者 石州金 靈巖寺滌公開堂疏 碑高七尺四寸廣三尺六寸十三行行三十一字正書額題開堂疏三字篆書在長清縣 僧義瑄書 左平章政事 令請 滌公 長老住持濟南府十方靈巖禪寺為 國焚修開堂演法祝嚴 聖壽者

口呂達磨不西來孰能薦祖虛公既南度始見分枝雖無毫髮示人要在承風吼說開法施各踞名坊厥有濟南靈巖佛寺利洽鄒齊襟吞兗魯二百年叢林浩浩三千里香火憧憧飛閣蓮宮粹容金界不期偉匠焉振宏綱伏惟

條公 長老守文三代接武四禪總歷下之機緣續方山之勝蹟遂使白蓮真蹟無根而鬱鬱騰芳青社餘光不鏡而綿綿照世正好高提祖印獨步大方視吾皇萬載之昌圖繼古佛一乘之慧壽謹疏

大定二十三年九月 日疏

金紫光祿大夫平章政事宗國公蒲察通

山門知客僧宗秀道璘立石

右碑額題開堂疏三字橫列徑四寸前列左平章政事末題大定二十三年九月空日不書中鈐平章政事印最後題金紫光祿大夫平章政事宗國公蒲察通名案金史世宗紀大定二十一年三月尚書左丞蒲察通為平章政事二十三年十一月丙寅平章政事蒲察通罷據此疏左平章政事即左丞也通居此官為宰相之貳故當時亦云左平章政事矣始請條公在二十三年三月之前及疏文立石實為二十三

嗚呼唐室之衰也豈一朝一夕而然哉其所由來者漸矣自安史之亂置軍節度而號為方鎮鎮之大者連州十餘小者猶兼三四故兵驕則口口而自立帥疆則叛上而不朝魏博鎮冀奮臂而唱於前淄青澤潞躡跡而和於後皆互相表署合從連衡欲效戰國軋相依以土地傳子孫口口稅為私有天子不問有司不呵含有貨忍百有餘年以為後世子孫背脅疽根此大蠹貞元所以守邦也乾寧三年鳳翔李茂貞以兵犯京師口口將奔太原次渭北華州刺史韓建遣其子允請天子幸華州昭宗畏備復欲如鄭建迫及昭宗於富平泣而言曰藩臣倔彊非止茂貞若捨近口口巡極塞車橋渡河不可復矣昭宗亦泣遂幸華州時天子孤弱獨有殿後軍及定州三都將李筠等兵千餘人為衛以諸王將之建已得昭宗口口制之因請罷諸王將兵散去殿後諸軍昭宗難之建自率精兵數千圍行宮以讓請誅李筠以清君側昭宗不得已遽斬筠以謝迺悉散殿後口口都衛兵幽諸王於十六宅建又使中尉劉季述誣諸王謀反以兵圍十六宅諸王皆登屋號呼遂皆見殺是夜建袖劍詣行宮將及御幄有神口口御幄旁厲聲叱曰汝陳許間一卒爾蒙天子厚恩至此敢取為弒逆事乎

年故前云左平章政事後書平章政事官序可案如此通本傳大定十七年拜尚書右丞轉左丞闕三歲進平章政事封任國公百官志封號小國三十內有萊云舊為宗以避諱改提是則通封宗國其後當避唐宗諱易號任國史本此書之耳

石志

按靈巖寺有皇統九年寶公開堂疏請者為濟南府尹此疏為左平章政事所請則其禮愈隆矣月中間有印方二寸五分文曰平章政事之印亦與寶公疏之用濟南府印者同例文云祝嚴聖壽他碑皆云祝延聖壽殆以音近而通用耶末署平章政事不加左字與首行異金史蒲察通傳但云進平章政事不加左字百官志尚書省尚書令一員左丞相右丞相各一員平章政事二員亦無左右字然平章政事既有二員自應分左右與左右二丞相列碑之前有左字者可據也

華州城隍神新廟碑

碑連額高七尺五寸廣二尺九寸五分二十五行行五十六字正書篆額在華陰縣城隍廟

華州城隍神濟安侯新廟記

鄉貢進士張建謹記

鄉貢進士蔚口篆額并書

建蒼惶而退亦莫知為誰明日物色訪之廻華之城隍神也昭宗亦口口遂徙其神於行宮明年八月己未車駕還京師甲子御端門肆赦改元光化以華州為興德府封城隍神為濟安侯遭五季亂離典籍廢滅史逸口事而不傳然華之父老至今能言之而言之未嘗不流涕也當是時王珂鎮河中羅紹威鎮魏博趙匡凝鎮河陽朱全忠鎮汴梁李克用鎮太原口口行密鎮淮南李仁福鎮靈夏錢鏐鎮吳越皆能踴躍虎踞垂涎祇掌幸時之亂以飽其欲曾不能遣偏裨將率老弱兵為勤王衛社稷之計乎今此神口口縛草傳泥彩色外飾假以成像尙能赫怒奮威呵叱不祥拯天子於至危極難中以此知當時藩鎮大臣皆土木之不若也蒼天蒼天此何人哉口口何心哉自五代歷宋以行宮為太守之署迄今因之署之東北其祠在焉大定甲午 太守完顏公口書錦是邦每布政之暇常憫此祠處于隘口百姓朔望奠酌艱於出入而葺飾不繼棲瓦朽落貌像曠昏神雖不言若有所待公屢出言如有財力之士而能遷建增廣者許之州人張鐸口口楊林暨前道正韋道撤聚父老而謀曰吾鄉雖屢遭兵革殘毀之甚口口而不被弑逆之名者賴此神之方也盍遷其廟於外以便祀享眾允其請

口口得爽塏地於子城之東南隅正當向拱揖佑德之觀宜其神明得所安焉遂平其坳垤以基以築百堵既興寢殿斯構迺立高門高門有閤口口乙未五月且日以牲幣告神而遷于新廟禮也於是葺石北山碧而碑之求文於僕以紀神之英烈且俾後世亂臣賊子聞之有所戒懼焉吾口口之父老篤於忠義不忘我侯濟安之德既已記其營建之始又為作迎享送神之詩以遺華人俾歲時歌以祀焉其辭曰

聰明正直兮惟神之德矯誣竊攘兮惟神是極謂唐室之衰兮神猶主乎山川謂唐民之匱兮神尚歆乎血食何凶悍之難制兮敢乘幾而肆逆口震怒兮威聲雷吼彼姦孽兮掩耳而走主雖弱兮時獲載寧城雖危兮民得固守華之父老兮至今思之念昔艱難兮悲歌涕洟感神之德兮家口而戶奠答神之休兮秋嘗以春祠薦肴蔬兮灼玉井之芳蓮進酒醴兮挹渭水之清瀾神之來兮旆綵霞翻神之醉兮颯舞風旋父老兮欣欣偃口兮拜神願神兮無斂降福兮孔均日將暮兮神事歸風蕭颯兮雨霏微爾公田兮及我私望有年兮其庶幾
大定二十四年十月初一日里人張瑀立石

刊石王口

同官縣靈泉觀記

碑高八尺二分廣三尺三寸文刻牒之下載三十行行五十五字正書篆額在同官縣

華原竹溪散人楊峻撰

邑士劉利賓篆額

月山鄉貢進士劉光書

粵以元璞未分竊冥而含五太淵宗至寂恍惚而蘊二神雖萬強名難窮妙體上無復祖惟我是身在乎太初太易之前生乎無象無形之內塵劫雖壞亘古常存分清濁而犀乾坤運化育而誕稟曜允為萬烝之祖宏闢眾妙之門鑽仰而彌高弥堅究詰而至靈至妙孰知空洞而內隱別體寧測太無而中蘊至真擊自公孫黃帝之登極也以道化天下志洞清虛心傾妙有感西王母而降駕授帝玉像元始天尊帝置宮中道觀之上辰夕朝謁然宮觀之号繇黃帝之始也厥後漢唐仙宮道觀葺布天下去縣之北僅二里餘有靈泉觀者是尚宗之行宮鎮銅川之福地形勢雄壯殿宇崢嶸西腋嶺峰之雲崑翠侵戶隔東瞰漆水之煙浪瀾徹軒楹南面孤祠暮雨猶五姜之泣淚北視神水鹿苑隱梵僧之譯經周迴顧盼風光堆裏松蘿影中震闕連雲重樓聳漢誠一方之奇觀也政和初道士口景安題元魏天師謙之苗

按碑敘乾寧三年李茂貞犯京師韓建請昭宗幸華州語與唐書本紀合以下敘建誅李筠散殿後軍圍十六王宅殺諸王是夜建袖劍詣行宮將及御帳有神厲聲叱退明日訪之迺華之城隍神云云本紀書於乾寧四年而於城隍神之事略焉代史韓建傳載其父叔謂建語與城隍碑於此段神叱退之語略同殆儒者不語怪之意韓碑於此段失書四年二字下文遂云明年八月己未車駕還京師甲子改元光化以華州為興德府封城隍神為濟安侯所謂明年者似三年之明年則四年矣碑誤也改元光化是五年八月事升興德府據唐書地理志實是四年事碑蓋牽連書於改元之後未分晰耳升府與封神自是一時之事升府既在四年則封神亦在四年亦為碑所牽連也然升州為府本紀四年不書至光化元年八月壬戌書至自華州此下乃紀改元事設使華州已升為府則紀當云至自興德府矣此事雖碑誤而紀與志亦不能無疑因附識之碑文作於乙未為大定十五年其立石則在二十四年濟安侯廟碑唐光化二年別有李巨川撰文柳懷素正書王弁州顧亭林朱竹垞諸家皆有跋惜揭本未備附識之

裔醅厭塵網栖心物表飄然而至此忻然曰吾願真之地也未迨再昇創營北極殿于西崑之上日以焚修為事逮四十餘載而羽化師法眷孫党存信繼而住持性頗敦厚心尚恬澹言論朴直授伏魔錄戒律嚴請擬碧潭之明月清無纖翳駢邪療病應猶谷聲擊切扶耄以求救治獲痊愈者不為數矣由是父老莫不欽慕其行業暨召齋醮遠邇雲臻迄大定初 王師南征軍須置乏許進納以賜官觀名額法師喜曰斯廟雖勝東嶽聖帝之廟名然非 朝廷攸賜竊觀廟有甘泉疫癘者飲之輒愈鄉老目之曰靈泉不若具厥事跡陳告儻得一頌茲直古且今之難遇也諸道友咸憚其說法師遂以狀聞 省部途于 勅下賜今名額法師欣然曰况吾教中立觀度人最為鴻因今契吾昔宿之志矣由是萌心營葺鳩工市木創建三清殿重修岱嶽殿炳靈公殿嘉應侯殿西齋王殿法堂三門客廳廊廡廚庫寮房咸整嚴備漆繪壁尤極臻妙若斯經營三十餘載厥工告畢參差殿閣瓦砌鴛鴦而凝煙屈曲廊廡皆瓊瑤而晃日重門啓鑰風光凝壺中之洞天危檻橫虹眼界擬海面之閨苑莓苔徑辟蔓繡牆曉捲珠簾聳天峰蘸揉藍之碧夜涼玉宇和月泉飛素

練之寒雖曰華胥未易過也法師曰生平之願足矣或曰大道無形上真非象胡為勞役形神而事土木之工耶師答曰道雖無形無形莫宏其道真雖非象非象奚彰其真雖微妙而差別終有無以相依管黃帝審聖聰哲尚事玉象于道觀之上余何人哉安敢不營葺觀宇欽事真聖哉至大定歲次大荒落師春秋七十有五八月十五日而羽化門人有二長曰李冲虛次曰党冲惠孫前管內威儀裴宗微小師党冲惠謂余曰本觀爰古嶽祠不知元起何代也先師住特垂逮三紀晝不暇餐夕不暇寐聲場囊幄專事經營營于完就然厥勤勞固非一朝一夕矣况本觀額名雖荷宸思所賚非先師亦不克得也冲惠雖不肖濫叨冠裳夙宵追省誠應先師平昔之勤績湮滅于千載之下存恐後世罔知創資觀額之由煩公為我記之刊于翠碧庶俾後人知本觀肇起之根因耳余辭曰峻温濱布衣假使有倚馬之才難免雌黃不若求文于權賢雖匪吐鳳之句衰踰金玉冲惠曰此輩瞽之識見况文章天下之公論幸公勿辭僕不獲已勉書記銘曰

至道希夷靈精一炁視聽無形生先象帝寔侶淵宗靡知誰子難窮難詰強名強字宏屢妙門溥育羣彙昭明

兎鳥最負天地中誕人居上豎君治逮于軒皇洞究至理格彼靈女密授奧旨玉像欽崇道觀肇起官闈闡修秦漢奢熾黃冠党公紫府傑士佩籙捧符載妖剪崇德服者文行播遠邇殿宇經營囊笥捐棄聳雲樓臺見日金翠福鎮銅口稚苙漆水皇恩優渥寶額頒賜勤勤一身住持三紀道據元因迺書銘記萬載千春永播休美武義將軍行耀州同官縣主簿兼縣尉飛騎尉李拱宣威將軍行耀州同官縣令上騎都尉汝南縣開國子食邑五百戶周允中

大定二十五年歲次乙巳重陽日住持觀事法錄道士党冲惠立石

汾水高字刻

右碑兩截上截即刻三年牒文下截刻此記文甚華贍字法亦似稽虞金人碑刻之最佳者關中金石記

按陝西通志靈泉觀在同官縣治北崖下有靈泉飲之已疾禱之能雨因以名觀碑云靈泉觀者寔岱宗之行宮鎮銅川之福地東瞰漆水之煙浪南面孤祠暮雨猶孟姜之泣淚云云通志載岳岳廟在同官縣北二里金山之麓金山在縣西北三里

有姜女祠靈泉在山之西麓自石罅中湧出旱禱有應銅川即銅官川一名同水在縣東北一里西

南流合漆水入耀州界漆水在縣東北五十里以地多漆木而名其水善溢甚為邑患南而孤祠者謂孟姜女廟也廟在金山巖下

淳化縣重修岱嶽廟記

碑高六尺八寸廣二尺六寸五分二
十三行行六十七字正書在淳化縣

邠州淳化縣重修岱嶽廟記

武義將軍行邠州淳化縣尉飛騎尉劉景山篆額

夫太極初分兩儀肇判萃爾精英之秀為乎山岳之靈嶽之靈尊首稱於岱鎮彼兗州之域巖然魯邦所瞻位居五嶽之伯號美上天之孫不歆季氏之旅祭豈假秦皇之升封掌人倫之摠籍主生死之權輿真其神則微妙無方變通莫測繫人之吉凶禍福有感必至應如影響焉言其體則峩峩崇崇風雲會聚雷雨蒸騰扶持造化茲為地之德也爰自歷代以來封崇旌顯表其神異者莫越是嶽乎管廣舜之為君也望于山川徧于羣神歲二月東巡守至於岱宗柴夏禹之特別九州也奠高山大川九山刊旅唐錫元圭告厥成功焉周之受命也武王既定天下載敢干戈載褭弓矢歌時邁之詩至于方岳之下告□□□□大漢之興武帝放古巡守之事

書編於史傳皆帝王之休功茂烈丕著莫不率由尊章嚴修祀禮稽周禮大宗□□□□祭用牲用釐大司樂迺奏製寶詞函鍾舞大夏所以慎鬼神也故得陰陽和風雨時五穀孰草木茂禽獸蕃財用於是出焉寶藏於是與焉無一物不資其生成無一□□□□育者也

洪惟 聖朝奄有四海 懷柔百神 保社稷 等山河之固 任公卿法台岳之靈以增修於□□□□於諸祥惟 嶽瀆之神載於祀典者邈邑官屬歲時祭饗夫淳化為邑在城之東北依山之險舊崖府君祠後人易為東嶽廟歲月浸久楹欹棟桷瓦墮壁摧聖□□□□下濕殆將頽仆真可歎惜加之基址編隘人皆相與非稱事神之所有邑人郭浹等迺啓願言化到市民曹成曹珪□□□□已業稅地周圍坎畝寄在於舊廟之□□□□奠壇之區復葺是廟繪塑締構累年於茲猶未畢備至大定癸卯之夏也 太谷白

公來宰是邑下車之始敬謁 祠下遂觀修葺之事勸諭工師莫肯怠墮繼□□□亢旱率其僚佐精意以禱神神歆其誠屢降膏澤或皆之疫厲民之疾疹復致哀禱即獲康愈公之用心益加嚴奉庶幾變凶歎為豐稷變愁嘆為權謠豈惟一方之民得□□□之祐助抑

薦禮百神封泰山禪梁父以刻石紀功焉頌於詩載於

五

按中州集稱喬辰字君章初名逢辰洪洞人天德三年進士所載詩祗凌虛堂五律一首碑所刻二絕句俱闕焉詩後申天祿跋云正隆之亂丞蒲邑保全一城關陝至今稱之蓋自登進士至此越十一年矣金史海陵紀正隆六年六月備法駕入于南京九月上自將三十二總管兵伐宋命河中尹徒單合嘉為西蜀道行營兵馬都統制平陽尹張中彥副之由鳳翔取散關駐軍以俟後命十月宋人攻秦州臘家城德順州克之申跋所謂蒲邑一城保全者殆卽此時事也申跋作於大定戊申云先生仙去十年于茲則喬辰之卒在大定戊戌距正隆之亂又十六年其子德容名宇中州集稱其八歲能鼓琴召入東宮顯宗稱其不凡大定十六年登科貞祐初為益都按察轉運使與巴涿器之俱歿兵間顯宗者太宗之子楚王允迪大定二年五月壬寅立為皇太子二十五年六月庚申薨二十九年正月世宗崩章宗即位二月癸亥追尊為皇帝廟號顯宗德容召入東宮約略在大定七八年德容時年八歲則其生在大定初年當申天祿作跋時德容以戶曹來京兆是登科後十二年自

戊申後越二十五年為貞祐初其時德容官益都按察遂遇兵難計其年可五十五六矣此碑移置流杯亭壁在明昌七年二月是作跋後九年不知德容是時居何官也明昌無七年是年十一月始改元承安故二月仍得稱七年洪洞喬氏父有功於蒲邑子被難於兵間兩世忠貞久無傳述金史既不為立傳省志又不詳事蹟賴中州集略述其父子而尤賴此碑之存與中州集參攷得其大槩備載於此俾作志者或有取焉

雲寂院鐘款
鐘不知大幾許分上下截書每截界為八區上截每區一字下截書勸緣監鑄及與會諸人姓名正書在縣淳化

皇帝萬歲臣佐千秋
 大定二十九年十月十七日雲寂院住持僧道演
 都會首沙門僧守彥
 勸緣眾法口僧義達 義遠 守進 守嚴
 講經論沙門僧守固
 講經論沙門尊宿僧守一
 鑄鐘大鑑富平縣留名村劉閏 劉信 寇榮
 同監女口烈查刺

并界都監大珪


忠翊校尉淳化縣商酒都監郭彬

口武將軍淳化縣尉義騎尉叻古信年

登仕郎淳化縣主簿干邦達

顯武將軍縣令騎都尉路豐縣開國男食三百戶楊定

按雲寂院今謂之雲寂寺在邠州淳化縣西南一里陝西通志不詳其興建始末此鐘鑄於大定二十九年而院之創始亦無攷款列住持僧以上至淳化縣令止凡十七人姑存其姓名內有鑄鐘大鑑富平縣留名村劉閏者字不可識此後用刻男女姓名一百三十餘人大都皆助緣人今皆不錄然其中村名有曰崇德村李譚空村盈倉村口保村口泉村甘村車馬村安樂村俱口村西甘村巨店東控村百家谷留名村小禮社東草市賀莊村孟墩村秋社村四泉村西陽口屯莊北步昌東甘皆金時村庄之名可資志乘攷證者謹此以備採



金石萃編卷一百五十七

賜進士出身 誥授光祿大夫刑部右侍郎加七級王昶撰

金四

三官宮存留公據碑

石高三尺九寸廣二尺三寸四分上截公據十九行
下截記二十三行每行字數十六至十九二十餘不
等正書在
高陵縣

三官宮奉聖旨存留公據之碑

京兆府

□□□ 尚書禮部□節□承

都省劄口備奉

聖旨楊口制口後創造到口名額寺觀者口是尺行口

口仍令除去緣其間有口繪塑口佛容像口不忍除毀

特許存留其創造罪名口與免放若今口有犯本入科

違

制司縣中知口不口依制斷口仍並解見口口委司縣

正官一員遍詣應有寺觀神祠等處一一躬親點檢如

係自口口口塑繪口神佛容像口口所口官并司縣先

口口口具申州府令司縣并僧道口及州府口口口籍

仍從各州府排立字號口口口簽印口合同公據賣付

住持寺觀人等口執并造一般合同文簿申覆使府備

坐口口隨處遵依委官點檢施行去後據申到事因除
別外口管口司縣數內高陵縣奉政坊

三官宮內口口口口

右今出給公據付口口口口口口口口口口執照大定二十年

十一月 日

使

茲者三官宮元在官道之西起自唐宋迄今數百餘年

累口兵火殿像俱廢至 皇統甲子有村人馬志買到

上件地基及員與邵顯亦捨已地方得完備與眾社人

同議徙於此處修蓋堂宇聖像一口幸而繼口 大

定庚子使府降刻 聖旨存留公據口慮年深片

紙湮沒遂刻金石傳之永久昔明昌二年八月一日崆

峒趙口口記今具社人于右下有社人姓名不錄

按高陵縣三官宮今已無攷但存此碑金史世宗

紀大定十八年三月己酉禁民間無得剏與寺觀

此碑所云奉聖旨嗣後創造到無名額寺觀者盡

行除去即此事也碑又云有繪塑佛容像不忍除

毀特許存留創造罪名並與免放是以禮部出給

公據執照稽之史志不得其詳公據降到大定

二十年越十二年為明昌二年而後立碑年月後

有社人姓名五十餘人今不錄內有助緣者曰塑
三官人曰粧三官人當時粧塑蓋分二事也又有
龔興姓名龔姓不見於史惟華陽國志昌寧大姓
有龔習蜀錄有交州刺史龔深此龔興或即其苗
裔歟

高曼卿增修聖廟記
石高五尺廣三尺八寸十一行
行二十五字正書在曲阜孔廟
僕鄉為令長山被檄泰安嘗謁
宣聖廟歷觀前人碑志自漢魏以來代無不修其舊制
稍隘未足以副天下之望茲者

朝廷右文命開州刺史 高公曼卿特為增葺凡弊者
新之狹者廣之下者高之舊所無者創之莫不曲盡其
善僕與公有一日之雅喜而謂曰公為吾儒獲膺此委
而能大其規模俾雄麗如此可謂無負矣明昌辛亥復
因奠拜過此安陽赫統十月二十有七日題

武亭鐘款
款共六方各橫廣二尺七寸高二尺二寸或四行或
六行八行至十行行或四字至十六字不等正書在
州
皇帝萬歲臣佐千秋國泰民安法輪常轉
尚書禮部牒

縣治南即唐慶善宮故址金大定十六年修勅賜
崇教禪院今據鐘款前刻明昌三年禮部勅牒則
崇教之賜額在明昌三年或修院在大定十六年
也鐘刻破地獄真言寶樓閣真言大明六字神咒
及助緣三十餘人姓名今俱不錄

高陵縣張公去思碑
碑連額高七尺八寸廣三尺一寸五分
二十行行四十九字正書在高陵縣
大金京兆府高陵縣令張公去思之碑
將仕郎充書畫局直長張建撰
文林郎楊庭秀書

隴西李居中篆額
太史公序循吏傳曰奉法循理之吏不伐功不矜能百
姓無稱亦無過行子始疑其說以謂循良之吏必有赫
赫之名著人之耳目或號霹靂手或號神明政而曰百
姓無稱何也豈不以循理之吏不求近功有愛民之誠
心使民陰受其賜歲月既久民知其愛已故思之無已
非若沽名釣譽之徒內有所不足急於人聞而專苛察
督責以祈當世之知求其愛民之誠心則蔑如也久之
情態俱露訪亦隨之是以民視吏之去如越人之視秦
人肥瘠了不加意斯人也烏足謂循理之吏乎故吏之

良者不伐其功人所以高其功不矜其能人所以稱其
能及受代之後人思其德繪其像而事之此其所以謂
之良吏也口川張翔字子翔博學有才識著名於時大
定十三季登進士第釋褐授單州軍事判官尋遷狄道
高陵北海三縣令東京留守推官今為解鹽副使自公
之去高陵也既更三政矣而民猶念之豈非有愛民之
誠心教之以孝悌廉恥不為鈞距詭異之行雖嘗加刑
責者亦服其義而稱頌之初公之莅職於是也有訴其
男毀奪女娣之粧奩者公以子之長幼妻之前後諭之
其口悔悟而去有妯娌不睦日相詬訾聲徹縣署者公
遣女婢以義責之其人慚而止三葺之閒所斷訟獄不
啻數十百使人修省改過皆此類也歲或亢旱公為之
焚禱無不感應士或情學公為之誨諭無不勸勵今口
口口夾谷公尹京兆暨陝西路提刑使栢德公同尹日
凡幕職有關必委公權行其事非廉能夙著何以致此
公解職之明年 朝廷遣使廉問備得公善政之
詳不數歲三遷其職任邑人曹璋率諸父老繪公之像
構祠堂而事之朝夕瞻望而不忘其德如周人勿剪甘
棠而思召公也明昌五季春友人王彥達赴試來
京師丐文於予口口口之政予曰昔子產為政三年而

牒奉
勅可口
勅故牒
金明昌參年宋月 日令史向昇 主事安口口權
郎
中憲大夫行員外郎口
宣威將軍郎中耶律
侍 郎
奉政大夫禮部尚書兼翰林學士承旨知制誥修國
史王
鄜州鄜城縣陽務村鑄鐘人口
維大金國歲次明昌參年壬子二月癸卯初一日甲
戌 記

陝西京兆府路乾州武亭縣界崇教禪院
先住持祖師僧口口先師僧口照
翻建屋舍聖像鑄鐘都會首住持沙門僧
崇教禪院本在武功于金為武亭縣是鐘于康熙中
出自河畔時巡撫某公方修薦福寺因載歸焉鐘後
有尚書禮部牒文 關中金
按陝西通志崇教禪院一名慈德寺在乾州武功

人歌之孔子所以謂古之遺愛者以其久而不忘也今張君去職八年而人尚思之是亦口之遺愛也予既嘉張公之善政且喜高陸之民不忘公之德故系之以銘

日 猗歎張公 治適厥中 人樂其政 不自為功 其功不有 積而愈厚 賢者德業 可大可久 咎之小民 競利紛爭 感公之化 禮義由生 昔之士子 仇兮達兮 服公之教 朝書暮詩 今公既去 繪像於堂 千載之下 以配甘棠

按高陵縣名始於周秦之間三國魏及後魏嘗改高陸隋大業初復名高陵相沿至今此碑前于尋遷狄道高陵北海三縣令下云自公之去高陸也既更三政矣後云且喜高陸之民不忘公之德蓋高陸高陵今古之名互用也碑云川口張翺字子翔陝西通志循吏傳張翺字子翔蒲州人與字與碑倒互當由志誤而淄川則可補碑之泐文撰文者張建金史附呂中孚傳稱建字吉甫蒲城人有詩名明昌初授絳州教官召為宮教應奉翰林文字以老請致仕章宗愛其純素不欲令去授同知華州防禦使仍賜詩以寵之自號蘭泉有集行

換羣鷲 明昌五年二月八日中大夫同知京兆尹兼本路兵馬都總管府事提舉學校事燕臺劉仲游書 按劉仲游詩不見中州集金史亦無劉仲游傳據碑仲游自署其實曰燕臺而史有劉仲洙傳字師魯大典宛平人累官定海軍節度仲洙有兄仲淵皆與仲游名同用水旁而又同實或即仲洙弟兄行也

靈巖寺詩刻 二詩刻在一石石橫廣三尺八寸高一尺八寸前詩共九行行八字後詩十行行八字十字不等在長清縣靈巖寺 琛公堂頭和尚有題超然亭頌因次其韻 莫州節使路伯達 六合空明現此亭本來無垢物華清客來便與團樂坐萬偈何妨信手成 明昌五年二月十五日十方靈巖禪寺住持傳法沙門廣琛立石 濟南梁宗誠同李堅撰刊 巡按詣靈巖名刹禮佛焚香懸坐于超然亭覽堂頭琛公佳製謾繼嚴韻 山東路提刑王珩

於世此碑立於明昌五年而張建系銜為將仕郎充書畫局直長不云應奉翰林文字殆未任此官時也然碑所系銜傳則略焉金史百官志應奉翰林文字從七品書畫局直長一員正八品掌御用書畫紙札屬祕書監其文散官階從七品上曰承務郎下曰儒林郎正八品上曰文林郎下曰承事郎正九品上曰登仕郎下曰將仕郎此碑張建蓋以正八品官而用正九品下之階以系銜所未詳也首引太史公序循吏傳語據今本史記循吏傳大史公曰法令所以導民也刑罰所以禁姦也文武不備良民懼然身修者官未嘗亂也奉職循理亦可以為治何必威嚴哉祇此數語與碑所引全不同銘詞後列進士李文本等六十七人姓名皆邑人無知名者今不錄

劉仲游詩刻 詩刻在多寶塔碑右側共四行字數不等草書在西安府 觀京兆府學 大成殿後古碑題六言詩兩首 寶墨銀鈞蠶尾篆文王振金聲一覽古碑辭翰頓還舊觀神明 西秦觀覽古字碑刻長安最多未勝家藏墨跡義之帖 鍾山英秀草堂靈林下相逢話愈清聞道謀身宜勇退得閑何必待功成 明昌五年十月十五日十方靈巖禪寺住持傳法沙門廣琛立石 濟南梁宗誠同李堅撰刊 案金史地理志山東東西路提刑司此王珩結銜稱東路提刑即巡按濟南諸屬也冀州節使天會七年置安武軍節度是也路伯達見中州集云仲顯字伯達冀州人正隆五年進士明昌初授武安軍節度使據金史本傳伯達字仲顯與中州集稱字伯達者異今詩刻為其自題不宜署名是名伯達無疑爾本傳稱改鎮安武軍朝事實冀州慶歷八年陞安武軍節度金蓋依其舊名而中州集為武安節度之故也伯達詩為遺山所採 石志 按靈巖寺有明昌六年周馳撰田園記見山左金石志記云明昌三年提刑司援他山例許民採伐由是長老廣琛訴於部省五年琛復走京師詣登聞院陳詞蒙奏斷用阜昌天德所給文字為準盡付舊地云云據此則琛公自明昌三年以迄六年皆住持靈巖也當明昌三年時許民採伐之提刑不知何人假使即此和詩之王珩則不應縱民採

伐致琛公有奔告跋涉之苦矣此碑二詩一刻於
明昌五年二月十五日一為十月十五日不知琛
公走京師又在何月王珩詩不載中州集廣琛超
然亭原倡亦無攷

安陽縣重修唐帝廟記

碑高六尺七寸廣三尺二寸五分兩面刻
各十六行行三十三字正書在安陽縣
彰德府安陽縣乞伏村重修唐帝廟記

前應奉翰林文字同知 制誥趙秉文撰并書題額

夫道足以為萬世法而澤足以為萬世祀是將有以備
制法關百聖參天地之化育後天地而不亡者矣故策
約為獨夫而仲尼得通祀景公有千駟而夷齊到今稱
之德之在人焉可誣也況乎有聖人之德都天子之位
首出百王之上而幾傳百世之下者哉傳曰惟天為大
惟陶唐則之今天日月星辰之昭回雷風雨露之鼓蕩
寒暑陰陽之變化春生而秋殺明來而晦謝以終始萬
物者豈非天之化也哉今夫君臣父子之懿仁義道德
之實金木水火土穀之用壯者力於作而老者休於廬
生者養而死者葬以衣被天下後世者豈非陶唐氏之
遺化也哉陶唐氏之化在於斯民日用之間而莫能名
其所以然非天也耶然則去之千百世如將見之廟而

典獨唐帝之祠義若無所出意其神不相於茲土也願

嘗以為帝之神如雨露之在天水泉之在地何所往而
不在獨惠彼而遺此豈理也哉嗚呼以如神之智變化
往來其有方乎以如天之仁徧覆包函其有殊乎以靈
象授時之政安知不佐歲功以成物乎以博施濟眾之
心安知不相 明天子以惠於惇獨乎生而厚其恩

沒猶被其賜展敬乞靈烏可已也敢為之銘銘曰

鬼神唯時伏義受圖人文權輿彝倫既攸五教既敷唐
文煥乎披昏抉塗藥民之愚有典有謨位非我娛萬民
其孥丹朱為疎陸水其都人蟲其居吁嚶都俞恩漸於
膚今其已夫祀焉忽諸遺祠路隅田婦耕夫或祝或巫
曰馬形車清風肅如神來有無清漳之墟歲孰一區神
游藐孤 明昌有道千載同符擊壤康衢走不知乎
今之世陶唐氏之民歟

明昌六年六月望建

觀臺張居仁刊

案金史地理志彰德軍節度明昌三年陞為府以軍

為名記在六年稱府與史相村又傳載趙秉文明昌

六年入為應奉翰林文字同知制誥亦與碑符文內

引傳曰惟天為大惟陶唐則之易堯為陶唐蓋以堯

為名臨文避之惟稱論語為傳尚書序正義凡書非

宇之尸而祝之以鼓舞斯民者亦天也是非所謂不亡
者耶嘗謂帝之德當世思之可也後世何自而思之賢
者知之可也野人何自而知之舊邦饗之可也佗邑何
自而饗之譬之說食必飽說穢必唾此亦人之情也有
人於此暴其人之孤識與不識必環視而怒匍匐而往
救之親與不親必相顧而歎親非在己而喜怒為用凡
所以為彼者為我而已且夫帝既外口身以先人亦所
以為天下後世是故教莫正於敘彝倫降二女以刑家
則志在和口口矣法莫公於傳神器捨其子以禪舜則
志在為蒼生矣德莫大於振大災治水以命禹則志在
利萬世矣功施於彼而利及於此恩加於當時而廟食
於後世生而不以黃屋為心沒而享崇軒之貴生而不
以彩椽為飾沒而都華構之安康衢古語也後世里歌
社舞簫鼓嘈雜有遺音者矣土銅土簋昔所御也後世
山肴野蔌薺薺苾苾芬有遺味者矣易曰咸感也夫咸至
於有心則不足以有感矣相之西六十里而遠有聚落
曰乞伏帝之祠在焉西挹太行北枕漳水古木森然上
闕漢晉居人張伯厚等易其棟棟之朽折者而新之治
其垣甃之毀缺者而復之廟成謁文於僕竊惟相古邑
也若殷王甲之居相文王之居美里皆有祠廟載在祀

經則謂之傳言及傳論語孝經正謂論語孝經是傳

也漢武帝謂東方朔云傳曰時然後言人不厭其言
又漢東平王劉雲與其大師策書云傳曰陳力就列
不能者止又成帝賜翟方進策書云傳曰高而不危
所以長守貴也是漢世通謂論語孝經為傳也以論
語孝經非先王之書是孔子所傳說故謂之傳所以
異於先王之書也据此記亦名論語為傳殆本於此

然唐宋以來如昌黎集燕喜亭記引傳曰知者樂水
仁者樂山新唐書魏徵傳引傳曰君使臣以禮臣事
君以忠劉貢父公是先生集序傳曰不知言無以知
人也亦沿是稱因跋此并及之

安陽縣志

碑云相之西六十里而遠有聚落曰乞伏帝之祠在
焉西挹太行北枕漳水古木森然上闕漢晉又云相
古邑也若殷三甲之居相文王之居美里皆有祠廟
載在祠典獨唐帝之祠義若無所出予按太平寰宇

記云永定縣本漢內黃縣地隋開皇十八年改為堯

城縣因堯所居之城為名唐末改為永定縣又云丹

朱墓在縣東一里堯之子也攷永定廢縣在今府城

東四十里宋省入安陽縣則其地祠堯實當以此丹

朱墓亦在府東南嚴都趙秉文不能遠考故以為義

無所出耳 中州金石記

太一靈湫詩

石橫廣二尺三分高一尺六寸共十三行行十字正書在西安府

太一靈湫

直疑仙掌捧龍津落葉無留愈覺神福地尙將魚鳥護
不思哀憫望雲人

右一

終南見說畜靈湫秋早虔誠徑一求石磴未容穿屐歷
夜窗喜聽聚簷流已便客枕消殘暑將見農家慶有秋
自愧書生無異報強搜佳句荅神休

右二

明昌六年中元日知先天觀事奉香火道士何元濟
立石

按太一靈湫在長安縣終南山漢書地理志太一
古文以爲終南五經要義曰太一一名終南山在
扶風武功縣初學記引福地記曰終南太一山左
右四十里內皆福地靈湫卽湫池宋敏求長安志
池上有澄源夫人湫廟今縣有顯應夫人廟當是
澄源夫人改封在終南山炭谷去縣八十里唐封
澄源夫人湫池尙在韓昌黎有題炭谷秋祠堂詩

卽此靈湫也相在長安六七月旱亦嘗遣官求之
取水往往有應此碑刻太一靈湫詩七絕一首七
律一首不著作者姓名玩詩意皆是爲靈湫禱雨
而作碑刻于明昌六年中元日不知是追刻前人
之作抑是當時禱雨有應之作詩稱自愧書生知
非守土之官亦非奉香火之道士也

靈巖寺記

碑高八尺四寸廣四尺五分十九行行四十八字隸書篆額在長清縣

十方靈巖寺記

翰林學士朝散大夫知制誥兼同修國史上護
軍馮翊郡開國侯食邑一千戶食實封壹伯戶賜紫

金魚袋党懷英撰并書篆

名山勝境天地所以儲靈蓄秀非福力淺薄者所能棲
止必待僊佛異人建大功德以爲眾生無量福田泰山
爲諸嶽之宗口峯巒拱揖谿麓回抱神秀之氣尤鐘於
西北而西北之勝莫勝於方山昔人相傳以爲希有如
來於此成道今靈巖是其處也後魏正光初有梵僧曰
灑定杖錫而至經營基構始建道場定之至也蓋有青
蛇前導兩虎負經四眾驚異檀施雲集於是空崖絕谷
化爲寶坊歷隨至宋土木丹繪之功日增月葺莊嚴爲

山中老宿皆能指其所而詳之此不復道也明昌七年
秋九月十有九日記

首座僧卽敏 書記僧普實 知藏僧蘊奧

知客僧宗徹 知閣僧廣仲 殿主僧宗堅

監寺僧灑敏 副寺僧普遷 維那僧悟實

典座僧普守 直歲僧志功 庫頭僧覺露

明昌七年十月十四日當山住持傳灑嗣祖沙門廣

琛立石 歷山賈德撰并刊

碑陰

題名二段第一一段詩及僧名共十行行十一字正書間雜古篆

遊靈巖留題

天下三巖自古傳靈巖的是梵王天羣峯環寺連叢柏
雙鶴盤空湧二泉此日登臨驚絕景當年經構仰良緣

停雲妙憶 寥休子好伴 眞游方公社白蓮禪師

丙辰冬至日蓬山劉惠淵識

監寺淨善維那淨悅典座正寧直歲善全住持清安

野叟提點行實都綱普謹命工刊

又一段題名

又五行行書

冠氏帥趙侯濟河帥劉侯率將佐來游好問與焉丙申
三月廿五日題

天下之冠四方禮謁委金帛以祈福者歲無慮千萬人
佛事口興而居者益眾分而爲院者凡卅有六趣嚮既
異遂生分別主僧求義律行孤介以接物應務爲勞力
辭寺事時開封僧行口方以圖覺密理講示後學眾共
推舉可以住持乃更命詳實來代義仍改甲乙以居十
方之眾實熙寧庚戌成也越三年癸丑仰天元公禪師
以雲門之宗始來唱道自是禪學興行叢林改觀是爲
靈巖初祖爾後灑席或虛則請名德以主之而不專口
宗暨今琛公禪師廿代矣其傳則臨際高也師至之日
屬山門虜起規奪寺田四垣之外皆爲魔境大衆不安
其居師爲道口猛卒以道力推伏羣魔山門之舊一旦
還復眾遂安焉師以書屬懷英曰吾寺之名著於諸方
舊矣緣希有至於定公則不口計其歲月緣定至於今
幾七百年中更衰叔歷朝刊紀斷泐磨滅蕩然無餘而
佛祖之因地建置之本來與夫禪律之改口口派之承
傳後來者鮮或知之念無以起信心鎮魔事雖然佛灑
堅固與虛空等而魔者如浮雲浮雲彈指變滅而虛空
無有口盡何憂乎魔事惟是著述銘勒佛事門中舊所
不廢子無以有爲譙我奮爲我一言余報之曰諾已乃
敘師之所欲言者書口遺之若夫山川光怪靈蹟示現

右碑額題十方靈巖寺記撰書篆額皆党懷英一人兼之碑陰兩段一題丙辰冬至日蓬山劉惠淵識丙辰當是蒙古憲宗時也一題冠氏帥趙侯濟河帥劉侯率將佐來游好問與焉丙申三月廿五日題遺山手蹟世不多見書字勁逸不失古法武虛谷云丙申為蒙古太宗之七年于時金亡三年矣趙侯者案遺山集冠氏趙侯先塋碑稱冠氏帥趙侯天賜字受之今為東平左副元帥兼分治大名府路同知兵馬都總管事宜授將軍千戶者即此題趙侯也遺山嘗答冠氏又與趙侯銘其先人宜其有此勝遊耳

山左金石志
按此碑党懷英撰文書篆一人兼之惜搨工每行失搨一字使文不全然存者皆完善也碑稱琛公之傳為臨際裔臨際即臨濟齊乘載濟陽大定六年避金王允濟諱改曰清陽允濟遇弑復舊此碑刻於明昌七年宜遵大定制為衛紹王諱也鐘於西北鐘即鐘通用字廣琛住持靈巖當明昌三年提刑司援他山例許民採伐由是琛公訴於部省才得地之十一二至五年走京師詣登聞鼓院陳詞蒙奏斷用阜昌天德所給文字為準盡付舊地周馳為記趙風書党懷英篆額碑立於明昌六年

明祝允明及寅像設寫
重修文宣王廟碑
碑連額高一丈七尺一寸廣六尺二十九行行七十四字隸書額題大金重修至聖文宣王廟之碑十二曲阜孔廟

大金重修 至聖文宣王廟碑
翰林學士朝散大夫知制誥兼同修國史上護軍馮翊郡開國侯食邑一千戶食實封壹伯戶賜紫金魚袋臣党懷英奉勅撰并書丹篆額

皇朝誕受 天命 累聖相繼乎遠舉宋合天下為一家 渙仁厚澤以福斯民粵自太祖暨于世宗撫養生息八十有餘年庶且富矣又將教化而粹美之 主上紹休 祖宗以潤色

洪業為矜 卽位以來 留神政機革其所當革與其所當興飭官厲俗建學養士詳刑濼議禮樂舉遺修舊新美百為期與萬方同歸文明之治以為興化致理必本於尊師重道於是 奠謁 先聖以身先之嘗謂侍臣曰昔者 夫子立教於洙泗之上有天下者所當取濼迺今遺祠久不加葺且其隘陋不足以稱聖師之居其有大作新之有司承 詔度材庀工計所當費為錢七萬六千四百餘千 詔竝賜之仍

越一年又立此碑蓋在復地事定之後碑故稱琛公以道力摧伏羣魔所謂羣魔者指侵地之輩其事起於提刑之許民採伐而其禍遂及於羣奸之侵地此是立碑要旨文故特書之

太平院石爐
爐高二尺五寸四面各廣一尺六分皆分上下截書上三面皆象一面刻年號二行行入字下四面各刻真言或五行或八行或九行每行二十二字至十四五字不等正書
佛母准提神咒
錄
熾盛光佛消災吉祥陀羅尼
錄
延壽真言
破地獄真言
文殊五髻真言
僧伽吒密語
滿願真言 不錄

昔明昌七年 月 日太平院沙門
按明藏經有準提慧業以六梵字為用與無量壽及觀世音大勢至所說不同蓋西方之教大勢至法王子與其同門攝念佛人歸于淨土至有五十

明唐寅所居相近來在修習其間故庵內有文徵
命選擇翰臣典領其役役取於軍匠備於民不責亟成而責以可久不期示修而期於有制凡為殿堂廊廡門亭齋廚慶舍合三百六十餘楹位教有次像設有儀表以傑周周以崇垣至于攝座欄楯簾橫累屨之屬隨所宜設莫不嚴具三分其役因舊以完葺者才居其一而增剏者倍之蓋經始於明昌二年之春踰年而土木基址成越明年而繫漆彩績成先是羣弟子及先儒像畫於兩廡既又以坦素易之又明年而眾功皆畢罔有遺制焉 上既加 恩闕里則又澤及嗣人以

其雖襲公爵而官職未稱與夫祭祀之儀不備持命自五十一代孫元措首階中議大夫職視四品兼世宰曲阜六年又以祭服祭樂為 賜遣使策祝并以崇成之意告之方役之興也有芝生於林域及尼山廟與孔氏家園凡九本典役者采圖以 聞且言瑞芝之生所以表 聖德之致廟成之日宜有刊紀敢請并書于石又廟有層閣以備度書願得 賜名揭諸其上以觀示四方 詔以奎文名之而 命臣懷英記其事臣魯人也杏壇舊宅猶能想見其處今幸以諸生備職藝苑其可飾固陋之弊掣楹計工謹諸歲月而已乎敢竊敘 上之所以褒崇之實備論而書之而後

四

洙泗祖述何人似孟韓竹簡不隨秦火冷楷林空倚

魯城寒飄零蹤跡千年後无分東家老一簞

又文劇詩六行行九字十

蕪蕪野草翳零壇回首尼山一凭欄空想文風復鄒

魯吾知俗學尙申韓虛堂晝寂禽聲雜高閣春深檜

影寒樂道獨憐紫陽子忘情軒冕羨飄簞

又劉詡詩六行行十二字十

乘閑杖策上郊壇絕勝登樓倚欄干古遺蹤思

孔孟百年雅集數楊韓泉通龍背波紋冷月照龍門

夜色寒此去關西有東魯柳塘沙路口壺單紫陽方有歸秦

之典故

又劉文等題記十行行十

朝列大夫山東東西道肅政廉訪副使劉文因理東

原等處郡邑獄囚路經曲阜率分司書吏徐介周瑞

奏差羅文郁從 嗣聖五十四代孫中議大夫襲封

衍聖公孔惠晦偕三氏子孫教授王不矜學錄實淳

德掌書任明善敬謁 林廟瞻仰奠拜禮成而還時

延祐歲次己未六月二十又五日也

又祭文二十行行十七字十六字十五字不等行書

大元延祐六年歲次己未六月乙酉朔越二十五日

為賜歷年如此其多非明昌一年立石明矣章宗

建號明昌只六年其第七年為章宗承安元年玩

文內所載至六年止則文為明昌六年所撰書遲

之兩年而後刻石承安二年者乃刻石之歲月也

書碑時党懷英歷官翰林學士碑與傳合至承安

二年則致仕矣衍聖公孔元措以承安二年二月

始兼縣令其修廟興工時尙是他姓權縣事故碑

陰題監修官曲阜縣主簿劉某權縣事也此數行

雖隸書與碑文筆法迥異非党書數行之外周刻

題記十五段內承安二年承安五年二段金人所

題其壬寅歲蕭元題王寅係元太宗崩後之次年

乙巳朝列大夫山東東西道肅政廉訪副使劉文謹

以清酌之奠敬致祭于

大成至聖文宣王

惟王爰出乎類自生而知德配乾坤道光日月總無

極於覆載破未悟以通明為古今師懷帝王器全集

大成之教決開榮進之源希用報章式陳明薦尚饗

充國公

惟公位崇亞聖名冠四科鼓瑟自洽樂道為任有攀

鱗附翼之志無施勞佚善之心禮祀大賢光隆永世

尚饗

鄒國公

惟公生稟淑質名推大才立王化之基治儒術之道

遵行仁義距放邪淫垂萬世之憲言宜諸生之禮祀

尚饗

按此碑党懷英奉勅撰書篆額其立石在承安二

年三月署于碑陰檢曲阜縣志金石卷中載此碑

云明昌二年立蓋由未見碑陰但見文內有明昌

二年字遂以為明昌二年立也据碑云經始於明

昌二年之春踰年而土木基構成越明年而繫漆

綵繪成又明年而眾功皆畢六年又以祭服祭樂

七月高詠題詩庚子是元太宗十二年此下皆題

詩不能定其年歲其末為延祐六年劉文等題又

有延祐六年祭文三篇以上各段皆年歲參錯今

依碑文隨錄不加詮次云

承安鏡文

鏡圓徑三寸

八分正書

承安四年上元日陝西東運司官造監造錄事任押提

控運使高押

按金史百官志都轉運司使掌稅賦錢穀倉庫出

納權衡度量之制其屬有同知副使都勾判官戶

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

鐘界十五區每區高廣俱一尺七寸五分字多寡不等正書在韓城縣

皇帝萬歲臣佐千秋風調雨順國泰民安

圓覺禪院受業僧

都會首傳大 戒沙門廣以下僧名及跡錄姓各俱不錄

前進支何孜 保義副尉口酒同口口口 忠武校尉口酒都口高口口 口信校尉行縣尉完顏口

衛事郎行主簿石嵩 口勇大將軍行同州韓城縣令納罕

平陽府襄陵縣郭 大鑑進義校尉許 男

許德 許全 許成 孫許一 許二 許三元

孫泰壽 伯壽 倚壽 念四 念六 高僧

大金承安四年四月一日畢

出韓城北郭不半里許有高原突起類視城中數千家如平沙列萬幕然曰圓覺禪院闕傑壯麗俗所謂北閣寺者是已山門東偏有亭架鐵鐘一口聲甚宏亮寺為金大定十三年重建鐘則鑄於承安四年土人云鐘自黃河浮來今按其款有官莊邯周村薛村少梁相里保芝川店諸地名皆屬韓城則闕邑率錢共鑄已有明証土人之言誤或云相傳鐘初成工戒以勿擊俟行數十里擊之工行二十里遠擊之由是

驪山有感

蒼苔逕滑明珠殿落葉林荒羯鼓樓渭水都來細如綫若為流得許多愁

詩之興也久矣其源本出於國風之什濫觴於漢魏派演於六朝下逮唐宋汪洋大肆靡所不至大率以鍊格鍊意鍊句鍊字為法而能少相兼自各名家而已必求其粹然可稱道者亦不多得焉嗚呼詩道之難也如此 按察相公人品高秀天性奇穎始以儒業自舉一游場屋芥拾甲科已而事與願違投筆就宦然游戲翰墨之間初未廢其寸陰大篇短什率皆出前入用心不到處士子仰之如泰山北斗向提憲關中嘗有題華清宮三絕句遠近傳誦不啻膾炙方以不多見為恨頃因再遊復留一絕格愈老意愈新句愈健字愈工恬然備四鍊體自非深於文章者其孰能與於此友人賀吉甫已作傳遠計迺命遠東孫吉之書諸石九嶷徐從周刻其字晉陽舊部吏聞而喜之復識歲月于後云承安屬維協洽書雲後七日謹跋

移刺即耶律金史有移刺履元好問集作耶律履是其証商挺增修華清宮記有大傳移刺公疑即其人

芝川以南不聞鐘聲此又因括地志所言嘉興德藏寺鐘而傳會者也至縣尉完顏某主簿石嵩縣令納罕可據以補志乘職官之缺古石琅玕

按圓覺禪院今名圓覺寺在韓城縣北門外唐建高爽宏麗為一邑勝槩宋咸平元年重修王欽若書額至金時又有修建鑄鐘之事款題皇帝萬歲臣佐千秋是向來寺觀碑識多如此此獨增風調雨順國泰民安八字近代各處寺觀梁柱鐘鼎率題此八字蓋昉于此矣此鐘周刻僧名及助緣男女姓名二百餘人今俱不錄內如北流水慶善坊水碓社官莊社周村董村相里保趙村王村馬村庚村北薛村芝川店容義坊北里村東少良紅神底落村張莊顏家莊西王莊論公村皆村古地名可資志乘家考證者不僅如古石琅玕所云也餘如稱謂之異者有魚吳驢馬小官人姚大行者因學究張教書皆足供談資又有書于氏者二人本當即錢字俗書省文已見於此併識之

驪山詩刻 石橫廣二尺七寸二分高一尺八寸連跋共二十三行行八字十七字不等正書在臨潼縣陝西路按察使移刺霖


後有跋自署晉陽舊部吏而無姓名關中金

按此詩不見於中州集陝西通志藝文卷載此詩題下注云二首選一則是此題有詩二首矣據此碑詩後跋語但云頃因再遊復留一絕是原只一首不知通志所不選者又何詩也此跋又云提憲關中嘗有題華清宮三絕句通志亦不錄跋後紀歲月云承安屬維協洽書雲後七日蓋承安四年已未歲冬至後七日也

金石萃編卷一百五十七終

四

九



金石萃編卷一百五十八

賜進士出身 誥授光祿大夫刑部右侍郎加七級王昶讓

金五

緞德州新學記

碑連額高一丈一尺二寸廣四尺二十四行每行下缺大約六十四字正書篆額在緞德州

新修州學之記

秦并天下以赤翟故地十五縣為上郡即今綏德是也漢初入於匈奴唐逼於土蕃五季領於李仁福蓋其民不沐中國涵養之德為日久矣且求闕以得名者亦以夷夏錯居止欲撫綏安輯之而已至於教化遠暇及哉

國朝之興今殆百年民漸知化然以刑據形勝襟帶關隴控制靈夏實為用武之地又蒞政者率多武人故學者比內地為少襄承安四年東原闕下名進士為軍事判官繼而亭社秦君守正復以通儒來守相與講

先聖先師而廟居州之西北夾城地汚下廣不盈畝庭序像設不具惻然以為陋謀徙而大之明年得地於州之東南極亢莫遂營新宮宮闕下夫子於陳蔡者像之登於堂餘六十二子續於兩廡簠簋登壘樽坩俎春秋祀事凡所以用之者如禮即其宮為學室筵齋講庖

口廩庫闕所以資之者無不備鑿宮前土山闢其扉以

臨通達方其營宮也凡業學以吏者約割月奉餘亦率

私錢以助幾百萬市材徵工神棲闕下尚書工部為

郎中高獨典其事自夏及秋六月而工畢由是境內及

旁郡來學者眾迺書走東垣請子為記子以謂王者

之治教化闕本闕也古者國家黨遂之間有學有序有

庠有塾所以涵養其民為至詩書六藝射鄉食饗以習

耳目以易心志以充其四體而變其風俗闕下腹之愆日

用而不去間阻其材以為天下用其或不率然後東之

以法令威之以刑罰其治本末如此故天下之勢安危

治亂每視其闕下吏受其民而牧之者當奉教化宣之於

民至於簿書期會刑罰法令一二胥史職耳然非知治

之審則亦未嘗不本末倒置蜀舊不知闕下管柳俗卉裳

子厚不鄙其民動以禮法為新廟學亦自矜奮噫當文

公子厚之時循吏為多至使天子之教化遠被夷貊獨

善二子者闕下而能推其本也今秦高於蒞治之始建學

校作士氣以奉 天子教化為己任使其民知中

國涵養之德釋然以慰秦漢唐五季之不幸其功豈下

蜀與柳耶可謂知本而得為 天子之吏之體矣

大金泰和改元歲次辛酉春正月上澣日記

忠翊校尉綏德州司候劉完提控監修 儒生張蕭 同口

從仕郎知法馬世安 監修命王亮

文林郎知臨洮府康樂寨事賜緋魚袋劉

徵仕郎保安州軍事判官慕容

登仕郎綏德州義合寨主簿鄒

儒林郎守平陽府霍邑縣令賜緋魚袋李

承事郎綏德州軍事判官高

鎮國上將軍同知綏德州軍州事護軍廣平郡開國

侯食邑一千戶食實封

奉訓大夫綏德州刺史兼知軍事上騎都尉天水縣

開國子食邑五百戶

碑後有綏德州義合寨主簿鄒口知臨洮府康樂寨

事劉完金史地理志云綏德州有義合寨置第二將

臨洮府有康樂縣康樂當是先為寨後升為縣也又

有知軍州事天水縣子同知軍州事廣平郡侯兩衙

文中稱秦君守正以通儒來守高君口口以名進士

為軍判官當即兩人姓名

關中金石記

按碑云秦并天下以赤翟故地十五縣為上郡今

綏德是也翟即狄通用字左傳晉侯以樂之半賜

魏絳曰子教寡人和諸戎狄以正諸華國語不窟

失官自竄于戎翟此狄翟通用之證也狄有赤白

二種春秋宣公八年晉帥白狄伐秦此白狄也宣

公三年秋赤狄侵齊此赤狄也史記秦本紀惠文

王十年魏納上郡十五縣此即碑所云十五縣為

上郡也地理通釋上郡今麟延丹坊鄜銀夏綏德

保安之地皆是也又史記趙世家趙惠文王三年

滅中山遷其王于膚施膚施在上郡即十五縣之

一也又匈奴傳武王放逐戎夷涇洛之北名曰荒

服晉文公攘戎翟居於西河閭洛之間元和郡縣

志綏州春秋白狄所居戰國屬魏為上郡鄭氏通

志白翟及秦同州今鄜坊綏延皆古白翟地緣此

數說皆謂白翟未有謂赤翟者此碑云赤翟故地

恐是紀載之訛也陝西通志學校卷云綏德州學

舊在州城西北金承安四年刺史秦守正移州治

東嵯峨山南一百步秦和元年增修有記即謂此

碑也據碑則秦守正以承安四年來守是州明年

建學自西北移於東南是為承安五年自夏及秋

六月工畢明年秦和改元撰文立石蓋自移建至

立碑首尾三年而通志乃云秦和元年增修誤也

嵯峨山漢書地理志左馮翊池陽縣嵯峨山在北

師古曰嵯嶭即今俗所呼嵯峨山是也按嵯峨山

疑與此嵯峨山名同地異此山即疏屬山一名雕

陰山在州城內山海經貳負之臣曰危與貳負殺

窳窳帝乃枯之疏屬之山元和郡縣志龍泉縣有

疏屬山亦名雕陰山龍泉縣即膚施縣地唐天寶

初更名隋大業中廢綏州置雕陰郡蓋因山得名

也然以碑文按之山不甚高文云鑿宮前土山闕

其扉以臨通道其大勢可知矣年月後刻銜惟劉

完張嘉馬世安王亮署名餘皆有姓無名又碑之

一例也

泰寧宮鐘款

款二一橫廣二尺五寸三分高二尺十二行行十字

至十三字不等一止書年月五行行三字正書在謂

維大金泰和陸年歲次丙寅上元日

竊以將崇 至道敢忘神宇之修欲振

真風須

假鯨音之作故鳩哲匠用鑄鴻鐘磨金索以高懸建寶

樓而迭擊庶使群迷聞至音而開覺抑令滯魄仗餘韻

以超昇伏願集此善緣仰增 聖筭時和歲稔國

泰民安普暨一切有情莫不均蒙福利

昔泰和丙寅歲癸未月丁酉日記

三原縣后土廟記

碑連額高一丈廣三尺五寸二十二行行六十四

字正書額題重修后土廟記篆書在三原縣

耀州三原縣荆山神泉谷后土廟記

懷城鄉貢進士王希哲撰

美田鄉貢進士劉光書并篆額

竊原混沌既判陰陽遂分穹窿而在上者謂之天盤礴

而居下者謂之地天氣資始而不能資生能資生者莫

大於地地勢坤坤至柔以和順奉天卒能生成於物易

曰至哉坤元萬物資生乃承順天坤厚載物德合無疆

此贊美坤之為用也伊六合之外迺無端倪難以形誌

置而勿論姑以禹治九州之限論之取人易信內有嵩

泰衡華恒五嶽互列江河淮濟四瀆旁流上中下三壤

有叙山林川澤丘陵墳衍原隰五土各殊此上所產之

物並有所宜皆坤輿所載而隸主之可見祖萬物子百

靈長養無極含宏有餘者矣略陳人所賴者稼穡人之

食桑麻人之衣棟宇取材於山林器用運土於堦墀珍

藏有金玉珠璣異貨有羽毛齒革以至疾病有請禱之

法出入有所向之方靜而思之人生一世未有須臾不

資於地者故物理論稱其德曰母神曰祇亦曰媪大而

名之曰黃地祇小而名之曰神州亦曰后土黃地祇舉八極之外地神州舉王畿千里之內地所在皆得言之凡立祠廟尤所宜矣若夫三原迺漢池陽之舊境也縣之東有后土廟在神泉鄉今名龍泉鄉出郭門直行十餘里至大王村右轉北向入浮山或去釋典所載取象西方佛國牌浮羅原與此無異可不倖歎又名荆山禹貢所載導岍及岐至于荆山疏云在馮翊懷德縣南是也其實一山而兩呼之谷行不遠已達于廟清流遶徑溉數頃以常收古木凌空歷四時而俱好三門三間十二架過樂臺正殿曰坤柔五間三十架獻殿并撲水八間二十架仰瞻神像以婦道配天繪塑冠服一如帝后之狀側有五嶽殿三間十五架兩廊靈官堂禁神位子孫司客廡通計二十五間七十架次東北隅翼然有亭三間十二架以上屋宇皆山節藻稅由盡其妙亭下有湫周圍與亭頗等水色澄湛深不可測餘水出于正南凡遇歲旱至誠祈禱即日雨作生民蒙潤多矣三輔間聞往往取水于茲登高四望東連唐高祖憲陵西接武宗端陵二陵相照屹然而起為廟之肘腋也南對長川瞰渭陽之春樹北依大阜背漆水之驚波為廟之襟帶也谷中地勢或掩或抱或高或低奇詭不一難於

具陳據此形勝寔耀下之為取也每當季春中休前二日張樂祀神遠近之人不期而會居街坊者傾市而來處田里者捨農而至肩摩踵接塞于廟下不知是報神休而專奉香火是縱已欲而徒為佚遊何致民如此之繁夥哉粵有里人梁再興梁勝梁玘昆仲等嘗記遠祖創始之日誠心所感致有祥雲瑞霧垂覆于地地係已業即於其地南北取五十步東西二十五步不受鄉人助緣獨力修成人稱為梁家廟至今古老猶語其事祖父梁棟於宋慶曆四年重修父梁再成於紹興十年歲修欽遇 聖朝太平日久梁氏昆仲於大定二十五年明昌元年承安五年泰和元年四次添改修建至於完備一斯無缺克遵先訓止辦家財亦不假鄉社一毫之助難乎其人矣故世世相承居處廟之右出入廟之下永為廟主噫羽廟成功非是一朝之夕勒碑頌德庶傳千載之名戒尔子孫敬啟無替先蒙求記僕謂池陽多才俊善屬文老夫憐憤不能為也其請盜堅謾索枯腸而書其大槩云耳時泰和五年乙丑歲季春上休日謹記

六年丙寅三月壬午朔十八日己亥主廟梁再興 梁玘 姪梁進等同立石 懷城楊瑞刊

按此碑題云耀州三原縣三原縣自五代迄明初皆屬耀州宏治三年改屬西安府至今因之碑云三原迺漢池陽之舊境漢書地理志池陽惠帝四年置屬左馮翊自北魏太平眞君七年改名三原相沿至今中間唐武德四年嘗更名池陽六年改華池貞觀七年復名三原元和郡縣志三原者以其地西有孟侯原南有豐原北有白鹿原也碑云后土廟在神泉鄉今名龍泉鄉陝西通志后土廟本名秦寧宮在三原縣東北四十里唐村廟神泉谷中神泉一名白馬泉又曰白龍泉其泉澄泓早禱即應碑云出郭門直行十餘里至大王村右轉北向入浮山又名荆山禹貢所載導岍及岐至于荆山疏云在馮翊懷德縣南是也其實一山而兩呼之三原縣志浮山在縣北二十里孟侯原西富平縣志荆山在縣西南十里元和郡縣志荆山在富平縣西南二十五里禹貢導岍及岐至于荆山孔傳荆山在岐山東漢書地理志寶德縣與同禹貢北條荆山在南懷德縣者即富平縣地漢書地理志不著建置之年屬左馮翊後漢省入頻陽晉即其城置富平縣自是不改以臆度之富平之西南

與三原之東北接壤山在富平謂之荆山入三原境則謂之浮山也碑云登高四望東連唐高祖憲陵西接武宗端陵唐書本紀高祖葬獻陵碑作憲陵與史互異據陝西通志高祖獻陵在三原縣東北四十三里龍池鄉唐朱村武宗端陵在三原縣東北三十里神泉鄉騰張村碑載二陵雖有東西之別其實同在縣東北不過遠近相去十三里耳

真清觀牒
石高七尺一寸五分廣三尺八寸八分兩截書上截牒大小字共十二行行字多至廿九字止下截田契三十五行行字二十一正書

尚書禮部
據登州樓霞縣第一都太虛觀丘處機狀告同懷州修武縣劉志敏狀告伏為懷州修武縣七賢鄉馬坊村有道庵一所自來別無名額於東平府納米請買到日字

号空名觀額一道乞書填為真清觀者
牒奉

勅可特賜真清觀牒至准
勅故牒

大安元年五月 日令史王貝主事翟昌言 奉直大夫翰林修撰同知制誥權員外郎趙

朝請大夫禮部員外郎納蘭

中憲大夫禮部郎中兼國子監丞王

翰林學士承旨中奉大夫知制誥兼禮部侍郎同修

國史提點司提口士張

皇弟開府儀同三司判禮部尚書韓王

本觀置買地土文契

出賣地業人修武縣七賢鄉馬坊村稅戶馬愈男

馬用同弟馬和自立契將本戶下口口地二段共計

式畝叁厘立契賣與全真門弟子王太和王崇德為

永業修蓋全真道庵準得價銀壹拾陸貫文各七口

九伯並把即日見定交割謹具開坐如後

一出賣村南竹園地一段南北呼東長式拾陸步伍

分西長式拾陸步伍分南闊壹拾陸步北闊壹拾步

并次東一段東長式拾陸步西長式拾捌步半南闊

壹拾步北無步東至大河西自南至北自北自至並

拋名業主對目商議定所有地內差稅物力實承照

依通檢去馬愈戶下貯脚 供輸所拋地內竹竿樹

木不係賣數

天雨水透流車牛出入一依仍舊通行

右件前項出賣地土賣與全真門弟子等為永業並

大安二年四月三十日未時老爺威化趙門白氏捨地

建廟

按此不知為何神之廟然云老爺威化則必為山神土地

之祠非仙佛廟也豈堪頑婦自昔已然存此以見陋俗之緣起

貞祐寶券

券高一尺五寸廣一尺二分作三層書第一層貞祐

寶券四字與券首伍字俱橫寫第二層五行中

三行行六字正書旁兩行各五

字篆書下層十行行十五字

貞祐 字料

祜 伍貫八十足陌

出賣 字號

券

京兆府合同

准 行寶券並同見錢行 不限年

月 京兆平涼府官庫 券

寶庫 押 專副 攢司 押

偽造者斬賞寶券參伯賈仍給犯

貞祐 年 月 日 庫庫 攢司 押

不是畏私卑幼口交亦不是債欠準折並無諸般違

礙又加立契日一色見承交領並口別無懸欠恐人

無信故立此文為憑

大定二十八年十二月自立契出賣地人馬用押

同立契人馬和 押

引領人部下王守鈔 押

寫契人本村王瑩 押

稅說價銀壹拾陸貫文 廿三日

按此牒為大安元年所賜與前大定二三四等年

勅者微有不同前牒或由本路轉運司或由戶部

差委發賣所此牒則但由尚書禮部據某縣某人

狀告而已前牒皆著錢數此牒則云東平府納米

亦不言米數前牒無字號此牒則有日字號餘式

並與前同牒後載本觀置買地土文契所列各條

與今人文契體例相仿契中年月後一曰立契出

賣地人即今之賣主也一曰同立契人即今之賣

主親族也一曰引領人即今之中人也一曰寫契

人即今之代書也自大安至今越六百餘年而買

賣地土之格大致相符可知凡事皆有緣起亦匪

心世務者所宜知也

寶券庫使押 副 判官

庫使押 副押 判官

尚書戶部尚書官 押

平涼府合同

右貞祐寶券予辨其文一云平涼府合同一云京兆

府合同按金史食貨志金海陵遷都置交鈔與錢並

用宣宗貞祐二年五月權西安軍節度使烏林達與

言關陝軍多供億不足所仰交鈔則取於京師徒成

煩費乞降板就造便七月改交鈔名曰貞祐寶券又

百官志設交鈔庫於上京西京北京東平大名益都

蔚威平真定河間平陽太原京兆平涼廣寧等府瑞

平清通順薊等州三年罷之此券有不限年月許於

京兆平涼府庫倒換語知為京兆平涼所刻板也

堂金石 文跋尾

楊振碑 碑高七尺四寸廣三尺八寸七分二

十七行行五十五字正書在蔚州

前進士河東元好問撰 前進士武功口口書丹 前進士華陰口口篆額 口諱振字純夫一字德威姓楊氏唐鄴國十九世孫鄒

農郡華陰人推而上之東漢楊震亦宏農華陰人則振之世居華陰不因唐之賜地關中金石記誤矣自鄴國公以下唐書無傳僅見宰相世系表至五世而止此碑叙振事實大都習吏事而喜讀書者中及泰和律金史刑志永安四年覆定令文泰和元年所修律成凡三十卷名曰泰和律義振大意謂聖人立法從順人情今法合紛紛不已安得不亂又論學古文無獨與同輩較優劣能似古人乃古文爾又論學詩當從毛詩讀亦須讀杜工部詩又言嘗夜聞里中兒為父作黃蠶召諸子告曰某家作佛事人謂之有孝心我視之殆兒戲耳後日我不諱慎毋為此云云觀此可想見其為人矣

濟州李演碑

碑連額高一丈六寸廣三尺九寸二十二行行六十字正書額題大金故贈中順大夫濟州刺史李公碑

大金故應奉翰林文字贈濟州刺史李公碑銘并序

朝列大夫口王府文學兼記室參軍騎都尉賜紫金魚袋臣崔禧奉 勅撰

翰林直學士口議大夫知 制誥輕車都尉天水郡開國伯食邑口百戶賜紫金魚袋臣趙秉文奉 勅

問曰然虜喜事之說曰大官可得也公曰我進士第一人重有祿位汝何禽畜吾豈為汝使哉賊忿擊其脛碎之終不屈繼中以刃至死猶罵云嗚呼諒哉是豈仁者之真勇與已而虜退 朝廷遣使宣撫山東廉得其實奏請加贈 上意矜恤隨以濟州刺史之章仍令勒碑致祭淵乎 聖慮其知所先務矣惟平亂定難在曉人以逆順之理而起其忠義之氣賞典首及死節之士其於驅策將士深得口鼓舞之術也臣禧承 命拜手為之銘曰

君子所守 惟義之為 威武不屈 死生不移

世教舉此 以為常理 此而不知 安足為士

英英李公 初以文稱 循常謹甚 衆未謂能

孰知其中 慨有事在 志吞萬兵 氣蓋四海

胡鶴雖鷲 甚翫而輕 竊鉄雖潛 視之猶生

高節終完 素心不愧 聖主知賞 忠魂尤慰

鉅野茫茫 黃流湯湯 樹碑其側 名與之長

峇貞祐四年歲次丙子八月一日昭信校尉濟州倉

草場都監權司候李木魯監修

奉國上將軍濟州刺史兼知軍事提舉河防常平倉事廣平郡食邑 戶獲軍統石烈立石

書

尚書省令史承直郎雲騎尉賜緋魚袋臣潘希孟奉 勅篆額

勇而易發此強悍者之喜為也然臨難畏死者有之柔而不武此仁賢者之常行也然見義捐生者有之蓋人之忠節皆緣心理取舍之口口在處辭氣之強與柔也平居之時從容自許至於行義之美孰不有是言哉負勢而直往肆忿而輕死真信勇也倉卒之變感亂口撓保身毀節向之剛猛皆虛氣所使安足恃哉其有天資純固涵養正理煦然常有温粹之容低首歛氣退然似不足者不幸而與禍會則明誠審決義不內顧雖狂鋒虐欲樂口口就是豈前弱後勇哉惟其所畜之深有激則奮必將絕世驚俗凜然為死下之英烈是可重也然則節義者士之所素學以為名教大法豈若世間淺淺口口苟合偷生者耶其為有國家者之旌賞也宜矣粵貞祐之初兵久不解虜騎南下攻圍係戮肆毒侵淫二年正月至於濟郡人李演以前應奉翰林文字口口屈此因之口口者為備禦三日虜不能得併召其黨大集口口城下勢不敵城陷公被執彼固疑其衣冠也曰若非李應奉乎蓋虜中素聞其名意欲得而使之也口承

案金史本傳李演字巨川任城人泰和六年進士第一官應奉翰林文字丁憂里居值元兵圍任城墨衰

守禦不屈死年三十餘特詔有司為立碑今題銜撰書篆額皆云奉敕者此也後列銜字木魯統石烈二

人氏而不名其云濟州倉草場都監案百官志草場使防刺仍舊置都監一員濟州中刺史也草場設都

監與史合而以倉并于草場則史未載也山左金

按李演以泰和六年舉進士第一至是殉難而死

首尾相去僅八年卒後二十年而金亡則當衰亂

之秋而猶能不沒其忠贈官銘墓可見朝廷之紀

綱固猶未盡壞已字木魯統石烈皆金國部落之

名碑立于貞祐四年所紀乃二年正月元兵圍濟

州之事金史宣宗紀貞祐二年正月但載大元兵

徇彰德府益都府懷州而不及濟州金貞祐二年

於元為太祖九年元史太祖紀九年不書正月事

而於八年書是秋帝與皇子拖雷為中軍取雄霸

莫安河間滄景獻深祁蠡冀恩濮開滑博濟泰安

濟南濱棣益都淄濰登萊沂等郡據此碑則濟州

之陷在二年正月既與元史異且陷而復退仍受

金人宣撫又元史所畧也元史地理志濟甯路至

金故少中大夫御史程君墓碑

河東元好問撰

東勝李徵書

樂城李治題額

君諱震字威卿先世居洛陽元魏遇兩河豪右實雲中
二州遂為東勝人曾大父獲慶大父總質直尚氣鄉人
有訟多就決之至於婚嫁喪葬不能給者亦借力焉父
德元自少日用俠聞嘗與羣從分財多所推讓州里稱
之後以君貴封少中大夫雷內翰淵述世德之舊備矣
少中子七人長曰鼎臣孝友仁讓閭門肅睦有古君子
之風以六赴廷試賜第調濮州司候判官次曰雷由武
弁起身官懷遠大將軍行軍副統君其第三子也資嚴
毅雖所親不敢以非禮犯之切日夢人呼為御史故每
以諫輔自期 章宗明昌二年經童出身補將仕
佐郎泰和中年及注授臨洮府司獄忻州司候判官以
口幹西南路招討司奏辟提控沿邊營城糧草等擢王
綱榜詞賦進士乙科換優師主簿 宣宗幸汴梁
入為尚書省令史時相知其可用不半歲特授南京警
巡副使秩滿例為廣盈倉監支納官典定初辟舉法行
用薦者除陳畱令將之官白府尹言縣務不治令自任

其責丞簿佐史輩無預焉幸無擾之使令得盡力尹諾
之既到官事無大小率自負荷次官奉行而已時秋大
早冬十月乃雨歸德行樞密院發民牛運糧徐邳君為
使者言吾麥乘雨將入種牛役與則無來歲矣使者怒
能寬十日程耶民事果集雖乏軍與吾不解也使者怒
而去君力畢農種糧運亦如期而辦行院仍奏君要譽
小民不以軍食為急 朝廷不罪也既受代大司農奏
課為天下第一御史臺察能吏亦為奏首且言可克臺
諫京東摠帥府奏辟經歷官不許乃拜監察御史君蒞
職慨然有理輸之志即劾奏平章政事荆王以 陛
下之子任天下之重不敝上贊君父同濟艱難顧乃專
恃權勢滅棄典禮開納賂妄進退官吏從吏奴隸侵
漁細民名為和而其實奪取諸所不法不可一二數
陛下不能正家而欲正天下難矣書奏 宣諭御史
臺程震敢言如此侘御史不當如是耶且有 旨切責
荆王出內府銀償物直敕司馬杖大奴而不法者數人
於是權貴皆為之斂手東方頻歲饑饉盜賊蠭起特
旨以君攝治書侍御史兼戶部員外郎連京師糧八萬
碩賑徐邳君經畫饒道十里一置驛羅弓力以防寇斂
具斧斤以完器用備醫藥以起病疾勸助藉以通畱滯

輦運相仍如出衽席之上饑民踵來凡所以為貸為糶
為賑贍計度肥瘠無一失其當州民請於京東帥司願
畱我程御史以福殘民帥司奏君為行部官 詔再往
徐邳荆王積不平密遣諸奴誘姦民徐璋造飛語訟君
於臺諸相不為奏而王獨奏之 宣宗頗直君欲
勿問王執奏再三乃從之時 太子領樞密院事遣醫
藥官王子玉諭 旨推問官程御史為縣治行第一監
察又稱職有罪無罪勿為畱難已而璋伏誣告君當還
臺在律官人與部民對訟無罪猶解職王諷天理寺御
史言天下事在所皆部民竟用是罷官君泰然自處都
無已仕之愠聚書深讀蓋將終身焉天不假年以正大
元年三月二十有一日春秋四十有四終於京師嘉善
里之私第積官少中大夫夫人史氏封安定郡君先君
歿子一人思溫舉進士四弟皆補君歷顯監西水場晉
監橫州稅務恒監緱氏酒務升 宣授招撫使以是季
十月二十有七日舉君之柩附於金昌府芝田縣官莊
里少中君之新塋禮也嗚呼生才為難盡其才重為難
使君得時行道坐於廟堂分別賢否其功烈可量也哉
方行萬里而車折其軸有才無命古人所共歎雖然地
遠而位卑身微而言輕乃以一御史犯強王之怒卒使

權資落膽縉紳增氣雖不遇而去信眉高談亦可以無
媿天下矣尙何恨耶乃為之銘曰
曲士賣直見豺而慄鄙夫媿媿與鳧同波犯父子之至
難孰絞訐而上劇橫潰我障剛瘳我詞鍊心成補天之
石奮筆為却日之戈古有之和臣不忠忠臣不和彼容
容者之所得奚後福之能多有山維嶽有水維河程君
之名永世不磨
中統四年歲次癸亥秋七月己卯朔弟恒建
太原高簡刊
童鉅按程氏塋在今緱氏縣程家村東據元好問墓
表稱太中大夫而舊府縣志俱以為少中大夫似誤
縣志
傳按程震金史有傳皆約取遺山此碑中有少異者
傳言與其兄鼎俱擢第碑云少中子七人長曰鼎臣
較史稱單名者不符碑下刻震兄內有雷亦一字單
名而長獨雙名莫知其義也或臣字當作以字以字
連下讀字形涉似勒石者誤耳傳載劾荆王語今舉
碑文後言未幾坐為故吏所訟質之此碑乃部民徐
璋造飛語非故吏也史文欲約其事而義反不著皆
此類也碑言芝田縣官莊里今官莊在緱氏鎮東南

十餘里又碑前題兩程夫子之後安庸人附會誤鐫耳碑中統四年立金石攷乃謂至大七年若未觀此碑者皆疎舛之甚也又董氏據遺山集云太中大夫當由未見石搨今碑正言少中大夫足徵舊府縣志非誤而遺山集傳刻者誤也石遺文

按此碑為元遺山撰檢遺山文集校之有不同者質直尚氣集下有節字後以君貴集以作用封少中大夫集作太中凡碑言少中集俱作太中少中子七八集作八人長曰鼎臣集無臣字孝友仁讓集作孝弟調濮州司候判官集無判官二字官懷遠大將軍行軍副統集無行軍副統四字以口幹泐一字集作廉幹西南路招討司集作為西京招討司則無來歲矣集作則無來歲計矣而欲正天下集無欲字程震敢言如此集作程某償物直集償上有使字杖大奴而不法者數人集而作尤震傳判王計度肥瘠集作忖度京東帥司集作帥傳俱同府下文為行部官集作行為部官詔再往徐邳集作徐宿邳時太子領樞密院事集作哀宗時在春宮四弟皆補君廕以下二十九字集皆無以是年十月二十有七日集作以某年月日官莊里集作

長子名鼎臣遺山集又無臣字武虛谷遂疑臣當作呂字形相近而譌然碑下文即云以六赴廷試賜第此句不當用以字與下文復且文義亦不合虛谷之說未確也震以明昌二年經童出身金史選舉志經童之制凡士庶子年十三以下能通二大經三小經又通論語諸子及五千字以上府試十五題通十三以上會試每場十五題主場共通四十一以上為中選據碑震以正大元年卒年四十四推其生在大定二十一年至明昌二年才十一也碑云西南路招討司集作西京路金史百官志招討司有三處西北路西南路東北路則集作西京者誤也宣宗幸汴梁乃貞祐二年事碑云與定初辟舉法行用薦者除陳畱令金史選舉志與定元年令隨朝七品外路六品以上職事官舉正七品以下職事官年未六十不犯賊堪任使者一人三年定辟舉縣令制稱職則元舉官減一資三品以上舉縣令稱職者仍量升除五年以舉官多濫罷辟舉縣令之制据此則震之被舉在五年以前矣劾奏平章政事荆王金史列傳荆王守純本名盤都宣宗第二子貞祐元年封濮王三

某里生才為難集作實難銘詞剛痺我詞集作我阿有山維嶽集作維嵩蓋撰文與鐫碑定集皆不同時宜乎文有小異也程氏墓碑見于偃師金石遺文者有三一即此碑一為程思廉碑思廉者震弟恒之子也一為程思茂碑思茂者震之叔德懋之孫也思茂碑為元翰林直學士尚野撰載程氏世系規置遷葬事極詳凡此碑所稱少中思茂碑皆作太中內有云贈太中大夫震可知震官止于少中不知何年贈太中故思茂碑稱震之父仍為少中稱震皆為太中遺山集或亦因此改之也思茂碑叙先世云居洛陽上程聚西晉侍中咸封上程侯元魏遷兩河豪右實雲中三州始居豐徙振武凡四遷為東勝人較此碑更詳可以廣所未備碑云雷內翰淵述世德之舊備矣雷淵金史有傳字希顏一字季默應州渾源人官至翰林修撰碑稱少中子七人長曰鼎臣次曰雷三即震末云四弟願晉恒升遺山集作八人而不載震之四弟無從考定據思茂碑載少中第四子願第五子晉第六子惠第七子恒第八子升是集作八子者不誤碑所以作七子者始惠已早卒也七子皆單名獨

年為樞密使四年拜平章政事與定三年三月進封英王時監察御史程震言其不法宣宗切責杖司馬及大奴尤不法者數人哀宗即位正大元年正月進封荆王蓋震劾奏之時守純封英王而文稱荆王者從其後封也徐璋造飛語事荆王傳不書從略也震以正大元年十月葬遺山撰文宜即在此時若待立碑之時為中統四年則遺山卒後七年矣遺山生卒本傳及墓銘俱不詳惟王鶚撰遺山文集後引云余與子同庚甲考元史王鶚傳稱至元十年卒年八十四推其生在金昌宗明昌元年庚戌歲金史元好問傳稱好問卒年六十八與鶚同庚甲則亦生於明昌庚戌由庚戌下推六十八年為元大朝丁巳歲以此知遺山撰此碑不在中統四年也立碑者震之弟恒署名而不署其官据思廉碑稱恒官宣授沿邊監推規運使下思茂碑載程氏先世居洛陽後遷東勝從伯父太中震調官偃師始復先世居青龍甲午天下甫定奔走先塋陵谷變遷尋訪百至偶自民井怵見一穴持火下視棺志宛然贈少中大夫輕車都尉安定郡伯德元也旁近隱然二封鑿之乃儒林郎濮州

司候判官贈驍騎尉安定縣男鼎監察御史攝治書侍御史戶部員外郎贈太中大夫加二輕車都尉進封安定郡開國伯邑 賜紫金魚袋震也然則震與兄鼎同耐父瑩而爵邑皆此碑所略碑云耐葬金昌府芝田縣官杜里金昌府者即河南府與定元年所更芝田縣為宋之永安縣乃析鞏縣地置者金貞元元年更名入元乃廢今官莊里在緱氏鎮緱氏鎮舊為緱氏縣宋時省入偃師故今偃師縣志載此碑遺山仕金終於翰林知制誥金不仕故其所作雖刻于元例得錄入于金後楊奐碑仿此

京兆府學教養碑

碑高六尺二分廣三尺四寸三分二十五行四十八字正書篆額在西安府學

大金重修府學教養之碑

奉天楊煥書

徵事郎張邦彥篆額

蓋聞擾攘之後必有惟新之圖憂患之餘必有增益之智不然安得勳高前古措世隆平者哉 我國家應天順民雖馬上得天下然 列聖繼承一道相授以開設學校為急務以愛養人材為家法以策論詞賦經

堵立齋廊廊廡煥然一新濟濟乎洋洋乎聚異而講焉易以經之禮以緯之詩書以成之春秋以斷之標準語孟鼓吹韓柳博采於歷代史氏日漸月滋作為文章華國藩身厥績茂矣可謂過鼂董賡卿雲誠貫道之器異夫雕花草而狀風雲也每月旦 二公泊學官鎖院私試擇掾屬馳聲場屋者同考之選猶禮貢嚴類棘圍明鏡前平衡下蚩妍即辨銖兩不差士子得占榜者同華袞之賜其勉勵又可知已屢以 省醞百壺見脫助醉經之餘百講鄉射之遺風酌唐舜薰釀味周孔醇厚斥諸子之澆漓黜老莊之淡泊吸幽挹靈發為英華陶然於洪鈞之中豈設醴之比哉將見直玉堂待金馬謀王體斷國論詔感卒泣檄愈頭風一書下燕國三箭定天山孰謂秦無人也諸生其勉旃勿負我 良相賢大夫教養作成之意正大二年十二月中澣日蒙泉劉涓謹記

直學元善長張師德 學錄吳聰 學正安濟

直學蒲察貞固顏蓋公直 學錄蒲鮮元慶 學正

蒲察成

朝列大夫長安縣令賜紫金魚袋范昂霄 少中大

夫咸寧縣令賜紫金魚袋紇石烈阿鄰督役

義為擢賢之首天涵地育磨礪而成就之是以將相全材磊落間出其大者倭倬雄傑光華汗簡其次者猶能以謹朴廉潔自重從源徂流彌稱多士郁郁彬彬追蹤三代及乎妖孽纏次氛翳元都素教皇風開闢未暇仰惟 行省參政 金源完顏郡公 卓然忠節深結主知名高建武之功臣親沐貞觀之政化英風載槩北伐南征沙漠江淮威名大震輕裘緩帶歌雅投壘碩德元勳超今邁古軍國識餘乃會 參議知府石蓋公 尚書張公暨 潭府英髦而謂曰自兵凶以來貴胃氏族子弟流離關中者為多伍庸隸儕浮民恣意於蒲博彈弋之間相與扇噓為惡未見能善其後也事有似緩而急者其此之謂乎聞之府庠瞻士田舍皆前賢清俸所營吝而弗與何以副 明天子崇儒設學之意乃發廩粟出帑資以為葺益之費而教育之慮規矩之不肅以 行省 郎中宏文裴滿蒲先外郎 集賢上黨張士貴都事裴滿世論龍山高誼柱石 廟堂蒼龜帷幄胃中萬卷書筆下數千言道學淵源為世摹範俾提舉焉 奉政兀顏德正承直邳邦用皆當世聞人老於學問俾教授焉於是檄有司督工役支傾補缺聯斷洗昏植陪碑於茂草基廢址於鞠蔬殿宇翬飛石經

宣武將軍錄判張和 奉國上將軍錄判完顏得哥

宣武將軍京兆府錄事孫立立石

承直郎 省差教授賜緋魚袋邳邦用 奉政大夫

京兆府教授賜緋魚袋兀顏德正立石

長安樊世亨刊

右重修府學教養碑其云行省參政金源完顏郡公者完顏合達也金史哀宗紀正大元年三月以延安帥臣完顏合達戰禦有功授金虎符權參知政事行尚書省事于京兆合達傳則云元光元年正月遷元帥左監軍權參知政事行省事於京兆未幾真拜年月互異要當以本紀為正傳不云封金源郡公蓋史文之漏也書石首者為奉天楊煥即元史之楊奐煥乃奐之俗體非異文 澗研堂金石文散尾

按此碑到涓換楊煥書以頌行省參政金源完顏郡公教養京兆府學諸生之德政也碑立于正大

二年十二月其時官行省參政者完顏合達金史

百官志封爵郡公有十郡金源其首也金史列傳

多不書封爵非獨合達為然故合達傳中不言其

封金源郡公其官京兆行省傳作元光元年正月哀帝紀作正大元年三月碑文不著到京兆歲月

不能定其孰是然以教養學校大事傳無一語及
之史之略也據傳載正大二年七月陝西旱甚合
達齋戒請雨雨澍是歲大稔民立石頌德碑立即
在是年十二月而文中亦無一語及之或碑文作
於七月以前歟陝西通志名宦傳僅節取史傳未
嘗採及碑文以著其培養士子之功尤疎略之甚
也文中稱參政知府石蓋公行省郎中裴滿蒲先
外郎集賢張士貴都事裴滿世論教授奉政兀顏
德正承直邳邦用其在年月後者有若直學蒲察
貞固顏蓋公直統石烈阿鄰皆無傳可攷金園語
解姓氏門完顏漢姓曰王裴滿曰麻兀顏曰宋蒲
察曰李顏蓋曰張紇石烈曰高獨於石蓋闕焉史
有石蓋女魯歡傳亦不能攷其漢姓為何邳姓不
見於諸史列傳惟史記晉世家有邳鄭後無問焉
全真教祖碑

碑高一丈一尺廣五尺三寸六分
行八十四字正書在盤屋縣

終南山神仙重陽子王真人全真教祖碑

前金皇叔開府儀同三司上柱國番國公金源壽讓
葆真齋靜大師前諸路道教提舉李道謙書篆

皇國啓運 必在異人大定隆興道開賢哲夫三教各

生日害風來也先生即應之蓋因自命而人云正隆已
卯季夏既望於甘河鎮醉中啗肉有兩 衣覆者繼至
厲肆中其二人形質一同先生驚異從至僻處虔禱作
禮其二仙徐而言曰此子可教矣遂授以口訣其後愈
狂詠詩曰四旬八上始遭逢口訣傳來便有功明年再
遇於醴泉邀飲肆中酒家 問之鄉貫 年姓荅曰漢
人年二十有二姓則不知也其異歟詠歌頌五命先生
讀餘火之文載全真集中自此棄妻子攜幼女送姻家
曰他家人口我與養大弗議婚禮而去又為詩故
以猥賤語詈辱其子孫其末後句云相違地肺成歡樂
撞入南京便得真後別號重陽子於南時村作穴室居
之名曰活死人墓後遷居劉蔣村北寓水中坻凡肆口
而發皆塵外語鄉人唯以害風謠而未始詢其意遇游
則挈一壺行歌且飲有乞 飲者亦不拒或以壺取
水與人但覺其釀香冽異常後復遇至人飲以神瀉因
止酒唯飲水焉人聞先生口鼻間醞酣之氣而已醉矣
大定了亥四月忽自焚其菴村民驚救見先生狂舞於
火邊其歌語傳中具載又云 三年之後別有人來修
此庵口占詩有修庵人未比我風流之句凌晨東邁過
關摸鐵觀一枚隨路乞化而言曰我東方有嶽爾七月

有至言妙理解教得佛之心者達磨也其教名之曰禪
儒教傳孔子之家學者子思也其書名之曰中庸
教通五千言之至理 不言而傳不行而到居太上老
子無為真常之 道者重陽子王先生也其教名之曰
全真屏去妄幻獨全其真者神仙也先生名諱字知明
應現於咸陽大魏村仙母孕二十四月又十八日生按
二十四氣餘土氣而成真人也先生美鬚髯大目身長
六尺餘寸氣象言 辯以此得眾業豐厚以粟貸貧
人患之者半其濟物之心略可見矣弱冠修進士舉業
籍京兆府學又善武略聖朝天眷開收復陝西英豪獲
用先生於是捐文場應武 舉易名德威字世雄其志
足可以 知還被道氣克餘善根積著天遣文武之進
兩無成焉於是慨然入道改今之名字矣會廢齊攝事
秦氏未附歲又饑饉時有羣寇劫先生家財一空其大
父訴之統府大索於鄰里三百餘戶其所亡者金幣頗
復得焉 又獲賊之渠魁先生勉之曰此乃鄉黨飢荒
去里人以此敬仰先 生愈甚咸陽醴泉二邑賴先
生得安是後於終南劉蔣村別業居之置家事不問
半醉高吟曰昔日龍居士如今王害風於是鄉里見先

至山東寧海州郡家有馬從義者先夢南園仙鶴飛翥
未幾先生至馬公信猶未篤先生於鶴起處築全真庵
鎖門百日化之或食或不食又絕水火庵至馬宅幾百
步復隔重街馬公寢於宅中樓上門戶扃閉先生遇夜
親對談論不知從何而來人欲寫其神左目右轉右目
左轉或見老少肥瘠黃朱青白形色無定人不能狀之
馬夢母曰有客呂馬通者未嘗語人次日先生訓馬公
名曰通馬復夢有梓匠周生者傳道與馬即辭乃尊有
關中之行被席出家見一道士入族人馬戶曹耶馬亦
隨入見先生與道士對坐有 馬九官人者求術於二
老先生曰公曰教馬哥代我於是馬公誦歌一首約二
百餘字夢覺唯記歌尾 三兩句云燒得白煉得黃便
是長生不死方翌日先生訓馬公法名曰鉅号丹陽子
又夢隨先生入山及旦先 生便呼公曰山侗至於出
神入夢感化非一有譚玉者患大風疾垂死乞為弟子
先生以滌面餘水賜之盥竟肩髮儼然如舊頓覺道氣
蕭酒訓名處端号長真子又有登州棲霞縣丘哥者幼
亡父母未嘗讀書來禮先生使掌文翰自後日記千餘
字亦善吟詠訓名處機号長春子者是也後願禮師者
雲集先生詣馬極恭以磨鍊之往往散去得先生道者

馬譚丘而已八年三月鑿洞崑崙山於嶺上採石為用不意有巨石飛落人皆悚慄先生振威大喝其石屹然而止山間樵蘇者權呼作禮遠近服其神變又或餐瓦石或現二首坐庵中人見游於肆或留之飯預言來觀者何神通應物不可槩舉至八月間遷居文登姜氏庵在張氏家食童子輩見目前琉璃瑪瑙珍珠衆寶競來乞取餘人則不能見於文登建三教七寶會九年己丑四月寧海周伯通者邀先生住庵勝日金蓮堂夜有神光照耀如晝人以為火災近之見先生行光明中寧海水至鹹鹵先生呪庵之井至今人享其甘潔於是就庵建三教金蓮會至福山縣又立三教三光會至登州游蓬萊閣下觀海忽發颶風人見先生隨風吹入海中驚訝間有頃復躍出唯遺失簪冠而已移時却見逐水波汎汎而出或言先生目秀者即示以病狀或誇先生無漏者即於州衙前登瀛凡為變異人不可測者皆此類也在登州建三教玉華會至萊州起三教平等會凡立會必以三教名之者厥有旨哉先生者蓋子思達磨之徒歟足見其冲虛明妙寂靜圓融不獨是一教也兼人從之者衆獨納劉處燻者号長生子有鈞詠將歸又見鰲之什此四子者世所謂丘劉譚馬也又於寧

海途中先生擲油傘於空傘乘風而起至香山王處一庵其傘始墜至擲處已二百餘里也其傘柄內有倉陽子号王自髻亂開嘗遇靈庭宮主空中警化今呼云玉陽子是也與寧海州署相對有卜隱那生鬻肆先生倒坐於其間那曰請先生迴頭先生曰爾不迴頭拂袖而去那亦隨悟乃廣寧那大通也馬公之妻孫不二者亦同人道早明心地世云孫仙姑者四哲之亞先生門人又有此三太士矣先生一日告衆曰時將至矣明日西行道友乞詩詞自且至夜畱詩曰登途上路不由吾雲霧相招本性甦萬里清風常伴伴一輪明月每為徒山水綠程程送酒白梁黃旋旋沽今夜一杯如送酒一座大驚先生勸人誦道德清淨經般若心經及孝經云可以修證明日率馬公等四人徑入大梁於磁王家旅邸中宿止時遇歲除舉衆別曰我將歸矣衆乞畱頌先生曰我於長安樂村呂道人庵壁上書矣枕左肱而逝衆皆號慟先生復起曰何哭乎於是呼馬公附耳密語使向關中化人入道至十年庚寅正月四日口授頌曰地肺重陽子呼名王害風來時長日月去後任西東伴伴雲和水為鄰虛與空一靈真性在不與衆

人同頌畢儼然而終是後馬公傳道四海大行伏遇世宗皇帝知先生道德高明二十八年戊申二月遣使訪其門人應命者丘與王也命丘主萬春節醮事職高功五月見於壽安宮長松島講論至道聖情大悅命居於官庵又命塑純陽重陽丹陽三師像於官庵正位丘累進詩曲其辭備載礪磔集中八月懇辭還山至承安丁巳六月章宗再詔王處一至闕下特賜号體膺九師及賜修真觀一所十月召劉處燻至命待詔天長觀自重陽丹陽長春暨諸師皆有文集傳於世嗚呼先生起西州化行山東道滿於天下名聞天子開發後人使盡道遙之遊豈不偉欤後先生五十六年嗣法孫汴京嘉祥觀提點真常子李志源中太一宮提點洞真子于善慶二大士真寶道行靈揚祖道者也殷勤求文於玉陽子友人樛軒居士居士援筆而為之銘曰

咸陽之屬曰大魏村山川温麗實生異人幼之發秀長而不群工乎談笑妙於斯文又善騎射健勇絕倫以文非時復意于武戡定禍亂志欲斯舉文武一進天不我與蓋公宿緣道氣為主慨然入道真仙口口口刻授之口訣秘語人呼害風先生承當或歌或舞以酒徜徉維摩非病接輿不狂肆口而發皆成文章燒却庵舍拂袖關中乞化而往全真道東寧海因緣萊陽通融亟顯神異東人畢從陶汰真實杜絕口口口長春大啓其門遭遇聖朝為王之賓先生高躅望若星雲瀛海渺然仙跡宛存此道大行逍遙乎調下

全真道真教至元始有此名以王重陽為之祖

所生其昭德皇后生子諱允恭為世宗第二子允恭生子珣嗣位為宣宗尊允恭為帝廟號顯宗宣宗生子守緒嗣位為哀宗碑文撰於哀宗之世璿父越王與顯宗同為世宗子璿與宣宗同為世宗孫故哀宗稱璿為叔父也傳稱璿本名壽孫世宗賜名字仲寶一字子瑜喜為詩工真草書正大初累封密國公與文士趙秉文楊雲翼雷淵元好問李汾王飛伯輩交善天興初臥疾是時曹王出質璿見哀宗曰聞訛可欲出議和訛可年幼不苦諸練恐不能辦大事臣請副之上慰之曰承平時叔父未嘗沾漑無事則置之冷地緩急則置之不測叔父盡忠固可天下其謂朕何于是君臣相顧泣下未幾以疾薨生平詩文甚多自刪其詩存三百首樂府一百首號如庵小藁其詩今見於中州集者四十一首而文無傳焉遺山云密國公璿百年以來宗室中第一流人也少日學詩于朱巨觀學書于任君謨文筆亦委曲能道所欲言所居有樗軒又有如庵自號樗軒老人此碑序末自稱樗軒居士者以此文叙重陽子示現神異之蹟大都皆本其法係所陳事實多羽流夸誕之詞不足深論

元史釋老傳又賜號長春真人居大都大極宮改額曰長春詳見日下舊聞重陽好為詩碑中摘取其句者九處又掖縣志載劉長生於鄰壁上見頌二句俄遇王重陽於衆中又掖縣青蘿觀有王重陽詩碑刻五言絕句一首又有詩碑刻悟真歌一篇並見山左金石志又掖縣志仙釋傳載劉處元遇王重陽時重陽遺之詩曰鈞罷歸來又見龍已知有分到僊曹鳴榔喚知子意躍出洪波萬丈高此碑但載首句今据以補足碑云邱屢進詩曲其辭備載磻溪集中又稱重陽丹陽長春諸師皆有文集傳于世今惟邱處機磻溪集及譚處端水雲集顧氏採入元詩選餘則道藏所錄甚多曰重陽全真集十三卷王嘉誥撰集即碑所謂文載全真集中者是也重陽教化集三卷重陽分梨十化集二卷此重陽居馬丹陽家化其夫婦賜湯梨合丹陽食之凡元談妙理哀集得三百餘篇重陽金關玉鎖訣重陽授丹陽二十四訣皆論修真漸次及修養丹法附馬自然金丹口訣論性命至理又仙樂集五卷劉長生造詩詞歌頌漸悟集一卷馬丹陽集詩詞歌曲又自然詩詞集一卷洞元金玉

其云重陽到處立會必以三教為名因以重陽比之子思達磨似欲援儒釋為輔佐使其教不孤立無他意也惟云重陽之教名之曰全真屏去妄幻獨全其真是全真之教顯然為王重陽所立据陶宗儀輟耕錄乃云金主亮貞元元年有吏員咸陽人王中孚者勅全真之教談馬邱劉和之其教盛焉云云談馬邱劉本重陽弟子七真中之四人重陽別無中孚之名與字其自關中至山左訪此四真在大定七年丁亥歲上距貞元元年癸酉且十五年重陽以正隆四年己卯遇仙成道亦距癸酉七年然則輟耕錄語或皆傳聞之訛也七真者曰馬鈺號丹陽子寧海州人曰譚玉名處端號長真子東牟人曰邱處機號長春子登州棲霞縣人曰劉處元字通妙號長生子萊州人曰王處一號玉陽子東牟人曰郝大通號太古廣寧人曰馬鈺之妻孫不二號順德世稱孫仙姑重陽化後七真皆傳其教寧海神清觀七真皆有塑像而邱處機遇元太祖於奈曼間攻戰言必在乎不嗜殺人問為治以敬天愛民為本問長生久視以清心寡欲為要太祖笑其言戰伐生全者毋慮二三萬人語詳

集十卷皆馬丹陽述詩詞歌頌又丹陽神光燦一卷亦馬丹陽撰又靈光集四卷王玉陽撰詩詞歌頌長春子磻溪集六卷邱長春所撰詩詞歌曲譚先生水雲集三卷譚長真述詩頌詞太古集詩詞歌賦序文共一十五卷郝廣寧撰皆在道藏弟同氣連枝交友七字號內蓋七真之中惟孫仙姑無專集耳重陽所為詞今整屋劉蔣村重陽宮為重陽成道處其始門人建祖師庵元初乃賜額重陽萬壽宮有重陽手書無夢令碑又有蘇武慢詞碑並見陝西通志重陽以金大定十年化去後五十六年李志淵于善慶二法孫求文于壽計其時為哀宗正大二年又五十年為元世祖至元十二年乙亥歲始立此碑統計距重陽之化百有六年矣整屋縣樓觀元初改額宗聖宮又十八年乃刻高朝篆書道德經又刻正書道德經並列於說經臺皆完好無缺可知當時道士振作宮宇之勤如此此碑亦在說經臺王舍州稱之云道流李道謙書道偉有法洵不虛也碑中空空格想因石有裂又讓出之非闕字

溫泉風流子詞

石橫廣三尺三寸高一尺八寸十五行九字後記共八行行十七字正書在臨潼縣

古齊僕散汝弼 良弼
三郎季少客風流夢繡嶺盡瑤環看浴酒散春海棠睡

暖笑渡生媚蒨子熒寒况此際曲江人不見偃月事無

端竭數數聲打開蜀道寬爰一曲舞破潼關 馬嵬西

去路愁來無會處但淚滿關山賴有紫囊來進錦靴傳

看藥玉笛聲沉樓頭月下金釵信杳天上人間幾度秋

風渭水落葉長安

近侍副使 僕散公博學能文尤工於詩昔過華清

嘗作風流子長短句題之于壁其清新婉麗不減秦

晏四方衣冠爭誦傳之稱爲今之絕唱恐久而湮滅

命刻于石以傳不朽正大三年重九日承務郎主簿

慕蘭記

明威將軍縣尉李春

定遠大將軍縣丞楊水遠

奉國上將軍臨潼縣令僕散希魯立石

僕散希魯跋云宋元至今刻石甚多殆難勝紀而當

以此爲第一其詞幽麗悽惋字畫勁峭有如拱璧因

初而珍之 關中金

按碑初風流子詞一闕僕散收册所作慕蘭記稱

壽丘唯舊跡鄴邑乃前基勇子承累聖懸弧亦在茲弱

齡逢運改提劔鬱匡時指麾八荒定懷柔萬國夷梯山

咸入欵駕海亦來思單于陪武帳景遂衛文魏端辰朝

四岳無機任百司霜節明秋景輕冰結水涓露黃遍原

照儲時積京坻共樂還謙謙歡比大風詩

大唐太宗皇帝登極後忽夜夢太后若平日既寤

濟然不自勝越翌日詔有司發倉庫賑濟貧窮及於

其博學能文尤工於詩而遺山中州集未收此詞

亦不見錄於竹垞詞綜致萬紅友詞律云風流子

有二體一體三十四字一體雙調一百十字又名

內家嬌其一百十字者載宋張耒一闕此詞亦不

載以此詞與張耒詞較多一字下闕但淚滴關山

句按之張詞只四字不應有但字蓋是又一體爲

百十一字者詞律失採然詞律注引升庵語正謂

此詞云于驪山見石刻一詞必元人作卽詞統所

選三郎年少客一首也圖譜竟於風流子外另收

此詞別加一名曰驪山石因而分字句處與風流

子兩樣云云据此是詞統圖譜皆收此詞獨詞綜

遺之也升庵謂必元人作者蓋勿勿見石刻未及

細檢記有正大三年字耳

重葺唐太宗慈德寺詩

碑高六尺三寸六分廣三尺三寸詩共九行行二

十六字後跋七行行五十一字正書在武功縣

唐太宗文武大聖大廣孝皇帝御製詩

貞觀六年幸 慈德寺舊宅四韻

新豐停翠輦朝邑駐鳴笳園荒一徑斷臺古半階斜前

池消舊水昔樹發今花一朝離此地四海遂成家

貞觀十六年重幸 慈德寺故宮十韻

山賈玘助緣 懷遠大將軍武亭縣令盧拔

子成德清道明德珂德秀德珍子瑞德瑁德潤德澤

幸緣幸俊都目趙昇南郊王玠刊字

按武功縣志慈德寺在縣治南卽唐慶善宮故址

金大定十六年修勅賜崇教禪院宋崇寧元年趙

茂會記云按唐紀太宗文皇帝以隋開皇十七年

濟瀆靈應記

碑高五尺四寸五分廣二尺四寸十七行行五十二字正書篆額在濟源縣

鄉貢進士洪水韓時舉撰并書丹
河陽梁邦瑞篆額

歲在戊子 天子以去冬不雨 宵旰憂民粵春王正月 遣資政大夫中常侍兼上林署提點宮籙監使內中口口口口藥局直長高佑銜 命降香于

濟瀆顯祐清源王 天語一發不浹辰而雨至者三使車在路雪復盈尺民熙熙然咸曰大哉 王言一哉

王心二月口口使高佑口口京師由三城戴星而行未及已刻已抵祠下謹默致 聖意及所 賜香酒

拜祝於 淵德殿尋奠紙於海紙立下如掣俄頃風行口口勢忽洶涌有 神物出其間狀大數圍俗所謂

將軍者延頸被紙禦首東南且進且退如舞如蹈凡數四有望闕謝 聖恩意中使高佑敬懼醴酒 神迺

前口及數危悠然而去觀者如堵以謂 聖主之德至誠感 神躍魚之祥桑林之應方之 皇朝邈

不及矣 天且不違况於 神乎 神且不違况於人乎 中興之功日月可冀畢祀皆合爪致禮鼓舞而退

吏口口為口口未之暗也懇請立石以紀 聖感之

紀及五行志正大四年冬皆不書早惟五年春書大寒二月乙巳朔雷雨雪木之華者皆敗此即碑

所云使車在路雪復盈尺也二將軍者不知何神物能銜紙舞蹈而碑又云躍魚之祥則是魚類矣

文稱其狀大數圍延頸被紙以臆度之殆龍之屬也是時元兵日逼不六七年而金亡文有云中興

之坊日月可冀蓋亂極思治之心猶倦倦也金國語解僕散氏漢姓曰林蒲察氏漢姓曰李僕散桓

端官知孟州防禦使其曰宣權從宜經畧使者隨時暫設之官非常制也諸州防禦使從四品而桓

端階從三品上之奉國上將軍蒲察黑斯官同知防禦使正六品而階正三品上之龍虎衛上將軍

皆不能明其制也

重修濟瀆廟記

石連額約高五尺三寸廣三尺六寸廿一行字多寡不等連額並正書在濟源廟

種竹老人饗

河陽梁邦瑞書丹

大金正大戊子歲自前冬不雪迄今春未雨二麥頗旱

百姓惶惶然 皇帝之心憂民不啻遣資政大夫中

常侍兼上林署提點 宮籙監使 內侍局令尙藥直

濟瀆靈應記

碑高五尺四寸五分廣二尺四寸十七

鄉貢進士洪水韓時舉撰并書丹

河陽梁邦瑞篆額

歲在戊子 天子以去冬不雨 宵旰憂民粵春王正月 遣資政大夫中常侍兼上林署提點宮籙監使內中口口口口藥局直長高佑銜 命降香于

濟瀆顯祐清源王 天語一發不浹辰而雨至者三使車在路雪復盈尺民熙熙然咸曰大哉 王言一哉

王心二月口口使高佑口口京師由三城戴星而行未及已刻已抵祠下謹默致 聖意及所 賜香酒

拜祝於 淵德殿尋奠紙於海紙立下如掣俄頃風行口口勢忽洶涌有 神物出其間狀大數圍俗所謂

將軍者延頸被紙禦首東南且進且退如舞如蹈凡數四有望闕謝 聖恩意中使高佑敬懼醴酒 神迺

前口及數危悠然而去觀者如堵以謂 聖主之德至誠感 神躍魚之祥桑林之應方之 皇朝邈不及矣 天且不違况於 神乎 神且不違况於人乎 中興之功日月可冀畢祀皆合爪致禮鼓舞而退 吏口口為口口未之暗也懇請立石以紀 聖感之

詩載二首碑所刻祇五言四韻尚有五言七韻一

首碑所未刻蓋正大丙戌得於縣令盧公者伏其

次首也以全唐詩校之與碑異者譙邑駐鳴笳碑

作朝邑一朝辭此地四海遂為家碑辭作離為作

成十六年重幸故宮詩十韻全唐詩亦有與碑異

者日逐衛文槐碑作景逐衛文貌無為任百司碑

作無機禾穎積京畿碑作儲峙積京坻其樂還鄉

宴碑作共樂還譙譙似全唐詩別有所本不從碑

錄也新唐書禮樂志九功舞者本名功成慶善樂

太宗生于武功之慶善宮貞觀六年幸之宴從臣

賞賜閭里同漢沛宛帝歡甚賦詩起居郎呂才被

之管絃以童兒六十四人冠進德冠紫袴褶長襖

漆髻屣履而舞號九功舞進蹈安徐以象文德舊

唐書樂志慶善樂太宗所造也冬正享燕及國有

大慶與七德舞借奏于庭此二條全唐詩系于十

韻詩之下而碑則以四韻者為六年作十韻者為

十六年作詳玩史志作被管絃自當用十韻不應

祇是四韻且自當以第一次幸故宮詩被管絃不

應用第二次則六年作者為十韻十六年作者為

四韻疑碑誤為倒互也

萬一敬謝不敏拜手稽首以書之 至大五年春社

後二日謹記

從行降香官嘉議大夫內侍局承應御直張節用

從行降香官龍虎衛上將軍同知防禦使事上護軍

彭城郡開國侯食邑一千戶食實封一百戶蒲察黑

斯

宣權從宜經略使奉國上將軍知孟州防禦使護軍

金源郡開國侯食邑一千戶食實封一百戶僕散桓

端建

里人葉天瑞司口劉口刊

監刻碑人州吏趙源

通真大師賜紫知廟事楊 同知廟道士李 敬

碑述高佑衛命降香浹辰得雨之事稱為濟瀆顯祐

清源王按金史禮志云明昌間封濟為清源王此有

顯祐二字是史脫文也 中州金 石記

按濟瀆廟在濟源縣是時都汴自汴都西至濟瀆

廟戴星而行其程甚速也碑立於正大五年春社

後二日蓋二月也文云天子以去冬不雨宵旰憂

民粵正月遣高佑降香於濟瀆顯祐清源王天語

一發不浹辰而語使車在路雪復盈尺金史哀宗

長高佑載星馳驛受 命呈香禱于 濟瀆顯祐

清源王復日至 祠正衿整服潔體齋心夙啓 天

誠夜獲嘉應膏雨已容耕春雪又及尺俄有神物出海

領昏吞酒朝 闕如 謝使者迴 京都異事

奏 上 上深敬悅 賜銀二萬五千星委自

孟州長吏防禦使僕散桓端提控同知納蘭和尙碎職

監修構大厦之良材鳩三昧之妙手重簷疊甍操碧繪

金嚴崇 聖像謹飾從尊篤瓦紺天鳳門輝日役未十

旬功與萬數殿廊齋廚創作一新也市民嬉游無不祝

讚匪 靈應之 神君豈可達於 朝廷非 聖明

之 天子莫能肅於 廟貌物成有日易舊更新聖

哉 神力德哉 王言德耶聖耶猶不能盡理述焉

正大五年六月十五日監修州吏趙源 知廟道士

楊知謙李得禎 郭知常元知一

政節將軍行濟源縣令兼管勾河防常平倉事修廟

接手官納蘭抄合

昭勇大將軍遙授歸德府治中兼同知孟州防禦使

事上輕車都尉廣平郡開國伯食邑七百戶 省部

委差監修納蘭和尙

宜權孟州宜經客使奉國上將軍知防禦使護軍

金石萃編卷一百五十九

賜進士出身 誥授光祿大夫刑部右侍郎加七級王昶謨

金六

改建題名碑

碑連額高七尺二寸廣三尺七寸作三截上截二十

四行十六字中截三十行下截十三行俱人名字

數參差不等正書

篆額在西安府

改建題名之記

漢澤吳聽書丹

涇渭盧元撰額

府庠舊有題名然附他貫者皆闕而不書議者疑之正

大乙酉 行省 外郎 集賢上黨張公以幕府餘暇

閑月校試因覽是碑謂諸生曰 國家設學之意教

育均矣每遇大比勝不乏人至於紀錄獨取此舍彼則

恐于獎厲之道未備迺命耆宿參訂名籍自高平李公

簡之而下得二十有八人刊之貞石以發幽光使朋來

金源郡開國侯食邑一千戶食實封一伯戶 省部

委差提控監修僕散桓端立石

石匠桑吉 劉通

按此碑與前碑同為正大五年紀濟瀆廟請雨降

香之事前碑記于春社後二日此碑立于六月十

五日蓋因神著靈異奏請賜銀修廟未十旬而工

竣遂立此碑知孟州防禦者仍是僕散桓端同知

則易為納蘭和尙矣金國語解有納刺氏漢姓曰

康而無納蘭氏史傳有納蘭胡魯刺納蘭綽赤而

納刺氏無其人此碑撰者署其號曰種竹老人而

不署姓名文云賜銀二萬五千星不知以兩為星

抑以銖為星皆不見於他碑

金源郡開國侯食邑一千戶食實封一伯戶 省部

委差提控監修僕散桓端立石

石匠桑吉 劉通

按此碑與前碑同為正大五年紀濟瀆廟請雨降

香之事前碑記于春社後二日此碑立于六月十

五日蓋因神著靈異奏請賜銀修廟未十旬而工

竣遂立此碑知孟州防禦者仍是僕散桓端同知

則易為納蘭和尙矣金國語解有納刺氏漢姓曰

康而無納蘭氏史傳有納蘭胡魯刺納蘭綽赤而

納刺氏無其人此碑撰者署其號曰種竹老人而

不署姓名文云賜銀二萬五千星不知以兩為星

抑以銖為星皆不見於他碑

書之儻易舊矩而作新意非所望也敢以此告是年十

二月中澣日門人孔叔利謹記

大定十九年張行簡下 李仲略 高平 賈益 通州

大定二十二年張甫下 焦炯 開封

大定二十五年徐遜下 李秉鈞 大定

明昌五年張楫下 趙去非 定州

經義楊雲翼下 趙思文 定州

承安二年呂造下 賀天祐 三原 劉光謙 大興 高國鈞

經義李著下 馮璧 真定

承安五年閻詠下 武洵直 武功 高嵩 遂城 劉從謙 安

泰和三年許天民下 王祠初 同州

大安元年經義第一 邢天祐 浮山

崇慶二年黃裳下 仇庭用 扶風

勝 恩

貞祐三年程嘉善下 馮辰 整屋 王元舉 扶風 高宇

興定二年張口安下 李介 遂陽

興定五年劉遇下 口獻臣 口 蘇遼 臨晉 李獻誠 河

中 李恒亨 河津

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金六

金石萃編 卷一百一十六

經義喬松下 李獻甫 河中

正大元年王鶚下第二人劉繪 獻州司 張柔中 大同楊

侯大興 張邦憲 信州李元 偃師牛炳 河中吳芝 澤州

邳邦用 定安

經義張介下 張珩 京兆 張珪 京兆

正大四年盧亞下 孔叔利 平陽 吳聽 澤州 張珩 京兆

正大七年李塘下 任嘉言 汾州 劉源 雲陽 龐漢 太原

郭士元 口晉

經義孟德淵下 盧翔 豐潤

學錄吳聰

學正安濟

承直郎 省差教授賜緋魚袋邳邦用立石

太中大夫東運司戶判兼提舉學校李暉

長安樊世亨刊

按此與前碑同為京兆府學進士題名之碑前碑止於興定二年所載祇京兆本貫之登進士者此碑專載他貫之肄業京兆而登進士者起大定十一年迄正大七年凡十五科共四十三人据孔叔利記祇得二十八人殆立碑後增刻十五人也記文有云某人隸業於此而登第某氏宦游於此而

山陰者遂占籍焉微明昌五年詞賦第一人仕至

魏戎州刺史文賦詩筆截然有律度時人甚愛重

之楊雲翼金史傳字之美其先贊皇植山人六代

祖忠客平定之樂平縣遂家焉明昌五年進士第

一詞賦亦中乙料授應奉翰林文字累官禮部尙

書兼侍讀正大五年卒年五十九謚文獻中州集

云百餘年以來大夫士身備四科者惟公一人而

已李著中州集字彥明真定人承安二年經義第

一人在翰林七年累遷彰德府治中城陷避堦上

掘堦倒而死閻詠中州集作閻長言字子秀濟南

長清人少日慕張忠定之為人故名詠避衛紹王

諱改為衛紹王諱永濟其即位泰和八年間詠

其時未 好學工詞賦嘗以第一流自負平生多奇

夢果魁天下士論厭服在翰苑十年出為河南府

治中被召以道梗不得前卒王鶚元史傳字百一

曹州東明人工詞賦金正大元年中進士第一人

成名可知當時取士之途亦甚廣矣金史載狀元

姓名惟哀宗紀正大元年書詞賦進士王鶚以下

四年書詞賦經義進士盧亞以下七年書經義詞

賦進士李瑋以下追攷以前興定五年但書經義

進士考官於常額外多放喬松等十餘人其詞賦

進士劉遇則不書至興定二年但書武舉溫迪罕

繳住以下一百四十人及第又書詞賦經義進士

及武舉人又見賜誥命章服而姓名不書碑書張

口安泐一字賴證以前碑知其為張仲安也自此

以前則紀皆不書矣碑載貞祐三年程嘉善為詞

賦進士第一人攷金史李獻能傳獻能貞祐三年

特賜詞賦進士廷試第一人宏詞優等授應奉翰

林文字中州集亦云獻能年二十一以省元賜第

廷試第一人皆與碑不同碑載詞賦經義第一者

凡十八人內張甫一人金史有傳係武人非此碑

張甫餘有可攷者七人張行簡金史傳字敬甫大

定十九年進士第一人除應奉翰林文字累官翰

林學士承旨貞祐三年卒謚文正中州集稱其天

下言家法言禮樂言文章言德行唯張氏為第

一張概中州集字巨濟先世秦州長春人有官於

大元年經義進士第一時為國用安參議中州集

云介彭城人歷臺穀熟二縣令幼有賦聲以上皆

第一人之可攷者也進士四十三人中有可攷者

十一人李仲略史附李晏傳晏子字簡之澤州高

平人登大定十九年詞賦進士第調代州五臺主

簿累授山東東西路按察使泰和五年卒謚襄獻

性豪邁剛介特立所任以幹濟稱買益史附買少

冲傳字損之通州人中大定十九年進士調河津

主簿累為太常卿元光九年卒趙思文中州集字

廷王永平人明昌五年進士貞祐中陪沒都城間

關南渡累拜禮部尙書壬辰二年卒官劉光謙中

州集字達卿潘州人泰和三年進士累官司農少

卿碑載光謙大興人承安二年進士未審即一人

否馮壁史傳字叔獻真定縣人承安二年經義進

士制策復優等累官同知集慶軍節度使致仕正

大九年河南破北歸又數年卒年七十九中州集

之關蘭所釀松醪東坡所謂歎幽姿之獨高者惟叔獻能盡之是後松醪關蘭遂為山中故事馮辰中州集字鴛之臨潼人碑作監自祐三年進士辟涇陽令九歲知作詩李獻誠史附李獻能傳河中人先世有為全吾衛上將軍者時號李金吾家追獻能昆弟皆以文學名從兄獻卿獻誠從弟獻甫相繼擢第故李氏有四柱堂李獻甫傳字欽用獻能從弟與定五年登進士第歷咸陽簿累遷鎮南軍節度副使兼右警巡使死蔡州之難年四十張邦憲史附忠義馬顯傳字正叔秦州人碑作信登正大中進士第碑作正為永固令天興二年避兵徐州卓翼率兵至城邦憲被執遂遇害張瑒中州集字子玉河中人碑作京刻意於詩五言所長詩人喜稱道之至有張五字之目不言其登進士此碑載張瑒是正大元年經義進士未詳是一是二麗漢中州集字茂宏平晉人碑作太正大末年進士待次內鄉北山兵亂遇害碑載麗漢正大七年詞賦進士正大尚有八年未可云中州集小異諸進士之可攷者如是至劉從謙無攷而史有劉從益傳渾源人大安元年進士碑載從謙安邑人貫

與渾源相近或為從益之兄弟行李恒亨無攷而史有李復亨傳榮州河津人與碑載恒亨同貫或亦兄弟行識以備攷題名止於正大七年哀宗紀是年四月大元兵平鳳翔府兩行省棄京兆遷居民於河南而國勢日蹙踰三年而亡進士之試不復舉行然則是碑竟與金運同其終矣

黃華老人詩刻
碑四紙各高七尺廣三尺一寸五分四行行字數不等行書在大理府雙塔寺

王母祠東古佛堂人傳棟字自隋唐年深寺廢無僧住滿谷西風栗葉黃
手拄一條青竹杖與來日掛百錢遊名陽欲下山更好深谷無人不可留

帝遣名山護此邦千家落落嶺西窻山人乞與山前地鶴托先開二十雙
掛鏡亭西掛玉龍半山飛雪舞天風寒雲欲上三千尺人道高歡避暑宮

按此碑刻黃華老人七絕四首不署題及年月雲南通志雜記卷載黃華老人詩金翰林王庭筠四絕句原在黃華山嘉靖間僉事崔官攜帖至榆李

元陽重摹之今碑在大理雙塔寺所載詩正與此四詩大同惟字句稍異者碑云興來日挂百錢遊志作自挂深谷無人不可留志作深林千家落落嶺西窻志作千家瑟瑟嶺西窻鶴託先開二十雙志作招客先開四十雙挂鏡亭西挂玉龍志作臺西寒雲欲上三千尺志作直上又帝遣名山一首碑作第三志作第四挂鏡亭西一首碑作第四志作第三此恐志別有所本也金史王庭筠傳字子端河東人登大定十六年進士第調恩州軍事判官累調館陶主簿明昌元年四月召庭筠試館職中選御史臺言其在館陶嘗犯賊罪不當以館閣處之遂罷乃卜居彰德買田隆慮讀書黃華山寺因以自號中州集不載此四詩其小傳云子端詩文有師法高出時輩之右字畫學米元章其得意處頗能似之平生愛天平黃華山水居相下十年自號黃華山主河南通志黃華山在彰德府林縣西二十里林慮山內山有三峯名仙人樓玉女臺魯般門其頂突出雲表名摩雲峯連峙若屏名連屏峯羣峯磊落如人名聚仙峯下有黃華谷志併載王庭筠詩三絕句一帝遣名山一王母祠東一

掛鏡臺西而次首手拄一條云云志所不載其次序與碑異者王母祠東一首碑作第一志作第二帝遣名山一首碑作第三志作第一挂鏡亭西一首碑作第四志作第三其字之異則河南志與雲南通志同大抵崔官所攜之帖詩與黃華山舊本同而河南志刪其一首也庭筠隱黃華在明昌元年以後而其作此詩不知在何年黃華山寺與雙塔寺兩處之刻詩亦皆無年月可繫今姑附金末

楊吳碑
碑上闕四字揭本高六尺廣二尺五寸二十四行每行存五十三字末行以後文不全正行書在乾州

金故河南路課稅所長官兼廉訪使楊君神道之碑
河東元好問撰

柳城姚燧書并篆額
君諱吳字煥然姓楊氏乾之奉天人唐鄴國公之二十世孫也譜系之詳見君自敘載之先大夫墓銘茲得而略之曾大父樞大父超道父振是為蕭軒翁及上二世皆在野母程嘗夢東南日光射其身旁一神人以筆授之已而君生蕭軒以為文明之象就為制名君甫勝衣嘗信口唱歌有紫陽閣之語扣之不能答也未冠夢游紫陽閣景趣甚異後因以自號年十一丁內艱哀毀如

成人日疏食誦孝經為課人以天至稱焉又五年州倅宗室永元謂翁曰若老矣守佐重以校牘相煩聞若有佳兒姑欲試之即徵君為倉典書時調度方殷君掌出納朱墨詳整訖歲終無主撮之誤倅愛之謂他日當有望勸之宦學師鄉先生吳榮叔指授未幾迺出倫輩賦業成即有聲場屋間不三十三赴廷試與定辛巳以遺誤下第同舍盧長卿李欽若欽用昆季惜君連蹇勸試補臺掾臺掾要津仕子慕羨而不能得者君答書曰先夫人每以作掾為諱僕無所似肖不能顯親揚名敢貽下泉之憂乎正大初朝廷一新敝政求所以改革更張者君慨然草萬言策詣闕將上之所親謂其指陳時病辭旨剴切皆人所不敢言保為當國者所沮忠信獲罪君何得焉君知直道不容浩然有歸志即日出國門而西教授鄉里者五年歲己丑乾州請為講議安推司辟經歷官京兆行尚書省以便宜署君隴州經歷皆辭不就再以參乾恒二州軍事親舊為言世議迫隘不宜高蹇自便始一應之庚寅京師春試授館左丞張公信甫之門張公嘗謂人曰諸孫得君主善老夫沾丐抑多矣卒已汴梁陷微服北渡羈孤流落人所不能堪君處之自若也冠氏帥趙侯壽之延致君侍之師友間會門生朱

元慎襲職壬子九月 王府驛召入關尋被 教

參議京兆宣撫司事累上書乃得請開居鄉郡築堂曰歸來為佚老之所雖在病卧猶召子弟秀民與之酒諭之曰吾鄉密邇豐鎬民俗敦朴兒輩皆當孝弟力田以廉慎自保毋習珥筆之陋以玷傷風化及病革處置後事明了如平時敕家人吾且死勿以二家齋醮貽識者笑遂引鴈大喙望東南炷香命門生具擇執筆留詩三章恬然而逝春秋七十實乙卯歲九月之一日也後五十七日葬於郡東南十里小劉里先塋之次夫人陳氏劉氏耐焉禮也君三娶吳氏子男四人保垣元肇嵩山嶽山皆早天元肇者在孕有異風骨不凡齠髫能讀書八九歲聞君授即通大義尋為人講說十二以羸疾至子不幸君喪之盡然有童烏之威女四人長嫁郡人張篋次華陰王亨二幼者在室初泰和大安間入仕者性舉選為貴科榮路所在人爭走之程文之外翰墨雜體悉指為無用之技尤諱作詩為其害賦律尤甚至此下今據於經為通儒文為名家不過翰苑六七公而已君授學之後其自望者不碌碌舉業既成乃以餘力作為詩文下筆即有可觀嘗撰扶風福嚴院碑宋內翰飛卿時宰高陵見之奇其才期君以遠大與之書曰吾子資

極自京師警書至君得聚而讀之東平嚴公喜接寒素士子有不遠千里來見者嚴公久聞君名數以行藏為問而君終不一語或問之故曰不招而往禮歟且業已主諸侯矣將無以我為三乎戊戌 天朝開舉選特詔宣德課稅使劉公用之試諸道進士君試東平兩中賦論第一劉公因委君考試雲燕俄從監試官北上謁領中書省耶律公一見大蒙賞異力奏薦之 宣授河南路徵收課稅所長官兼廉訪使 陛辭之日言於中令公曰僕不敏誤蒙不次之用以書生而理財賦已非所長又河南兵荒之後遺黎亡幾亨鮮之喻正在今日急而擾之糜爛必矣願公假以歲月使得拊摩創罷以為 朝廷愛養基本萬一之助中令甚善之君初蒞政招致名勝如蒲陰楊正卿武功張君美華陰王元禮下邳薛微之澠池翟致忠太原劉繼先之等日與商略條畫約束一以簡易為事按行境內親閱監務月課如干難易若何有循習舊例以增額為言者君訶之曰剝下罔上若欲我為之邪減元額四之一公私便之官長所臨率有餽餉君一切拒絕之亦有被刑責沒財物于官者不踰月政成官民以為前乎此蓋未有漕司惠吾屬之如是也在官十年乃請老于燕之行臺以猶子

稟如此宜有以自愛得於彼而失於此非僕所敢知也君復之曰辱公特達之遇敢不以古道自期飛卿喜曰若如君言吾知韓歐之門世不乏人矣與定未關中地震乾守呂君子成徧禱祠廟請為祝文凡二十有四首援筆立成文不加點在鄂下日中秋燕集一萬士忌君名諷諸生作詩請君屬和君被酒謂客曰欲觀詩者舉酒欲和以次唱韻意氣閑逸筆不停綴長韻短章終夕成三十九首長安中目為鄆郭即席倡和詩傳之性嗜讀書博覽強記務為無所不聞真積力久猶恐不及寒暑飢渴不以累其業也中歲之後目力漸減猶能燈下閱蠅頭細字夜分不罷作文剗剗塵爛創為裁製以蹈襲剽竊為恥其持論亦然觀制集韓文及所著書為可見矣禮部閑閣趙公平章政事蕭國侯公內翰馮公屏山李公皆折行位與相問趙御史劉公光輔編脩張公子中諸人與之年相若而敬君加等河朔士夫舊熟君名想聞風采又被三接文衡又有在所過求見者應接不暇其為世所重如此暮年還秦中秦中百年以來號稱多士較其聲聞赫奕聳動一世蓋未有出其右者前世關西夫子之目今以歸君矣有還山集一百二十卷槩言十卷紀正大以來朝政號近鑑者三十卷正統六

十卷其自敘曰正統之說所以禍天下後世者凡以口出於孔孟之前故也且夫湯武之應天順人後世莫可企及猶曰予有愆德武未盡善後世僻王桀以正統之傳非私言乎今立八例曰得曰傳曰襄曰復曰與曰陷曰絕曰歸始皇十年貶絕陷者何懲任相之失也太宗傳之而曰得者何志奪宗之惡也真景帝者何短通喪也責明帝者何啟異端也與明宗者何有君人之言也與周世宗者何世宗而在禮樂可與也如是八例其說累數十萬言以謂不如是則是非不自治亂不分勸戒不明雖綿歷百千萬世正統之為正統昭昭矣此書在往人聞見之有詰難者則曰吾書具在豈復以口舌為辨後世有賞音者君不治生產不取非義仕宦十年而家無千金之業然其周困急郵孤遺扶病疾助葬祭習以為常力雖不贍猶強勉為之與人言每以名教為言有片善則委曲獎藉唯恐其名之不著或有小過失必以苦語勸止之怨怒不計也評者謂君志立而學富器博而用遠使之官奉常歷臺諫掌辭命治賓客必有大過人者白首見招曰暮途遠有才無命可為酸鼻丙辰冬十月予閒居西山之鹿泉員生自奉天東來持京兆宣撫使商挺孟卿所撰行狀以墓碑為請且道君臨終

念念不相置匪語殷重以誤述為顧惟不腆之文曷足為君重竊念風俗之壞久矣冰雪互寒往復四千里為其師為不朽計門弟子風詣如生者幾人此已不可辭况於平生之言乃勉為論次之而系以銘其銘曰有文者竊於跌者龜是為關西夫子楊君之碑顧瞻佳城泣焉涕洟學道之難成使人傷悲君擅名場深藜孤罷迨乎駢僮而變古雅快潛蛟之雲飛謂君不逢歎奪回谿而灑池一命而佩金紫何若若令鼻壘鄣賓於唐世久表微河潤九里蔚松楸分增輝謂君為逢歎徒以文窮而自喜斬伐俗學力涸筋疲世無元聖之矣望伯起其庶幾白首太元坐為悠悠者之所讒繫正統之無適從職子奪之非宜君排諸儒斥偏執與詭隨彼月旦之有評且曩是而今非豈有一定罪功之名而槩終世之成虧我黜我升我招我麾不主故常不貸毫釐自我作古奚竊取為自非慨然任當仁之重能不懼於西河之見疑維鼎之為器也雖小而重屹神寶而弗移孰謂漢唐甚盛之際亦不免於窮運之攸歸我車司南爾輒背馳傳者嗟誰異時有如君家子雲者出邈千載兮口知

中統五年建巳月立元好問撰文姚燧正書并篆額

在乾州碑文往往與史合惟作萬言策未及上歸教授鄉里後安撫使辟經歷官京兆行尚書省以便宜署君隴州經歷皆辭不赴應參乾恒二州軍事庚寅春試投館張公信甫之門等事史不及之耳又史言著還山集六十卷天興近鑑三卷碑云還山集一百二十卷紀正大以宋朝政號近鑑三十卷亦異燧真

門十八始受學於長安二十四始讀韓退之文試習為之云云此碑云女四人長嫁郡人張篋次華陰王亨二幼者在室不言第三女許姚燧考燧傳至大元年年七十除承旨學士四年得告南歸明年復召不赴卒于家年七十六當為延祐元年甲寅歲推其生在元太宗己亥歲至丙辰遺山撰文之年得十八歲若燧書碑在是年碑文應有三女嫁姚燧之明文何以云幼在室也與史傳僅五百七十字較碑祇存十之二然皆取碑文有刪無增京兆府學教養碑奉天楊煥書當即此楊真是楊名又作煥也碑云壬子九月王府驛名入關所稱王府即世祖故傳云世祖在濟邸驛名負參議京兆宣撫司事元史世祖紀壬子帝駐桓撫間奏立從軍府於京兆夏遣王府尚書姚樞立京兆宣撫司以孛蘭及楊惟中為使關隴大治與之參議正在是時碑云與以乙卯歲九月一日卒後五十七日葬是十月二十七矣而文以丙辰十月始撰又九年而始立碑皆不與葬同時中統無五年是年八月丁巳改元至元碑以巳月立故仍稱中統傳稱賜諡文憲而不著何年此碑亦未載則在立碑

按此碑全文二千六百餘字當時或有碑陰或刻二石今搨本僅得一紙自於經為通儒以下全闕約一千六百餘字此搨上截每行整闕四字又間有泐文左上角石已損闕今取元遺山文集補全不復旁注取其瞭然可讀也立碑歲月元集不載據關中金石記稱中統五年建巳月立當由得見全搨也元遺山卒于丁巳歲此碑撰于丙辰十月在未卒之前一年姚燧書篆自署柳城人元史燧傳稱燧字端甫世系見燧伯父樞傳樞傳則云柳城人後遷洛陽碑署柳城者從其祖貫也史言燧生三歲而孤育於伯父樞樞謂燧蒙暗教督之甚急燧不能堪楊負馳書止之曰燧令器也長自有成爾何以急為且許醮以女年十三見許衡於蘇

稱賜諡文憲而不著何年此碑亦未載則在立碑

中統五年建巳月立元好問撰文姚燧正書并篆額

祖諱晏妣趙氏累葉不仕 考諱恩贈口口大夫母口氏封恭人 公為兒時已剛介不羣既壯強善騎射以氣聞里中賢豪有能談兵者必屈折禮事以異有得焉而後已用是諸家兵法略知大義前宋靖康建炎間中原喪亂盜賊蜂起嗣王走江浙海內洶洶逃相殘噓公乃招集亡命旬月間得萬人號曰義師保全一方力拒羣盜京城留守使司嘉其忠義便宜借補進義校尉兼差權永安縣尉既而借補承信郎權知水安軍事累遷修武郎京西北河東路招捉使以 公有心力能撫軍眾便宜補教武郎兼閤門祇候仍差河南府西六縣都巡檢建炎三年三月本路安撫使司改差知汝州寶豐縣四年正月累獲大功京城留守使司便宜遷武功大夫榮州刺史仍差權知河陽南城兼管內安撫使四月差充京城留守使司同簽書判官廳公事兼主管侍衛步軍司仍遷右武大夫榮州團練使許從便宜五月遷朔衛大夫六月遷中亮大夫改忠州防禦使大齊開基阜昌改元 公適時知變乃以中亮大夫忠州防禦使權知河南府兼西京留守管內安撫馬步軍總管司公事兼管內勸農使歸附 聖朝 朝廷優加顯秩遷中侍大夫依舊忠州防禦使餘並如故

役百人以助葬事許其弟武經大夫關門祇候河南府路副總管邦傑不妨本職以領葬事七月二十日癸酉葬于永安軍芝田鄉蘇村之原公娶劉氏封恭人男一人安世贈朝奉郎女二人並未嫁俟嫁日各賜夫承節郎 公天性純厚明敏辨博事父母尤孝能以智帥人與士卒同勞苦資糧與均故人樂任使多立功其在西洛不唯威聲四馳見於將略至於撫眾治民公平諒理皆出愁歎有古良吏風古之為將者或以智略或以壯勇或以死節苟得其一不害為名將後世將弱兵驕其能智略壯勇與夫死事奇節顯顯名世者幾希故其何敵之來往往內懷怯心外露威色畏避矢石不敢前臨時去就心挾二三幸勝則要功力屈則降敵若人者安能死節王事願死馬革中以報 國家哉 公獨能兼是數者卒死忠義並驅古人非天賦英烈未易如是也僕不識 公之面友人將仕郎黃億實客於公之舍一日狀 公行事之實覩視為文辭不獲已因為之銘曰

帝造區夏 志清多壘 兇醜跳梁 速誅千紀 公適時變 赤心款附 氣吞羣盜 亂庶過沮 帝用嘉之 以廣撫封 正彼使號 以旌有功 留鎮西

公酒謂人曰大丈夫事主當一心建功立名期不朽豈可乍服乍叛以速夷滅哉方思建立以固恩寵適京西北路安撫總管翟興阻兵負險隔絕道路跳梁不軌殘忍尤甚 公酒厲志竭忠乘機奮發勸督將士協力赴功竟致渠魁破蕩巢穴厥績顯著 天子嘉之乃遷徐州觀察使自是西至關中南至漢上凡兵火隔絕曠日人迹不通之地一旦水陸舟車田野耒耜賈游於市商通於路 朝廷得以軍書龍右開拓巴蜀皆 公之力也十月 皇帝遣使賜金帶以光寵之二年六月 宣詔赴關上殿 皇帝問以邊事辯對稱旨無所疑滯 天子愛之賜廣撫封俾臨一路仍正使號增重帥權特授依前中侍大夫徐州觀察使知河南軍府事兼西京留守河南府路安撫使馬步軍總管兼管內勸農使明年正月西賊叛逆順商號三州相繼變亂虜掠百姓攻圍城邑大兵未集遽入西洛 公不幸被執賊留之軍中意欲活而用之公乃毅然不屈請即死之遂力被害享年四十六先是厥 父恩被傷致殞男安世同日被禍三世忠孝孝于一門舍生取義不失全節方之古人殆無媿也 朝廷哀憫其忠義贈通侍大夫賜錢千緡及贖贖羊酒米麥等差諸縣夫

洛 克服商號 舟車隴蜀 威底偉績 董賊亂常 兇焰熾張 死節被執 斷頭不降 以忠捐軀 禍及三世 死馬革中 是謂得志 帝用憫之 厚葬斯舉 錫以千緡 贈以異數 口安窆窆 永口幽宅 巍巍高高 與功無極

汴京楊青刊

碑新出土字蹟工秀得虞褚規模良可愛也阜昌為劉豫年號豫以宋建炎四年為金所立 中州金 億按孟邦雄事附劉豫傳後云孟邦雄發永安陵即其人也今邦雄墓亦為土人掘井出之獨匿此石五十餘年予宛轉屬覓構之乃詳其始末蓋邦雄永安人自劉豫僭號遂降豫授偽職至中侍大夫徐州觀察使知河南軍府事兼西京留守河南路安撫使馬步軍總管兼管內勸農使案四京以史證之豫升東平為東京改東京為汴京又僭位大名及河南府西京并為四京誌文所云四字蓋謂是也誌稱京西北路安撫總管翟興阻兵負險隔絕道路跳梁不軌殘忍尤甚公乃厲志竭忠乘機奮發勸督將士協力赴功竟致渠魁破蕩巢穴攷與本傳為京西北路安撫制置使兼京西北路招討使此文乃易安撫招討名

齊

齊

為總管又傳劉豫將遷汴以與屯伊陽憚之遣蔣頤持書誘興以王爵與斬頤焚其書誌文謂興跳梁不軌殘忍尤甚當指於此至傳所云豫計不行乃陰遣人啗神將楊偉以利偉殺興攜其首奔豫則此誌以邦雄勸督將士竟致渠魁是於興之隕歿皆由邦雄所致與史頗不相符惟與本傳內小註或云賂偉為內應以兵徑犯中軍與奮擊馬死則邦雄乘機奮發即當時以兵犯中軍者事亦或然也然則史小註宜為可據而傳故兩存之也

石錄

按誌云邦雄西京永安人也葬于永安軍芝田鄉蘇村之原今河南府鞏縣宋景德四年析置永安縣金貞元元年改名芝田縣元時廢入鞏縣所謂

芝田縣者蓋即以鄉為名則邦雄葬所當在鞏縣地此石不知何以入於偃師誌載翟與阻兵負險

事以宋史傳攷之在紹興二年亦即阜昌二年此誌蓋脫二年字也其云西賊叛逆順商號三州相繼變亂虜掠百姓攻圍城邑云云宋史劉豫傳紹

興二年二月知商州董先以商號二州叛附豫十二月襄陽鎮撫使李橫敗豫兵於揚石乘勝逐汝

州偽守彭玘以城降三年正月庚申李橫破順順者時兩入寇官僚精禱挹彼

靈祠之清泉遂獲嘉

樹稿苗勃興歲事有成長史以聞深切嘉歎是用祇遣使人持此名薰式陳明薦庶答 神休維 神其監

之尚 饗

尚書禮部

都省付下本省奏禮部呈丹州知州劉讓奏為春旱率吏民詣唐 咸寧郡王謚字犯 武渾城廟祈雨不

及旬日遂獲霑足契勒渾城前朝雖曾用當時誌號真封兼所賜封爵今來正犯 徽祖皇帝廟諱合行

迴避欲望以今來祈禱有應民賴生全特加美號八月十三日奏得 聖旨指揮封爵犯 廟諱字依已

降 指揮不須別改外內祈雨感應事依已降 指揮只特嚴潔 勅祭以謝今具下項須至符下一恭

依 聖旨差使臣張整齊 御香祝版前去

一勅祭用遵豆貳盞盞壹牲牢止用少年壹性幣帛壹其合用篚箱壘洗酒樽爵盞燎草差官行禮儀制並令本州差長吏依祭祀社稷禮數排辦行禮箋貳壹實鹿脯壹實魚脯貳壹實芹壹實鹿麪羊代壹實稻米

蓋壹實黍米俎案壹羊腥幣帛壹長丈捌赤小赤丹州主者仰恭依前項 聖旨指揮排辦行禮施行

軍偽守蘭和降壬戌敗豫兵于長葛甲子橫引兵至頰昌府攻下之三月豫聞橫入頰昌求援于金豫亦遣將逆戰橫敗績橫軍本羣盜恃更無律勝則爭取子女金帛故及於敗四月陷虢州誌所稱西賊似即指李橫然銘詞有云董先亂常兇焰熾張死節被執斷頭不降是邦雄死于董手不知董為何人豈即董先耶誌云黃億狀公行事之實見祝為文祝與囑同音猶今人言見囑也据本字文義亦即祈禱之意猶言祈求也

勅祭忠武王碑 碑連額高九尺廣四尺作兩截上截祭文省牒共三十一行行二十四字下截記二十三行行二十七字

將仕郎臣王寵書

迪功郎臣孟醇篆額

維阜昌六年歲次乙卯九月辛未朔二十一日辛卯皇帝遣武節大夫閤門宣贊舍人權知丹州軍州事兼管內安撫司公事兼勸農事劉讓昭薦于 咸寧郡

王維 神昔奮節義為時名臣當奉天之難唐室傾危致命匡主克殄妖氛載在信史勳庸蔚然故能死而不朽廟食咸寧英爽稟稟如生有所必應民受賜焉迺

符到奉行 阜昌六年八月 日下

員外郎押 員外郎押

唐將咸寧郡渾王在德宗朝為時名臣履折衝之任禦侮定亂休功偉績著在信史貞元中繇樓煩郡王徙封咸寧追謚忠武後世興建祠宇血食茲土從本封也丹

陽之民蒙賴德澤凡有所禱應若影響阜昌乙卯歲自春徂夏久旱不雨民心皇皇郡刺史躬率吏民敬謁祠下屢獲嘉應前此以守臣有請雖錫真封然止因舊謚未足以稱褒崇之意仍以封號犯 徽祖廟諱抗

章有請乞別加美號以否 神休九月辛卯天子遣使者頒 尺一詔書賞 御香祝版

太常定儀式以祀社稷禮遣守臣武節大夫閤門宣贊舍人權知丹州軍州兼管內安撫司公事兼勸農事劉

讓 勅祭祠下是日也秋高氣爽祥烟瑞霧飛浮棟宇巖谷生光士民口口 神人交慶咸以謂自

貞元迄今寥寥數百年 神之功烈被民垂光後世荐被褒嘉寔一時之盛事而 聖天子不以踈遠

為閭嘉良吏二千石愛民之意特垂 聽納如與

齊

輔相近臣都命於一堂之上以成康濟之功盛美流口
口口歎羨莫不嘆服而仰慕豈不遑歟阜昌七年正月
初四日奉議郎權丹州軍事推官臣王蔚謹記

承議郎權丹州軍事推官臣王蔚

朝奉大夫特差權通判丹州軍州事兼專一管內勸

農事臣張凡

武節大夫閤門宣贊舍人權知丹州軍州兼管內安

撫司公事兼勸農事臣劉議

刊字人臣麻永

碑為偽知丹州軍事安撫使劉議立議以渾忠武王

謚犯徽祖廟諱抗章請避徽祖者豫之祖也李心傳

繫年要錄稱紹興二年四月庚寅豫遷都汴奉祖考

字宋太廟尊其祖忠曰毅文皇帝廟號徽祖宋史以

為四月丙寅非庚寅者誤也是月壬戌朔庚寅月之

廿九日也史又云豫召迪功郎王寵不至此記為寵

所書不至之說恐未必是孟醇趙宗室王蔚字叔文

史有傳關中金

按忠武王渾城廟在延安府宜川縣城東南五里

鳳翅山谷廟中有惠澤泉歲早禱於此唐書渾城

唐書以平水此論功受封縣後貞觀王從成書情

三丈縱三丈三尺以寸為百里中國本之禹貢外夷

本班固漢書古郡國題以墨今州郡題以朱豈此圖

之權輿與圖象之學自古重之山海經前五篇乃伯

益經其後十二篇為周秦以來釋圖之言故往往雜

以後代郡縣今案其文有云在其東或在其北云捕

魚水中云兩手各操一蛇云右手指青邱北之屬皆

據形言之耳山海經本有圖故陶潛以之入詩張駿

郭璞以之作讚始知班固執文志入之形家有以也

不知者乃以為域外之言堪輿之學非聖經矣又史

記言蕭何收秦圖書大宛傳言昆侖天子案古圖書

三王世家有御史奏輿地圖漢書言李陵圖所過山

川地形元帝示後宮人單于圖明帝賜王景禹貢圖

又班固案秦地圖虞喜志林薛瓌注漢書昔案漢輿

地圖晉書言裴秀自製禹貢地域圖十八篇李吉甫

元和郡縣圖志言起京兆府盡隴右凡四十七鎮每

鎮皆圖在篇首今俱不存則此圖之傳良足竄突地

理之學古今互異試條其得失附以鄙証為讀禹貢

者有所採也 又案圖嶠冢山在秦州東南深合自

漢以來相傳之說攷水經禹貢山水澤地所在言嶠

冢在隴西氏道班固地理志言在隴西西縣漢氏道

之威寧至宋太平興國初省入宜川屬丹州故宜

川有廟即城所封之地也城在唐本封咸寧郡王

宋元豐中追封忠武王亦即城之謚也文避劉豫

祖諱仍稱威寧郡王此碑因早禱雨有應有司上

請遂降香勅祭所謂挾彼靈祠之清泉者即惠澤

泉也碑首云阜昌六年歲次乙卯劉豫以宋建炎

四年九月為金所立奉金正朔仍稱天會八年十

一月改明年元為阜昌明年者辛亥年也則乙卯

是五年此云六年者連初立之始年勅祭在六年

而立碑在七年逾年十一月而豫廢矣

禹蹟圖

圖高廣各三尺四寸二分在西安府

禹蹟圖繪不

圖劉豫時刻攷豫以宋紹興元年為金所立則是年

當丁巳亦金天會之十五年也每折地方百里所載

山川多與古合唐宋以來地圖之存惟此而已攷宋

毛晃禹貢指南稱先儒所刻禹蹟圖黑水在雍州西

北而西南流至雲南之西南乃有黑水口東南流而

入南海中間地里潤遠今此圖黑水與毛說合是為

宋以前相傳之舊也唐書稱賈耽繪海內華夷圖廣

及西縣治皆在今秦州自魏收地形志以嶠冢山為

在華陽郡嶠冢縣括地志元和郡縣志並承其誤山

乃移今之寧羌州矣然唐人猶兩存其說據魏收以

駁班固自胡渭禹貢錐指始 又案圖西漢水出秦

州南至涪州入江東漢水出興元府東至漢陽入江

亦合于班固地理志之說其圖西漢水不通于東漢

則不合于古何則余嘗謂禹貢言嶠冢導漾是言水

之在今甘肅秦州者也東流為漢是言水之在今陝

西漢中府者也又東為滄浪之水則言水之在今湖

北省者也西漢至靈羌州西北有水通于東漢班固

所云東漢水首受氐道水郭璞爾雅音義謂之潛水

水經注謂之通谷水括地志謂之復水云出利州縣

谷縣龍門山今俗以為為燕子河也其水于圖當自興

元府南承東漢水流至利州北合于西漢而殊未之

及今四川廣元縣是唐宋利州治寧羌州是其東北

境龍門山在州北百五十里即李吉甫所云利州東

北有龍門山者也樂史又云龍門山下有燕子谷或

水之所以名矣郭璞既稱舊云即禹貢沱潛缺之非

也 又案圖黑水是三危之黑水黑水實有二余攷

華陽黑水惟梁州孔安國言東據華山之南西距黑

水張守節史記正義案括地志黑水源出梁州城固縣西北太山以此釋梁州黑水較長鄜道元案諸葛亮賡稱朝發南鄭暮宿黑水即此諸家解書以一黑水為一非也今水在漢中府城固縣西北五里案圖漆沮之洛至同州南入于河古說皆入渭是洛自宋金時改流入河近韓邦靖著朝邑縣志云洛水明成化改流入河不察甚矣 又案圖無漆沮蓋洛即漆沮孔安國書傳水經見史記注晉灼所引今本無之關駟皆言是也李季卿三墳記石刻亦云漆沮泛溢馮翊昏墊是唐人猶存其說矣漢人言漆縣西有漆水入渭在今麟遊縣合雍入渭者為詩自土沮漆之漆古但有兩漆水耳水經注洛水下又有漆水又遁甲開山圖長安西有漆渠俱非禹貢之漆然自樂史宋敏求以來所


在多漆水矣關中金石記

華夷圖關廣各三尺四寸二分在西安府


華夷圖不繪

右華夷圖不著刻人名氏題云阜昌七年十月朔岐學上石蓋劉豫時所刻其年十一月豫為金人所廢阜昌之號終于此矣唐貞元中宰相賈耽圖海內華

劉豫以七年十一月丙午被廢而十月朔尙刻華夷圖者蓋廢豫之舉不過奉詔降封並無干戈擾攘之事偽齊全境恬然安之當刻此圖之時初不料逾月即亡也兩碑但紀歲月不著所以刻石之故而華夷圖則有岐學上石字殆由學校中得此二圖舊本刻石以示諸生耳餘說已詳關中金石記不複述



夷廣三丈從三丈三尺以寸為百里斯圖蓋仿其製而方幅縮其什之九京府州軍之名皆用宋制開封為東京歸德為南京大名為北京惟河南不稱西京未詳其故也碑云四方蕃夷之地賈魏公圖所載凡數百國今取其著聞者載之又參考傳記以敘其盛衰本末至如西有沙海諸國西北有奄蔡北有首利幹東北有流鬼以其不通名貢而無事于中國故略而不載此亦見其去取之不苟矣潛研堂金石文跋尾按禹蹟華夷二圖高廣尺寸相同禹蹟圖界方格每方折地百里列禹貢山川名古今州郡名古今山水地名阜昌七年四月刻石華夷圖阜昌七年十月刻圖中所載多及宋朝通貢之語有建隆乾德寶元年號其為宋時所圖固無可疑然其稱契丹云即今稱大遼國其姓耶律氏似乎作圖猶及遼盛時又渤海夫餘之間有女貞國名女貞一作女真遼宋仁宗諱改名女直然在宋則避之遼人尚仍其舊稱以此證之疑是遼人所繪故有大遼字若是宋人則當避貞字若金人則宜加大金之稱說矣然遼以幽州為南京此圖仍作幽字而宋之四京獨詳其三又似宋人所作甚不能臆定也



金石萃編卷一百六十

賜進士出身 誥授光祿大夫刑部右侍郎加七級王昶撰

南詔

南詔德化碑

碑前半已剝蝕殆盡石約高一丈三尺一寸廣八尺六寸行數不可考每行約九十字行書在雲南大理府

清平官鄭同撰

恭開清濁初分運陰陽而生萬物川嶽既列樹元首而定八方道治則中外寧政乖必風雅變我贊普鍾蒙園

大詔性業合道智觀未萌隨世運機觀宜撫衆退不負德進不慙容者也王姓蒙字閣羅鳳大唐特進雲南王

越國公開府儀同三司之長子也應靈傑秀含章挺生日角標奇龍文表貴始乎王在儲府道隆三善位即重

離不讓非聖之書皆學字人之術撫軍屢開成續監國每著家聲唐朝授右領軍衛大將軍兼陽瓜州刺史洎

先詔與御史嚴正誨謀靜邊寇先王統軍打石橋城差詔與嚴正誨攻石和子父子分師兩殄兇醜加左領軍

衛大將軍無何又與中使王承訓同破劍川忠續載揚賞延于嗣遷左金吾衛大將軍而官以材遷功由幹立

朝廷照鑒委任兵權等拜特進都知兵馬大將二河既

宅五詔已平南國止戈北朝分政而越折詔餘孽千脂

待鐸稍驅瀘江結彼兇渠授我邊鄙飛書遣將皆輒拒

違詔弱冠之年已負英斷恨茲殘醜敢逆大隊固請自

征志在掃平曩干贈之頭領伏藏之穴鐸稍盡獲寶物

竝歸解君父之憂靜邊隅之祿制使奏聞酬上柱國天

寶七載先王即世皇上念功旌孝悼往撫存遣中使黎

敬義持節冊襲雲南王長男鳳迦異時年十歲以天寶

入朝授鴻臚少卿因冊襲次又加授上卿兼陽瓜州刺

史都知兵馬大將既御厚眷思竭忠誠子弟朝不絕書

進獻府無餘月將謂君臣一德內外無欺豈期奸佞亂

常撫虐生變初節度章仇兼瓊不量成敗妄奏是非遣

越博都督竹靈倩置府東發通路安南賦重役繁政苛

人弊被南寧州都督樊歸王昆州刺史樊日進梨州刺

史樊頊涼州翼守懸螺山大鬼主樊彥昌南寧州大鬼

主樊崇道等陷煞竹倩兼破安寧天恩降中使孫希莊

御史韓洽都督李宓等委先詔招討諸蠻畏威懷德再

置安寧其李宓忘國家大計驕軍仇詭縱務求進官榮

宓阻爾東襲遂激崇道令欽歸王議者紛紜人各有志

王務邊亂萌思紹先績乃命大將軍段忠國等與中使

黎敬義都督李宓又赴安寧再和諸蠻而李宓矯僞居

心尚行反問更令崇道謀熟日進東舉諸首並皆驚恐
 日歸王崇道叔也日進弟也信彼讒構戮至親骨肉
 既自相屠天地之所不祐乃各興師召我同討李必外
 形中正伴假我郡兵內蘊奸欺妄陳我違背輟節度郭
 虛己仁鑒方表我無辜李必尋彼既流崇道因而亡潰
 又越嵩都督張虔陀嘗任雲南別駕以其舊識風宜表
 奏請為都督而反誑賊中禁職起亂階吐蕃是漢積讐
 遂與陰謀擬其滅我一也誠節王之庶弟以其不忠不
 孝貶在長沙而彼奏歸擬合問我二也崇道茂盟構逆
 罪合誅夷而却收錄与宿欲令替我三也應渠我惡者
 竝授官榮与我好者咸遭抑屈務在下我四也築城收
 質繕甲練兵密欲襲我五也重科自直倍稅軍糧徵求
 無度務欲傲我六也于時馳表上陳屢申冤枉皇上照
 察降中使賈奇俊詳覆屬賢臣無政事以贖成一信度
 陀共掩天聽惡奏我將叛王乃仰天嘆曰嗟我無事上
 蒼可鑒九重天子難承咫尺之顏萬里忠臣豈受奸邪
 之害即差軍將楊羅顯等連表控告豈謂天高聽遠雖
 點成瑕駢布腹心不蒙矜察管內酉渠等皆曰主辱臣
 死我實當之自可齊心戮力致命全人安得知難不防
 坐招傾敗於此差大軍將王毗雙羅時口全直等揚兵

送檄問罪府城自秋畢冬故延時序向竹王命莫雪事
 由豈意節度使鮮于仲通已統大軍取南谿路下大將
 軍李暉從會同路進安南都督王知進自步頭路入旣
 數道合勢不可守株乃宜號令誠師徒四面攻圍三軍
 齊奮先靈冥祐神炬助威天人協心軍羣全拔
 虔陀飲醜寮庶出走王以為惡止虔陀罪豈如眾舉城
 移置猶為後圖即便就安寧再申哀懇城使王克昭執
 感味權繼違拒請遣大軍將李克鐸等帥師伐之我直
 彼曲城破將亡而仲通大軍已至曲靖又差首領楊子
 與雲南錄事叅軍姜如之齋狀披雪往因張卿讒構遂
 令蕃漢生猜贊普今見觀舉浪穹或以眾相威或以利
 相導儻若蚌鷸交守恐為漁父所渝伏乞見存見亡在
 得思失二城復置幸容自新仲通殊不招承功至江口
 我又切陳丹款至于再三仲通拂謙棄親阻兵安忍吐
 發唯言屠戮行使皆祇詆訶仍前差將軍王天運帥領
 驍雄自點蒼山西欲腹背交襲於是具牲牢設壇理叩
 首流血曰我自古及今為漢不侵不叛之臣今節度背
 好貪功欲致無上無君之討敢昭告於皇天后土史祝
 盡詞東北稽首舉國痛切山川黯然而誠感神風雨震
 雷遂宣言曰彼若縛我猶吾君也今不我縛即吾讐也

斷軍之疑疑事之賊乃召卒伍惘然登陣謂左右曰夫
 至忠不可以無主至孝不可以無家即差首領楊利等
 於浪穹參吐蕃御史論若贊御史通變察情分師入救
 時中丞大軍出陳江口王審孤虛觀向背縱兵親擊大
 敗彼師因命長男鳳迦異大軍將段全葛等於丘邏和
 拒山後贊軍王天運懸首轅門中丞逃師夜遁軍吏欲
 追之詔曰止君子不欲多上人况敢凌天子乎既而合
 謀曰小能勝大禍之胎親仁善鄰國之寶遂遣男鐸傳
 舊大酋望趙佐劉揚磨磨伴及子弟六十人齋重角珍
 寶等物西朝獻凱屬贊普仁明重酬我勳劾遂命宰相
 倚祥葉樂持金冠錦袍金寶帶金帳狀安扛傘數銀獸
 及器皿珂貝珠毬衣服駝馬牛羖等賜為兄弟之國天
 寶十一載正月一日於鄧州詔謂為贊普鍾南國大詔
 授長男鳳迦異大瑟瑟告身都知兵馬大將凡在官僚
 寵幸咸被山河約誓永固緜城改年為贊普鍾元二年
 漢帝又命漢中郡太守司空護禮內使賈奇俊帥師再
 置姚府以將軍賈璽為都督兼日漢不務德而以力爭
 若不速除恐為後患遂差軍將王兵各絕其糧道又差
 大軍將洪光乘等神州都知兵馬使諭綺里徐同圍府
 城信宿未踰被如拉朽賈璽面縛士卒全驅三年漢又

命前雲南都督兼侍御史李宓廣府節度何履光中
 使薩道懸遜忽秦隴英豪兼安南子弟頓營龍坪廣布
 軍威乃舟楫備修擬水陸俱進遂令軍將王樂寬等潛
 軍襲造船之師伏屍遍畝舍之野李宓猶不量力進逼
 遂川時神州都知兵馬使諭綺里徐來救已至巴嶺山
 我命大軍將段附克等內外相應角斃衛彼弓不暇
 張刃不及發白日晦景紅塵翳天流血成川積屍壅水
 三軍潰血元帥沉江詔曰生雖禍之始死乃怨之終豈
 顧前非而忘大禮遂收亡將等屍祭而葬之以存恩舊
 五年范陽節度安祿山竊據河洛開元帝出居江劍贊
 普差御史贊即羅于惹結齋勅書曰樹德務滋長去惡
 務除本越嵩會同謀多在我圖之此為美也詔恭承上
 命即遣大軍將洪光乘杜羅盛段附克趙附于望羅遜
 王邈羅奉清平官趙佐鄧等統綱于藩從昆明路及宰
 相倚祥葉樂節度尚檢贊同伐越嵩詔親帥太子潘圖
 逼會同越嵩固拒被膠會同請降無害子女玉帛百里
 塞途牛羊積儲一月館穀六年漢復置越嵩以楊庭璣
 為都督兼固臺登贊普使來曰漢今更置越嵩作授昆
 明若不再除恐成滋蔓既舉奉明旨乃遣長男鳳迦異
 駐軍瀘水權事制宜令大軍將楊傳磨伴欺急歷如數

道齊入越嶺再掃臺登際除都督見擒兵士盡擄於是
 揚兵邛部而漢將大奔迴旆昆明傾城稽顙可謂紹家
 繼業世不乏賢昔十萬橫行七擒縱略未足多也爰有
 尋傳囑瑛沃饒人物殷濟南通渤海西近大秦開闢以
 來聲教所不及義皇之後兵甲所不加詔欲革之以衣
 冠化之以義禮十一年冬親與寮佐兼總師徒刊木通
 道造舟為梁耀以威武喻以文辭致降者無慰安居抵
 口者頸繫盈貫矜恩解縛擇勝置城隍形不計自來祇
 口望風而至且安寧雄鎮諸 巽要衝山對碧雞波環碣
 口鹽池 執掌利及祥歡 城邑綸延勢連 戎使乃置城監
 口輯攜離遠近因依閭閻櫛比十二年冬詔候隴省方
 觀俗恤隱次昆川審形勢言山河可以作藩屏川陸可
 以養人民十四年 春命長男鳳迎異於上川 置柘東 城
 居二詔佐鎮 撫於是威懾步頭 恩收傳端頌 誥所及翁
 然俯從 我王氣受中和德含覆育才出人右辯 稱
 世雄高視則卓爾萬 尊運籌則決勝千里 觀釁而動因
 利興功事叶神衷有如天啓 故能攻城挫敵取勝如神
 以危易安轉禍為福紹開祖業宏章王黜坐南面以稱
 孤統東偏而作主然後修文 習武官設百司列尊叙卑
 位分九等關二教資四門陰陽序而日月不愆賞罰明

而好邪屏跡通三才而制禮用六府以經邦信及豚魚
 恩霑草木厄塞流潦高原為稻黍之田疏決陂池下隰
 樹園林之業易貧成富徒有之無家饒五畝之 桑國貯
 九年之庫蕩穢之屢屢沾蠶 動珍 帛之惠遍及耆年設
 險防非憑濫起堅城之固靈津蠲疾重巖湧湯沐之泉
 越曠 天馬 生郊大河流波濯錦西開等傳禱輒出麗水
 之金北接陽山會川收瑟瑟之寶南荒滌湊覆詔願為
 外臣 東黨悉歸 步頭 已成內境建都鎮塞銀生于 墨箭
 之鄉候隙省方駕憲于洞庭之野益由人傑地靈物華
 氣秀者也於是 皇家珍奇貢獻畢至東西南北煙塵不
 飛遐邇無剽掠之虞黔首有鼓舞之泰乃能驥首邛南
 平睥海表豈惟 我鍾王之自致實賴 我聖神天帝
 贊普德被無垠威 加有截春 雲布而萬物 普潤霜風下
 而四海颯秋故 能取亂攻昧定京邑以息民兼 口侮亡
 而漢帝而繼好 時清平官段忠國 段等銓等咸曰有國
 而致理君主之美也 有美而無揚臣子之過也夫德以
 立功功以建業業成不紀後嗣何觀可以刊石勒碑志
 功頌德用傳不朽俾遠將來口成家世漢臣八王稱乎
 晉業鍾銘代襲 百世 定于 當朝生過 不天再罹衰敗類
 先君之遺德休求舊之 鴻恩 文 委清平用兼耳目心懷

吉甫愧無贊於周詩志効奚斯願齊聲於魯頌紀功述
 績寔曰鴻徽自願下才敢題風烈其詞曰

出入連城 光揚衣錦 業垂萬代之基 舍貯
 九年之廩 明明贊普 揚子之光 赫赫我王 實

降祉自天 福流後孕 瑞應匪 虛 正祥必信 聖
 主分憂 夷聲振 襲入 傳 封 受符 兼印 兼瓊

賴之昌 化及有土 業著無疆 河帶山礪 地久
 天長 辯稱世雄 才出人 右 信及豚魚 潤深褒

屠 官師潰散 頽我先王 懷柔伏叛 祚不乏賢
 先庸是繼 郡守詭隨 貶身避裔 福連虔陀

其十
 碑陰
 四十一行俱書官名下
 半刻餘字數無考正書

亂深豎髮 殃咎匪他 途豕自殪 仲通制節 不
 詢長入 徵兵海隅 預營江口 矢心不納 白刃

關帶段忠國 清平官大軍將大金告身賞錦袍金
 帶口口口關下上 顏郭告身賞二色綾袍金帶黑

相守 謀用不減 逃師夜走 漢不務德 而以力
 爭 興師命將 置府層城 三軍往討 一舉而平

守口 清平官大金告 關下上 李口口 大軍
 將開南城大軍將 關下上 口大大皮衣趙眉丘 大

水戰陸攻 援孤糧絕 勢屈謀窮 軍殘身滅 祭
 而堇之 情由故設 贊普仁明 審知機變 漢德

大軍將賞二色綾袍金帶王琮羅鐸 大軍將前
 關口袍金帶兼大夫垂皮衣張曠口于 大軍將前

方衰 邊城絕援 揮我兵戎 攻彼郡縣 越嶺有
 征 會同無戰 雄雄嫡嗣 高名英烈 惟孝惟忠

大軍將前法曹長大顏郭告身賞二色綾袍金帶
 大軍將前法曹長大顏郭告身賞二色綾袍金帶

乃明 乃哲 性惟溫良 才稱人傑 巧瀘一掃
 軍部雙滅 觀兵尋傳 舉國來賓 巡幸東嘉 懷

大軍將小金告身賞二色綾袍金帶楊羅望
 大軍將小金告身賞二色綾袍金帶楊羅望

德歸仁 碧海效祉 金穴薦瓊 人無常主 惟賢
 是親 土字克開 煙塵載寢 殺擊犁坑 輯照華

楊關下上 大軍將前法曹長大顏郭告身賞二色綾袍金帶
 大軍將前法曹長大顏郭告身賞二色綾袍金帶

是親 土字克開 煙塵載寢 殺擊犁坑 輯照華

大軍將前法曹長大顏郭告身賞二色綾袍金帶
 大軍將前法曹長大顏郭告身賞二色綾袍金帶

乃明 乃哲 性惟溫良 才稱人傑 巧瀘一掃
 軍部雙滅 觀兵尋傳 舉國來賓 巡幸東嘉 懷

大軍將前法曹長大顏郭告身賞二色綾袍金帶
 大軍將前法曹長大顏郭告身賞二色綾袍金帶

綾袍金帶尹遂遷 大軍將小金告身賞紫袍金帶

楊彪棟下上關身賞二色綾袍金帶尹附首 大軍將

賞紫袍金帶趙口口口 大軍將兵曹下紫袍金帶

趙逸羅口下上關色綾袍金帶兼大次臣皮衣孟韓望

軍將士曹長小銀告身賞紫袍金帶楊鄧佐下法

曹長小頗弥告身賞口口綾袍下上關大軍將小銀告身

賞二色綾袍金帶楊各首 大軍將賞二色綾袍金

帶趙龙細利 客曹口口口弥告身賞口口綾袍下關

上賞二色綾袍金帶口口羅正 大軍將兵曹長小

頗弥告身賞紫袍金帶段君利 大軍將

銀告身賞下上關大軍將小銀告身賞二色綾袍金帶尹

口口 大軍將小銅下綾袍金帶周下上關賞二色

綾袍金帶唐酋口 大軍將賞紫袍金帶喻酋口

大軍將賞下上關倉曹長小銀告身賞二色綾袍金帶

兼大大臣皮衣口盛顛 大軍將賞紫袍金帶下上關

口定 大惣管小銀告身賞二色綾袍金帶兼大臣

皮衣口口口 軍將口法曹下上關綾袍金帶洪羅

棟 大惣管小銅告身賞二色綾袍金帶口

軍將兼下上關綾袍金帶段旋忙湊 軍將戶

曹長小銅告身賞紫袍金帶口口口堅 大惣管下關

軍將兼白崖城大軍將大金告身賞二色綾袍金帶李

下上關 詔親大軍將小銀告身賞二色綾袍金帶李些豐

海下上關 詔親大軍將賞二色綾袍金帶放宜 詔

親下上關 金告身賞錦袍金帶獨磨下關

按此碑文約三千八百字存者約八百字蓋泐其

三千字矣今取雲南通志所載文補其泐字注於

旁乃可讀也碑稱王姓蒙字閣羅鳳大唐特進雲

南王越國公開府儀同三司之長子也唐朝授右

領軍衛大將軍兼陽瓜州刺史果拜特進都知兵

馬大將加上柱國天寶七載先王卽世上遣使持

節冊襲雲南王長男鳳迦異入朝授陽瓜州刺史

都知兵馬大將初節度章仇兼瓊奏遣越舊都督

竹靈情李宓等委先詔招討諸蠻王乃命大軍將

與李宓和諸蠻而李宓行反問東蠻諸酋乃各興

師召我同討李宓妄陳我違背又越嵩都督張虔

陀誑惑中禁職起亂階于時馳表上陳屢申冤枉

皇上一信虔陀奏我將叛王乃連表控告天高聽

遠不蒙矜察節度使鮮于仲通等統大軍至曲靖

又齋狀披雪仲通殊不招承仍自點蒼山西欲腹

背交襲於是昭告皇天后土縱兵親擊大敗彼師

關佺湊 軍將羣牧大使小銀告身賞紫袍金帶楊

嗟白奇 都口口兼知表詔小銀告身下上關和 大

惣管兼押衙小鑰石告身賞二色綾袍金帶石覆宜

大軍將小銀告身口口口口口段口口下上關帶李

奴鄧 客曹長賞紫袍金帶王 大軍將

小頗弥告身賞口口口帶口諾地下上關弥告身賞紫袍

金帶阿忍 大軍將小頗弥口口口紫下上關大軍將

賞二色綾袍金帶黑嘴口口 大軍將賞紫袍金帶

關口口 大口編賞紫袍金帶口白伽 軍將口

瑜石告身賞紫下上關軍將賞紫袍金帶兼大玉皮衣劉

望口口 軍將賞口袍金帶下上關軍將前兵曹口官小

銅告身賞紫袍金帶杜顛伽下上關趙充口口 軍將

兵曹副小銀告身賞紫袍金帶下上關盛 軍將士曹

副賞紫袍金帶楊鄧四羅 口口口口袍金帶口口

口口下上關軍將大鑰石告身賞紫袍金帶段下上關伽嗟

軍將賞紫袍金帶楊滯口口下上關軍將儂人佐揚

邏欵 軍將口紫下上關紫袍金帶尹求寬下上關將賞

紫袍金帶張趙邏 軍將賞紫袍金帶下上關軍將賞

紫袍金帶口口利 軍將口紫袍金帶下上關欵 詔

親大軍將大金告身賞二色綾袍金帶李外成宜下上關

口口口鐸傳及子弟六十人西朝欵獻贊普賜為

兄弟之國天寶十一載正月一日冊詔為贊普鍾

南國大詔授長男鳳迦異都知兵馬大將改年為

贊普鍾元二四年春命長男鳳迦異於昆川

置柘東城居二詔佐鎮撫時清平官段忠國段尋

銓等刊石勒碑志功頌德云云以唐書南蠻列傳

吹之南詔或曰鶴拓日龍尾日且咩日陽勿本哀

牢夷後烏蠻別種也夷語王為詔其先渠帥有六

自號六詔曰蒙濤詔越折詔浪穹詔濠嶽詔施浪

詔蒙舍詔蒙舍詔在諸部南故稱南詔居永昌姚

州之間鐵橋之南東距爨東南屬交趾西摩伽陀

西北與吐蕃接南女王西南驃北抵益州東北際

口巫王都羊苴咩城別都曰善闡府王蒙氏父子

以名相屬自舍危以來有譜次可考舍危生獨邏

亦曰細奴邏高宗時遣使者入朝賜錦袍細奴邏

生邏盛炎邏盛炎生炎閣武后時盛炎身入朝妻

方娠生盛邏皮喜日我又子雖死唐地足矣炎

閣立死開元時弟盛邏皮立皮邏閣授特進封臺

登郡王炎閣未有子時以閣羅鳳為嗣及生子還

其宗而名承閣遂不改開元末皮邏閣逐河蠻取

大和城又襲大釐城守之因城龍口夷語口坡陀為和故謂大和以處閩羅鳳天子詔賜皮邏閩名歸義當是時五詔徵歸義獨疆乃厚以利啖劍南節度使王昱求合六詔為一制可歸義已并羣蠻遂破吐蕃侵騎大入朝天子亦為加禮又以破泝蠻功馳遣中人冊為雲南王于是徙治大和城天寶初遣閩羅鳳子鳳迦異入宿衛拜鴻臚卿七載歸義死閩羅鳳立襲王以其子鳳迦異為陽瓜州刺史初安寧城有五鹽井人得煮鹽自給元宗詔特進何履光以兵定南詔境取安寧城及井復立馬援銅柱乃還鮮于仲通領劔南節度使下忿少方略故事南詔嘗與妻子謁都督過雲南太守張虔陀私之多所求丐閩羅鳳不應虔陀殺之取姚州陰表其罪由是忿怨反發兵攻虔陀殺之取姚州及小夷州凡三十二年仲通自將出戎嵩州分二道進次曲州靖州閩羅鳳遣使者謝罪願還所虜得自新且城姚州如不聽則歸命吐蕃恐雲南非大唐有仲通怒囚使者進薄白崖城閩羅鳳遂北臣吐蕃吐蕃以為弟夷謂弟鍾故稱贊普鍾給金印號東帝揭碑國門明不得已而叛嘗曰我上

世世奉中國累封賞後嗣容歸之若唐使者至可指碑燥祝吾罪也按字書無祝字史文與碑詳畧不同攷雲南通志古蹟載閩羅鳳刻二碑一曰南詔碑在城西南注云天寶間閩羅鳳歸吐蕃揭碑國門明不得已而叛西瀘令鄭同撰文今無可考一曰蒙國大詔碑即德化碑也是南詔羣臣頌德之碑注云在城北鄭同撰文杜光庭書今剝落殆盡云云是南詔有二碑皆鄭同撰文其刻石國門之碑朱子綱目系其事於天寶十一載此碑則在大歷元年兩碑之立相距十五年而前碑已亡則此碑雖剝落亦可貴矣碑陰上下皆闕中所存者若姓名及告身袍帶之類皆無可攷其官名有口平官大軍將兵曹士曹法曹倉曹戶曹客曹並口長有副又有大愬管羣牧大使唐酋口喻酋口等名色唐書南詔傳云官曰坦綽曰布燮曰久贊謂之清平官所以決國事輕重猶唐宰相也曰首望曰正首望曰員外首望曰大軍將曰員外猶試官也幕爽主兵琮爽主戶籍慈爽主禮訥爽主刑勸爽主官人厥爽主工館萬爽主財用引爽主客禾爽主商賈皆清平官首望大軍將兼之然碑中所

載諸曹長副及總管羣牧之官則史所不載雲南通志雜紀卷載南詔官職王左右有羽儀長八人清平見王不得佩劍惟羽儀長佩之為親信有六曹長曹長有功補大軍將大軍將十二與清平官等列自曹長以降繫金佉首尚絳紫有功加錦又

多聞天王
天主帝釋
持國天王
維建極上一年歲次辛卯二月丁未朔廿四日庚午
建極下層
銅鐘高丈餘在大理府崇聖寺前樓鑄作兩層上層鑄金剛智寶大輪妙法勝業咒似作響波羅蜜下層鑄增長夫梵廣日多聞天主帝釋持國各天王像末鑄建極十二年建益南詔世隆年號在唐武宗懿宗杜鈞信宗時也

崇聖寺鐘欵
欵作上下兩層每層各異層高一尺三寸餘廣一尺七寸正書在大理府崇聖寺
金剛波羅蜜
六輪波羅蜜
妙法波羅蜜
勝業波羅蜜
口響波羅蜜以上層
增長天王
大梵天王
廣目天王

按崇聖寺在大理府城西北蓮花峯下雲南通志稱寺有觀音像高二丈四尺唐蒙氏時董善明鑄又稱唐天寶間崇聖寺僧募造大士像未就夜驟雨且起視之溝澮皆流銅屑即用鼓鑄立像高二十四尺如吳道子所畫細腰蹠足像成白光彌覆三日夜去云而不及鑄鐘之事此鐘但詳年月亦不言鑄者何人鐘為建極十二年鑄建極者乃南詔世隆年號世隆唐書南蠻傳作首龍傳云閩羅鳳子鳳迦異鳳迦異子異牟等請歸天子為唐藩輔德宗嘉之冊為南詔王元和三年異牟尋死子

尋閣勸立明年死子勸龍晟立長慶三年死弟豐
 祐立宣宗崩時豐祐亦死坦韓立遂僭稱皇
 帝建元建極自號大禮國懿宗以其名近元宗嫌
 諱絕朝貢史文如此按唐元宗靠隆基惟南詔名
 首龍是以云名近嫌諱如果名世隆則直犯元宗
 正諱不得謂之嫌諱然據馮濤演政實是世隆演
 攷云大中十三年八月宣宗崩命內臣告哀世隆
 初立即凶狠悖慢謂我國亦有喪朝廷不問詔
 書亦賜先王子是以草具進使者而遣還又南詔
 向係父子以名相屬獨豐祐之子世隆名不相承
 新安倪說撰演雲歷年傳云統豐祐或云勸利
 晟之弟或云勸利晟之子諸葛元聲演史稱豐祐
 慕中國始不連父名但南詔野史云名晟豐祐當
 是勸利晟之子而又曰石刻為勸豐祐則又承尋
 樂勸而為勸利晟之弟矣且以後世隆之子隆舜
 隆舜之子舜化依舊父子相承則不連父名者僅
 世隆一代耳演史未確也至唐書斥世隆為首龍
 以其觸犯僭悖而削辱之非果名首龍也視按此
 語亦未確南詔官名有酋望龍為鱗龜之長酋龍
 二字並非削辱之稱當由朝廷避諱改稱首龍而

史沿其舊文耳建極十二年唐為懿宗咸通十
 二年跋者杜鈞江西新建人官大理府太和縣令
 崇聖寺中塔題字
 石二谷高四尺六寸廣一尺六寸五
 分每石各四字正書在雲南太和縣
 法界靈通 明真乘塔
 右八字作兩行書在崇聖寺前三塔中最高一塔第
 一層重簷蔽之故完好無剝蝕痕中間一碑磨平無
 一字蓋南詔時立不知何代刻去也杜鈞
 按雲南通志崇聖寺有三塔其一高十餘丈十六
 級其二差小各鑄金為頂頂有金鵬世傳龍性敬
 塔而畏鵬大理舊為龍澤故以此鎮之此所題字
 二行在三塔中最高一塔即十六級之第一級一
 大理
 石城碑
 石刻高四尺四寸廣二尺六寸五分作上下兩截書
 上十一行行十三字左行下八行皆人名行書在南
 寧縣
 明政三年歲次辛未宣諭勸奉承 睿旨統率戎行
 委服皆 恩撫安邊塞是以剪除逆眾鎮長奇宗求州
 首領代連弄免覆磨乃等三邑口置逆眾鎮以二月八
 日迴軍至三月七日到省城更討打賊即羽寺阿房田

洞合集卅七部姆伽諾十二將弄略等於四月九日研
 羅沙一遍兼頒賜職賞故迺其約盟誓務存人長上對
 眾 聖之鑒知下揆一德而砥立
 三軍都統 皇升布燮段子珍
 都監三軍禮樂夾長附馬布燮段彥貞彥貴 宇覽
 揚連永揚永彥
 侍內官久贊段子惠李善
 督爽王清志
 貼侍內官贊衛揚定存
 摸陀道揚定福
 施洒袁永智禧晨興
 按雲南通志石城廢縣在曲靖府城北二十餘里
 唐貞觀四年置莊州領縣七石城其一也石城碑
 在城北二里許昔段氏破楊于貞與三十七部落
 會盟立 東方黑蠻松蠻共有三十七部其名曰陽
 會盟立 城堡部休臘部囉城部強現三部王弄部
 舊處甸部件溪落忍部鐵峇部官桂思陀部屈
 中師師宗部落家部彌沙部邑車部維摩部彌勒
 部摩羅部羅雄部納垢部夜直部落温部吉綸部
 蒙恩部羅部仁地部自鹿部摩訶部華竹部口中部休
 制部步雄部羅伽部其會盟之所在曲靖北十五
 里 康熙十八年營兵於土中掘出碑字猶存文云
 明政三年歲次辛未明政一作明正辛未為宋太

祖開寶四年演史載開寶二年段素順立改元明
 正在位十七年辛私謚應道皇帝南詔之事唐書
 所載自昭宗以後中國亂不復通史無可攷宋史
 載大理國傳始於熙寧九年以前亦無可攷故自
 唐末迄宋初僅見演考及南詔野史二書稱唐宣
 宗大中十二年豐祐死子世隆立改元建極號太
 理國僖宗乾符四年世隆死子隆舜立改號大封
 民國建元貞明昭宗乾寧四年隆舜為楊登所弑
 子舜化真嗣天復二年清平官鄭買嗣弑舜化真
 自立為帝僭號大長和國改元安國蒙氏遂絕梁
 太祖開平三年鄭買嗣死子曼立唐莊宗同光四
 年鄭曼死子隆立改元天應明宗天成元年南
 詔東川節度使楊于貞弑鄭隆立而立侍中趙善
 政改元尊聖次年改天應四年楊于貞自立改國
 號曰大義寧改元光聖又改興聖長興元年又改
 大明晉高祖天福元年通海節度使段思平討楊
 于貞于貞自縊死二年段思平自立號大理國改
 元文德晉齊王開運二年段思平死子思英立改
 元文經三年羣臣廢思英而立其叔思良改元至
 治周太祖廣順元年段思良死子思聰立改元明

師段進全述

德居位十七年改元順德是年死傳子素順宋太祖開寶二年段素順立改元明正即此碑所稱之明政也雲南當宋初為太祖所棄史稱乾德三年正月王全斌平蜀欲以兵威取滇進滇地圖帝鑒唐之禍以玉斧畫大渡河唐書作大渡河曰此外非吾有也由是滇南與中國不通吐蕃合金沙入大江趨東海其所經繞素順之立史既不載而此碑所在嵩昆明之間載明政三年集三十七部討賊約盟之事即滇考野史亦不詳此碑出土逾百二十餘年文僅泐一字餘完好可貴也

地藏寺梵字塔幢

幢八面二面廣廣二尺三寸二面二尺二寸餘各一尺一寸五分高九寸三分一面二十行一面十九行一面二十四行二面二十七行一面二十一行一面二十二行字數八字或十字十一字不等正書在雲南

佛說般若波羅蜜多心經

大日尊發願文

發四宏誓願錄

大理國佛弟子口事布變

敬造佛頂尊勝陀幢

皇都大佛頂寺都知天下四部眾洞明僻釋慈口大

原夫一氣始弁二儀初分三光麗於穹隆五岳鎮於磅礪爰有挺秀愚智辨立君臣掩頓於八區宰籠於四海隨叔而設理運口而負風常讀八索之書非學六邪之典淨邊綬定遠郊茲東海浪澄於驚波楚天霄淨於讒霧君臣一德州閩一心只智詰才能乃神謀聖運者則袁氏祖列之義也由乃尊卑相承上下相繼協和四海姬同親而相知道握九州訝連枝而得意承斯鋒銳不起飢荒無名鐘鼓義而明明玉帛理而穆穆可謂求人而得人亦袁氏之德也至口救高明生則大將軍高觀音明之中子也其高明生者文列武列万国口實而宣威神氣神風千將口摧而留世悲夫四大无主六蘊空去來天地橫口不慈大運口將不意口哉雲郁郁兮窮天口雨霏霏兮盡山悲楚方罷暄口京口昭本州為兄弟之土將相口上下之權子小紹運系口亞脫其布變口口者至忠不可以無主至孝不可以無親求殺術於宋王口王果成功於務卒得卒將乃後嗣踵口化及口口霜風口而一海颺秋雲布而万物皆潤懷其義者日用不知挹其源者游泳莫測此袁口口口口口也聖人約法君子用口口德而不可不傳以傳而備

遠有義而不可不記以記而口常口夕哀哀終朝威威尋思大義孔聖宣於追遠慎終欲月元文釋尊勸於酬恩拜德妙中得妙靈理知靈善住復七返輪迴如來說一部殊教日如來智印口尊勝陀幢託其填際而建之鐵圍口成極樂臨其寒林而起矣地獄變為蓮花即到於菩提道場速會於常寂光土次祝非口口於生我育我而先口於恩余建余復利於重義輕生盡口於亡身報主大義事事以懷此敬節日日以惟新建梵幢而圖功勒斯銘而標記

護法明公德運碑贊
碑高八尺八寸廣六尺五寸二十五行行四十六字左行行書在雲南楚雄府

口口護法明公德運碑贊

傳曰進賢受上賞蔽賢受誅戮齊有仲父鄭有子產竹帛稱之為民之父母孔子口誠之為口進賢也口口賢口口有德口口八絃宗族同一心四海為一家詩曰濟濟有眾此之謂也語云生而知之者上也公自勿孤久失連訓不喜盤遊弱冠歲餘天地合德日月同明溫良五備口大藝三口隨而有所謂生而知之者上也公不閉書史而所為動作皆合書史公以禮義為衣服以忠信為甲冑以智勇為心肝口之來者割地而封之不歸化者與兵而討之自是天下大化公明口口地了了性源與修白口喜建伽藍聚山蘭若無不周備所謂溉其根而口其實種其福而積其基帝憫其精勤有道為口濟民皆在斯焉再勅号曰護法公公在位九年乃讓位与其姪中園公中園公心腹股肱瓜牙皆公之為也公爵地威楚府牟州石乘弄口處威楚府西隅去府五十里地名口溪山林茂盛是賊巢穴採蔗刈草皆為賊所口口口躬居處建宮室賊散去不知其幾千里也泉甘而山茂公之口處仲尼有云仁智者也四夷八蠻累會於此八方羣牧口口於此雖夷狄之深仇部曲之怨恨到此善歸方寸惡竟冰釋抽刃懷刀一時捐弃甘辭艷語以發喜戲古人有云人傑地靈也八絃四海關

大理國高相國公仲子之孫諱曰量成自幼有大器及長思欲立大功定寰宇而道未合俄然四夷八蠻叛逆中國途路如蝟毛百姓離散天不早命公斯民墜矣公於時領義兵口鄉勇掃除烽燧開拓輿坤安州府於亂離之後收遺民於虎口之殘四海清肅路不拾遺帝勅号曰口口口口口口周道不行商道商以擔為實周以會為實公累與諸蠻會而不會撥放行周道非獨行周道代亦周氏口口口口口口口口口口關門不開

大理

命於此可謂大矣樹異山靈□□□松杉□□□
 □□□白雲□□連前柄一□兩□瑞□明月侍座清
 風掃門喜聽法鼓明心不聞塵囂聒耳真□□□□
 □□□□□□□□□□□□□□□□□□□□□□
 蓋天地道德高古人尙和光同塵而不負自高自太之
 意□□□□□□□□□□□□□□□□□□□□□□
 危詩不云乎愷悌君子民之父母伍員者古之智勇忠
 孝之士也□□□□□□□□□□□□□□□□□□□□
 軍而代楚破塚鞭骨而冤未消□如公雖□深仇大讐
 冒襟坦然□□不□此皆能仁之行□□□□□□□□
 宋國建武軍進士兩戰場屋畫虎无成□□南國十有
 六年蒙公清照如□□人□命□□□□□□□□□□
 □□□□□□□□□□□□□□□□□□□□□□□□
 而發微言曰知我者其惟春秋乎罪我者其惟春秋乎
 □□□□□□□□□□□□□□□□□□□□□□□□
 尙未盡善也□之高氏如有聰明俊□克己復禮能□
 □□□□□□□□□□□□□□□□□□□□□□□□
 □□亦高□世世之□也與叙之不足乃作銘曰
 □□出社□□位克己□君奇□□□□□□□□□□
 星共北 是水潮東 道毋古今 公比周公 外掌

部域 內滬真流 □□□□ □□□□ 樂山樂
 水 仁哉智哉 紫雲□□ □□□□ 手拓山河
 化洽乾坤 □□□□ 公名常存
 時□□□□□□□□□□□□□□□□□□□□□□
 □□□□□□□□□□□□□□□□□□□□□□□□
 按載記段正淳立於宋哲宗紹聖三年號後理國高
 泰明相之稱爲高國主此碑年代劉落篇首稱高辰
 成爲相國仲子之孫則當在南宋之中葉繫國仍以
 大理則改號之說恐無据又通志古蹟云高量成碑
 在楚雄城西四十里紫溪山獼猴箐此碑當是也
 李榮 駐職
 按碑在楚雄城西四十里紫溪山獼猴箐雲南通
 志山川卷不載獼猴箐而紫溪山則云在楚雄府
 城西三十里徽溪山之右松竹陰森峯巒秀麗禿
 宇琳宮踞一郡山水之勝又古蹟卷載德江城在
 府城西北二里宋段氏時高昇泰執國柄封其兄
 子明亮於此因築此城又名德江村昔高量成避
 位居此一村化其德是卽碑所云威楚府西隅去
 府五十里地名紫溪公躬居處建宮室也今之大
 理府在宋時大理段氏以其地屬姚州名當節檢

後改威楚郡碑故謂之威楚府也高相國之始由
 于段氏以南詔野史滇攷滇史滇記泰攷之段氏
 之先爲武威郡人自段儉魏從風仰異敗解于仲
 通于西洱河蒙氏擢爲清平官易名忠國六傳而
 至思平爲通海節度使楊于貞忌之晉高祖天福
 元年討平楊于貞二年自立號大理國開運二年
 思平死子思英立三年羣臣廢思英而立其叔思
 良周太祖廣順元年思良死子思聰立宋太祖開
 寶二年思聰死子素順立太宗雍熙三年素順死
 子素英立真宗大中祥符三年素英死子素廉立
 仁宗乾興元年素廉死姪素隆嗣天聖四年素隆
 避位爲僧禪子素真康定元年素真死孫素眞立
 慶歷三年國人廢素眞而立思平曾孫智恩之子
 思康神宗熙寧六年思康避位爲僧子廉義嗣元
 豐三年廉義爲其臣楊義眞所弒義眞自立篡位
 四月岳侯高智昇命子昇泰起東方兵誅之而立
 廉義之姪壽輝以靖難功加高智昇太保封德侯
 之始 子昇泰封鄴閩侯代智昇爲相于楚雄築
 外城號德江城以封其姪子量成此高量四年壽
 輝避位爲僧立思康孫正明哲宗紹聖元年正明

避位爲僧國人奉高昇泰立之號大中國二年昇
 泰有疾遺命還國段氏而卒四年昇泰子泰明遵
 遺命立段氏正明之弟正淳改稱後理國以高泰
 明爲相徽宗大觀二年正淳避位爲僧子正嚴嗣
 政和七年徽宗詔使勅封正嚴爲大理國王是年
 高泰明卒追封國師以其弟高泰運爲相國高宗
 紹興十七年正嚴避位爲僧子正興嗣十八年六
 月高量成討三十七部叛夷平之以姪壽眞爲中
 國布變自號中國公退居楚雄卽此碑所載之事
 也據此碑則中國公乃其姪壽眞之號非量成自
 號量成固勅號曰護法公也高國主之稱始于高
 泰明而連及于高量成滇記載政和三年高正嚴
 向慕中國與國主高量成謀入貢從廣南東道請
 之倪蛻換滇雲歷年傳疑之曰此時高泰明爲相
 何以又有國主高量成國主非官名恐是柵主之
 謠高泰運曾爲柵主或量成繼之耳此蓋倪氏未
 及詳玩此碑所謂國主者卽中國公之稱非謂大
 理國之主也碑無歲月以量成退居楚雄考之于
 時爲段正興永貞元年在宋爲紹興十八年
 稽肅靈峯明帝記

石刻高五尺二寸廣一尺八行行
五十字在行正書在姚州興寶寺

袁州陽派縣嵇肅靈峯明帝記

夫自人而粹者天之道也自天而純者神之道焉運乾坤而變化何窮妙萬物而陰陽不測至哉自天地川岳得其道者無不以清以寧以淵以靈故流為江河結為山嶽者良之象也易曰終萬物始萬物者莫盛乎艮言其止而不動也噫含澤布氣以調五神積高厚下而安四極山岳之理可得而言歟有袁州陽派縣嵇肅靈峯明帝者德標鎮地高極配天秀出太虛之中結成元氣之始育靈孕聖懷寶含章誰足生甫之神獨稱應昂之傑千年卓立驚神口之千宵万仞削成口青蓮之出海霏霏膏澤豈道徐州之車雷驚丹震似擁芒碭之蓋風泉相渙栝竹共清靈變元端雲雷未測益天府之巨鎮此方之靈祐也 公奉命登庸政成清謚雅頌一變山川再榮顯此靈峯變為保障乃修柴望之理備方伯之儀口口無窮永申如礪之約合聞不已豈無勒石之功余志望郭生愧述崑峯之贊才非謝子敢題盧嶽之文畧敘風口以旌盛烈

時元亨二年敦祥歲徂暑月哉生明 口口楊才照
奉命記

州有稽肅碑在城西十七里上有天福二字今此碑未見有此二字是所搨未全也

興寶寺德化銘

碑高五尺二寸廣三尺二寸二十七行行五十字見六行刻於右側側寬六寸五分左行正書在姚州興寶寺

大理閣上功高踰城光再建弄棟華府陽派郡興寶寺德化銘并序

皇都崇聖寺粉圍侍郎賞米黃綱手披釋儒才照僧錄闍梨楊才照奉命撰

蓋聞率性之謂道妙物之謂神混成天地之先獨化陶均之上體至虛之宅无毒无門運不隅之方何固何執未嘗不出入五物誰測至變之端周流六虛旁行大衍之數知大始者由之揆務作成物者宗之致能行象分而變化斯奇動靜常而剛柔乃斷元疑易簡之理昭升八大之切引而申之觸類而長之天下之能事畢矣異哉仰觀俯察弗昧幽明之宗原始反終遂知生死之說由有口有難保口於幻夢之常從迷積迷几窮况於風浪之起至寂豈虛靈覽大覺忽目隨眠非諉四誓之言永矢大千之化觀淨姓於日種孰類鄉人驗白岙於脇生豈定虹渚昭四門之遠誠忻駭馳而交懷甘口歲之

按此碑在姚州興寶寺右側題稱袁州場江縣嵇肅靈峯明帝記唐書地理志請蠻州有哀州武德七年置本弄棟地南接姚州縣二楊彼樂疆据方輿紀要姚州有揚波廢縣在大姚縣東武德四年置袁州領揚波強樂二縣後廢二書所載州縣名互異不能定其孰是然以此碑證之題曰袁州與紀要合則唐書作哀者疑謁縣名陽派則唐書紀要一書之作楊彼揚波似皆以形似而訛雲南通志稽肅山在姚州城西七十里山有泉入陽派河據此則縣以河得名似陽派為有據也惟碑稱明帝無攷文云天府之巨鎮此方之靈祐似明帝謂稽肅山神下文又云公奉命登庸政成清謚修柴望之理與禮備方伯之儀似係守此土者奉祀稽肅山神而立此碑但未詳所謂公者何人碑無姓名可攷碑立于元亨二年敦祥歲徂暑月哉生明段氏自宋孝宗乾道八年正興避位子智興嗣改元利貞又改盛德嘉會元亨安定滇雲歷年傳不詳元亨之號建于何年碑但稱敦祥歲是千年而不署何干据下碑二年丙午則元亨建于乙巳碑立于丙午歲六月三日也雲南通志古蹟卷姚州

幽求苦樂審其非道術求舊於往證之口濟惟新於所化之生發神足於道場吉祥暫鋪草座入慈定於樹下波旬立憫輿尸光縱鹿園五老頓忘於本制德勝火室三愚遂服於仁風示化橋而摧我人指恒河以明生滅大教旁收於五性不化而自行法輪妙衍於三時不言而自治旭日照之極耀幽葩圓鑿動希聲之大音盲聵俱拆遂使九十六種貫眾而聽命乎品拔茹以成羣門微塵而開大經傾寶口而賑諸有莫不十度成叙六趣捐關束名實者息肩於露團尚清淨者同味於大道時來舍衛鴛子奉命於祇園暫上天宮優王遂與於僧像即穢王以闡淨刹奇有相以述真常欲使住三界之歸依為像法之洲渚妙哉恍惚无得而稱焉益此寺者大蒙知軍事布變楊禎之所勅也年鐘建極口佐兵口口蜀衝蕃惟公是倚外則兩諸帝道事竭於君內則翼扇真風心亡於法下茲勝地勅此精藍歲月已淹痛哉圯毀有公子高踰城光者會祖相罔明公高泰明祖定遠將軍高明清已備罔史考口公高踰城生者定遠將軍之長子也口剛柔之粹德鍾岳嶺之休靈清明在躬鑑澄波之千傾風神絕倍擬巨岳之万尋寧佳授於明朝善亦縫於朝葉降德惟忻口種口恩未憚及人口口如

神鄙圮橋之取履政則凝化鍾合浦之還珠□□□□
 功高五伯懿哉寔□期之明哲也公高踰城光□□□
 再索慶襲餘芬天質白朱龍章特異夙蘊風雲之□□
 實仁義之懷和□內疑兵華外發器夜識□之歲□□
 有芬志高还洛之年清暉自遠敬義无失忠節更堅□
 行而異虺吞聲鷗□而群翔殺□噫永及廷訓傷□□
 之兢兢□□天倫慕花萼之輝輝恭盡秋霜之戒友垂
 冬日之暄肅肅焉稷稷焉輸至誠於君兄循肌膚於伯
 父嗟乎義以道合事由□□不意醜玷成瑕南箕自遠
 及與□□公及先君諸舊臣等議曰大義不可無方□
 不可无主惟其平罔大宰之遠將軍君臣之義寧高
 叔姪之分尤重不異霍光輔漢姬且匡周盛衰惟終安
 危同力在我子孫後嗣并茲歷世世休孤立一隅介□
 大罔其不謂事之末乎然孤首工藝能衛足不忘本
 也姑可忍諸乃與中罔行成獨與廟計自此散從釋衛
 縮甲抑戰公兄弟之力也至哉難不讓於歷試位則□
 以居謙鬱其千里之才擢以百成之命奉旨則仁聲已
 洽下車則清風載輿簞食壺漿歌來甦而滿路逸民傲
 吏輟考盤以登朝乃煦以秋陽威以夏日坐甘棠而聽
 訟談進療以思賢振□惠而字小人宏義讓以勗君子

民識廉耻咸習管子之風家足農桑旁□孟軻之制緝
 理之暇澡德馨源恨不手布黃金幸齊肩於善施日用
 畱心白馬庶接武於漢明傷德本之未滋痛斯藍之煽
 燬遂乃役子來之衆鳩心竟之工妙啓新模武仍舊貫
 喜得上棟下宇盡合大壯之宜矢棘羣飛起斯干之
 勢窮山水之幽致溢煙霞之□趣西則松風發口驚□
 苦空之音南則江月殘朝忽認靈臺之鏡東臨霧闕近
 接應供之賢北枕平坡遠廉釣鼈之客一一美麗事
 新奇盛矣哉信華州之嘉境也夫作而不紀非盛德焉
 乃揖儒流粗陳風烈其辭曰
 牽性曰道 妙物稱神 混成天地 獨化陶均 其一
 形象乃分 劉柔斯判 幽明迭興 生死相攬 其二
 幻夢勿固 風浪非常 至寂豈默 一覽獨彰 其三
 四口弗諉 八相斯假 瑞景固天 微鳥衛社 其四
 四門昭戒 六載幽求 道成樹下 法演鸞頭 其五
 鷺子標藍 填主刻像 三界歸依 群生瞻仰 其六
 口哉此寺 肇自揚公 心亡於法 事竭於忠 其七
 朔此德基 忽遭煽燬 不絕人望 誕生公子 其八
 寧祖靜域 顯孝佳邊 積善餘慶 口嗣口延 其九
 口事天倫 敬而无失 恭履秋霜 友垂冬日 其十

難則歷試 位乃居謙 擢以百里 德化清廉 其十
 政理之餘 留心喜捨 想布黃金 思題白馬 其十
 乃仍舊貫 式建仁祠 斯于盡制 大壯得宜 其十
 靈功既疑 貞氓可紀 共彼天長 盡善盡美 其十
 元亨二年歲在丙午七月十五日
 按雲南通志古蹟卷載姚州有興寶寺碑在城西
 十八里段智興元亨二年立實宋淳熙十三年即
 謂此碑也又通志寺觀卷興寶寺在姚州城西十
 五里元宣光間建元無宣光之號其誤顯然据碑
 則寺為大蒙建極年知軍事布變楊楨之所勅蓋
 建于蒙氏時矣建極之元建于唐宣宗大中十二
 年則元宣光者或是唐宣宗之訛碑題稱高踰城
 光再建自勅建至是間歲三百四十餘年宜乎再
 建也高踰城光會祖即高泰明祖高明清考高踰
 城生高泰明即大中國王高昇泰之子宋紹聖四
 年昇泰臨死遺命還國段氏段正淳立以昇泰為
 相語已詳前此碑蓋紀興寶寺興建之由因述高
 氏之世德謂之德化者猶言功德也前碑題褒州
 陽派縣此碑題弄棟華府陽派郡唐書地理志哀
 州即褒本弄棟地方輿紀要姚州唐天寶末没干

南詔為弄棟府治大理段氏仍置姚州据此碑則
 段氏尚稱弄棟未改姚州然謂之華府又以陽派
 縣為陽派郡其建置諸書皆無攷碑載釋儒才照
 之官曰粉圍侍郎又曰賞米黃繡手披似即袈裟
 之屬皆僅見此碑銘詞十四章章各四句又一體
 也碑書千頃作千傾百城作百成考槃作考盤似
 皆借用字
 淵公塔銘
 神高五尺廣三尺厚八寸五分三面前面二十三
 行側五行後面二十行行俱五十字左行正書在雲
 南
 大理國淵公塔之碑銘 并序
 楚州趙佑撰
 淨徹昭融精真冲邃虛明靈體曠闊靈微豈可以闊狹
 知其邊際稱量議其深淺且倏熏亡照之所覺勞而照
 性已迷觀彼太虛之形駁本圓明之體四大都起萬象
 交羅夢中重夢迷裏又迷故頭無得失之非見有忽狂
 之客自此已往相去遠矣因差路殊非法身大士奚能
 破塵出經安往法界者我 淵公隨緣白地誕粹于高
 氏之族故相國公高天明之曾孫政國公明量之孫護
 法公量成之子也母則王女諱成宗厥考護法公口武

定天下仁政法乾坤威行如秋仁行如春戎夷口口
遠遁朝連高枕而无虞中國蒙其惠異俗震其聲恩俾
造化而澤潤草萊德被生民而模範天下則公之為公
之子也英姿卓茂氣韻清遠昂昂若雲鶴之處群雜也
自有不羈之態視榮貴如幻炎執身心我人為甚倒慨
然有出世之心不肯為凡夫年臬二十日辭父兄出
家知其志不可奪不得已壯而許之公侯將相朝士大
夫及輿臺阜隸等皆曰今失命世之才莫不銜恨者茲
尋經論以言之將入道門欲得其正如人造象先辦真
金象成之後體無增減用真心修无上菩提如將金為
器器器皆金用妄心修无上菩提如將瓦為器器器皆
瓦故若於因地以生滅心為本修因欲求佛乘不生不
滅无有是處此諸聖之要言修行者之正因今公之發
菩提心也可謂得其正矣如不以喜怒哀樂發菩提心
富貴榮利發菩提心即當以離前塵分別性發菩提心
稱法界性發菩提心如此則文殊師利菩薩不動智佛
主伴明矣如清涼謂明東廟智滿不異於初心寄位
南求因圓不逾於毛孔則龍女善財豈迂滯哉是以鬚
髮自茲而落俗裳自茲而變戒品水潔威儀調順號智
元字皎淵衣鉢之外分寸无餘猶虛室頹頹妙用難窮

因自念創學之流未諳教跡執權為實迷不進修不以
聖教為繩墨明師作指南菩提涅槃尚在遙遠豈能會
諸地於先心短長劫於一念遂師於 元疑尊者所以
崇德廣業虛心外身拂傲慢於貴法除人我於進修攝
漏塵之妄識餅裏之雀密遮揜放逸之幻身井中之蛇
深怕緣緣自淨物物无心謙尊而光界而不可踰增上
慢者見之而暴慢革无明固者遇之而智慧生為法修
忍三忍之行圓為法除蔽六蔽之元淨振古佛之宗風
尋祖師之公案本分作家手段量度銀佛鉗鎚毀罵露
珠電掣讚善水月空花故當進齊乎佛果行弥於法界
難能而能不能於能者也 疑師於是曰真个光昭先
覺可謂不忝後昆自非得恁口人安能有如是法乃機
緣俱會遂悟旨於言下即以證入法界智如來果德理
體妙慧為修行之正因如王寶印一時普印无前後成
文也故乃得生空之摠持除闇提之不信臻妙有之不
極起万行以無疲 利貞皇叔於公世則渭陽之規口
達磨西來之口祖祖相傳燈燈起焰自漢暨于南國口
不六人至於王弟甚的見公之於法也機深於教門口
進求以身為逆旅未曾專於身以心為緣相宜可滯口
心貪如瘴海而不入嗔比誅戮而常離於是相與為口

知識无二三其心以無作根本智口口行之因修法空
之妙慧行口利以無窮出聲聞之清水濯凡夫之淤泥
如彼蓮花斗頓馨香无物以喻也又與 戒遵長老求
法界之游為新漫之友以无言之深言詮言絕之深理
以无為之妙行應无作之妙心融真俗以無跡鎔靜亂
而不偏壞其可壞遠離諸離智悲拂跡而雙入行願忘
照以競興五蘊付於雲夢三界寄於電泡張四心之仁
羅諸類以无遺展四攝之義導生品以咸歸大哉生死
無以牽其慮涅槃无以住其心悲智交羅自在運用真
大丈夫之學佛者也乃尋經論以符契心无證微言以
俯同元旨良以因深果奧行廣位高當處發揮无非佛
事貴與泰山之高利與滄溟之深而无以為心則其口
口口口口之善无不為塵點之惡无不翦則其戒深矣
舟本无人奚司其吝則其忍廣矣因果交馳慣習功濟
則其進大矣境口口口口口口口口口口則其定凝
矣妙有昭廓而臨機變化靈鑒无極則其慧明矣觀其
臨時三昧觸事解脫者如或有憚公之調深行遠規矩
難摹故致燒之不置公嗒焉似喪其偶而不知其所也
公之友謂於公曰此不尊其尊无禮甚矣口當叱之公
曰何謂其然也彼其之子焉能使我子不類哉吾之所學

者佛也所貴者法也可以小不忍而亂法界大謨乎子
不聞乎菩薩口口如飲鴆酒子當怒以怨乎公之友曰
吾儕闕茸未能至於此也然吾不忍見公之修忍也以
餅錫雲游乎又有昨裏之役公之弟公子口戰敗績而
為人所擒拘之久矣而守者依公之友奏於公曰當解
拘以送之謂子不信有如敵日公曰无之文王拘於羑
里而天命有歸天其有命矣信則信矣以吾弟之賢而
汝曹送之則其事必矣然非吾佛法中善菩薩見詐如
畏豺狼吾可以行詐乎其万行芬披手帶窮萌多類於
此可同日而誦哉抑迺唯心回轉而善成同時具足而
相應盡如來之境界同異之性亦滅淨昭廓而明生明
圓徹而覺滿異同之所不知无為之理分明盡法界云
一真如際發妙用而鑑窮沙界蔭慈雲而覆涅槃海非
歷劫之功濟離念之蘊修豈能以定慧照用身心如此
之圓通也公以病故辭 疑尊者鳳臺之元庚申之冬
栖託於茲山焉順行而至已矣由是德行星羅寶澤口
涌智周萬法而不為悲等眾情而非已雖修万行不口
世間因果交徹單復互融如昆楞伽實一切皆現其口
如夜夢千秋覺已隨滅矣且夫子以經義推其始終之
事行位重重事理融徹如此觀之則文殊初心普賢口

行弥勒極果明矣其家譜宗系者自觀音傳于施氏施氏傳于道悟國師道悟傳于元凝元凝傳於公公之族子有慧辯追蹤景行唯嗅薈蔔而嘗醍醐者公器之因傳焉嗚呼公其來也化身歟其去也補處歟方綱三昧之運用歟非世俗準儀言論云為之所及耶以天開十年甲戌歲十月二十四日端坐泊如也一念圓融具德安住法界矣公以己巳歲生修行位中四十有六夏父母之生六十有六年其嗣法弟子起塔于山辦事如法已 帝命禮號塔曰實際論曰頓覺禪師餘事備如盡贊文具載孫高明生姪高善祐雖妙年而義誘其衷謂開國已來一人而已可以將示來者故俾公弟高觀音政檢按措意如公弟扶危撫弱防巢之義深者因申奏上聞琢石立碑命臣佑輒書其大略也如公之大者遠者非吾所與焉銘曰

法界之濔 天地是生 法界之靈 聖人是明 高不可仰 深不可撐 緣謝歸无 獨悲衆情 千秋萬歲 物是人非 松風疎散 苔葉因依 白雲共住 山鳥猶歸 塔以表靈 碑以傳徽

時天開十六年庚辰歲八月十五日 貴國先生會

孫蘇離陀智奉命書 釋戒護檢校 金闡社隆義

雕書 王長連琢石

按淵公即相國護法公高量成之子高量成事已詳前碑淵公年二十一出家天開十年甲戌歲端坐而化年六十有六天開乃大理段智祥建元智祥以宋寧宗開禧元年立改元天開至十年淵公卒推其生在宋高宗紹興十九年是時其父高量成討平三十七部叛夷以姪壽貞為中國布變自乃退居楚雄也

金石錄編卷一百六十終

